

ओं नमः परमात्मने, श्री महागणपतये नमः,

श्री गुरुभ्यो नमः

हरिः ओं
—

कृष्ण यजुर्वेदीय तैत्तिरीय संहिता

सप्तमं काण्डं

Note: Please refer to the book, TS Kandam 1 for notes and conventions used in this Compilation.

Contents

7 कृष्ण यजुर्वेदीय तैत्तिरीय संहितायां सप्तमं काण्डं 3	
7.1 सप्तमकाण्डे प्रथमः प्रश्नः– अश्वमेधगतमन्त्राणामभिधानं3	
7.1.1 Appendix..... 30	
7.2 सप्तमकाण्डे द्वितीयः प्रश्नः – षड् रात्राद्यानां निरूपणं..... 31	
7.3 सप्तमकाण्डे तृतीयः प्रश्नः – सत्रजातनिरूपणं..... 55	
7.4 सप्तमकाण्डे चतुर्थः प्रश्नः – सत्रकर्मनिरूपणं.....77	
7.4.1 Appendix..... 104	
7.5 सप्तमकाण्डे पञ्चमः प्रश्नः – सत्रविशेषाभिधानं.....105	

ओं नमः परमात्मने, श्री महागणपतये नमः,

श्री गुरुभ्यो नमः, हरिः ओं

7 कृष्ण यजुर्वेदीय तैत्तिरीय संहितायां सप्तमं काण्डं

7.1 सप्तमकाण्डे प्रथमः प्रश्नः- अश्वमेधगतमन्त्राणामभिधानं

7.1.1.1

प्र॒जन॑नं॒ ज्यो॑ति॒र॒ग्नि॑-र्दे॒वता॑नां॒ ज्यो॑तिर्वि॒राट्॑ छ॒न्द॒सां॒ जो॑तिर्वि॒राट्॑
वा॒चो॑ऽग्नौ॒ सं ति॑ष्ठते॒ वि॒राज॑म॒भि संप॑द्यते॒ तस्मा॑त् तज्ज्योति॒रुच्य॑ते॒ द्वौ
स्तो॑मौ प्रा॒तः स॒वनं॑ व॒हतो॑ यथा॒ प्रा॒णश्चा॑ऽपा॒नश्च॑ द्वौ मा॒द्ध्यं॑दि॒नञ्
स॒वनं॑ यथा॒ चक्षु॑श्च॒ श्रोत्रं॑ च॒ द्वौ तृ॑तीयस॒वनं॑ यथा॒ वाक् च॑ प्र॒तिष्ठा
च॒ पु॒रुष॑संमि॒तो वा॒ एष॒ यज्ञो॑ऽस्थू॒रि - [] 1

7.1.1.2

र्यं॑ का॒मं का॒मय॑ते॒ तमे॑तेनाभ्य॒श्नु॑ते॒ सर्वञ्॑ ह्य॒स्थु॒रिणा॑ऽभ्य॒श्नु॑ते॒
ऽग्नि॑ष्टोमे॒न वै प्र॒जाप॑तिः॒ प्रजा॑ अ॒सृज॑त॒ ता अ॒ग्नि॑ष्टोमे॒नैव
पर्य॑गृह्णात्॒ तासां॑ परि॒गृही॑ताना-म॒श्व॒तरो॑ऽत्य॒प्रव॑त॒ तस्या॑नु॒हाय॑

रेत आ॒ऽदत्त॒ तद्-ग॒र्दभे॒ न्यमा॒र्त् तस्मा॒द्-ग॒र्दभो॒ द्विरे॒ता अथो॑
 आहु॒र्वड॑बायां न्यमा॒र्दिति॒ तस्मा॒द्-वड॑बा द्विरे॒ता अथो॑
 आहु॒रोष॑धीषु - [] 2

7.1.1.3

न्यमा॒र्दिति॒ तस्मा॒दोष॑धयो ऽन॒भ्यक्ता॑ रे॒भन्त्यथो॑ आहुः प्रजासु न्यमा॒र्दिति॒
 तस्मा॒द्-यमौ॑ जाये॒ते तस्मा॒दश्च॑तरो न प्र जायत आ॒त्तरे॒ता हि तस्मा॒द्
 बर्हि॒ष्यन॑वक्लृप्तः सर्व॒वेद॑से वा सह॒स्रे वा॒ऽव क्लृ॑प्तोऽति ह्यप्र॒वत॒ य
 एवं वि॒द्वान॑ग्नि॒ष्टोमे॒न यज॑ते प्राजा॒ताः प्रजा॑ जनयति परि प्रजा॒ता
 गृह्णा॒ति तस्मा॒दाहु॑र्ज्येष्ठयज्ञ इति - [] 3

7.1.1.4

प्रजा॑पतिर्वाव ज्येष्ठः स ह्ये॒तेना॒ग्रेऽय॑जत प्रजा॑पतिरकामयत प्र
 जाये॒येति॒ स मुख॑तस्त्रिवृतं निरमिमीत तमग्निर्दे॒वता॑ ऽन्वसृज्यत
 गाय॒त्री छन्दो॑ रथन्त॒र् साम॑ ब्राह्म॒णो मनु॑ष्याणामजः पशूनां तस्मात्
 ते मुख्या॑ मुखतो ह्यसृज्यन्तो॒रसो॑ बाहु॒भ्यां पञ्च॑दशं निरमिमीत
 तमिन्द्रो॑ दे॒वता॑ऽन्वसृज्यत त्रि॒ष्टुप् छन्दो॑ बृहथ् - [] 4

7.1.1.5

साम॑ राज॒न्यो॑ म॒नु॒ष्या॑णाम॒विः॑ प॒शूनां॑ तस्मात् ते वी॒र्या॑वन्तो
 वी॒र्या॑द्ध्य॒सृ॒ज्यन्त॑ म॒ध्यतः॑ स॒प्तद॑शं निरमिमीत तं वि॒श्वे दे॒वा दे॒वता॑
 अ॒न्व॒सृ॒ज्यन्त॑ जगती छन्दो॑ वै रू॒पꣳ साम॑ वैश्यो॑ म॒नु॒ष्या॑णां गावः
 प॒शूनां॑ तस्मात् त आद्या अ॒न्न॒धाना॑द्ध्य सृ॒ज्यन्त॑ तस्माद्-भूयाꣳ -
 सोऽन्ये॑भ्यो भूयि॑ष्ठा हि दे॒वता॑ अ॒न्व॒सृ॒ज्यन्त॑ प॒त्त एक॑विꣳ शं
 निरमिमीत॑ तम॒नु॒ष्टुप् छन्दो॑ - [] 5

7.1.1.6

अ॒न्व॒सृ॒ज्यत॑ वैराजꣳ साम॑ शू॒द्रो म॒नु॒ष्या॑णाम॒श्वः॑ प॒शूनां॑ तस्मात् तौ
 भू॒तसं॑ क्रा॒मिणा॑वश्च॒श्च शू॒द्रश्च॑ तस्माच्छू॒द्रो यज्ञे॑ऽन॒व॒क्लृ॒प्तो न हि
 दे॒वता॑ अ॒न्व॒सृ॒ज्यत॑ तस्मात् पा॒दावु॑प जी॒वतः॑ प॒त्तो ह्य॒सृ॒ज्येतां॑ प्रा॒णा
 वै त्रि॒वृ॒दर्ध॑मा॒साः पञ्च॑दशः प्र॒जाप॑तिः स॒प्तद॑शस्त्रय इ॒मे लो॒का
 अ॒सावा॑दित्य एक॑विꣳश ए॒तस्मिन्॑ वा ए॒ते श्रि॒ता ए॒तस्मिन्॑ प्र॒तिष्ठि॑ता
 () य ए॒वं वे॒दै॒तस्मिन्ने॒व श्र॑यत ए॒तस्मिन्॑ प्र॒ति तिष्ठ॑ति । 6

(अ॒स्थू॒रि - रो॒ष॒धी॒षु - ज्यो॒ष्ठय॒ज्ञ इति॑ - बृ॒ह - द॒नु॒ष्टुप् छन्दः॑ -
प्रति॑ष्ठिता - नव॑ च) (A1)

7.1.2.1

प्रा॒तः स॒वने॑ वै गा॒य॒त्रेण॑ छ॒न्द॒सा त्रि॒वृ॒ते स्तो॒माय॑ ज्यो॒तिर्द॒ध॒देति॑
त्रि॒वृ॒ता ब्र॒ह्मव॑र्च॒सेन॑ पञ्च॒द॒शाय॑ ज्यो॒तिर्द॒ध॒देति॑ पञ्च॒द॒शेनौ॑ज॒सा
वी॒र्ये॑ण स॒प्त॒द॒शाय॑ ज्यो॒तिर्द॒ध॒देति॑ स॒प्त॒द॒शेन॑ प्रा॒जाप॑त्येन
प्र॒ज॒न॒नेनै॑कवि॒शाय॑ ज्यो॒तिर्द॒ध॒देति॑ स्तो॒म ए॒व तथ् स्तो॒माय॑
ज्यो॒तिर्द॒ध॒देत्य॑थो स्तो॒म ए॒व स्तो॒मम॑भि प्र ण॒यति॑ या॒वन्तो॑ वै
स्तो॒मास्ता॑वन्तः का॒मास्ता॑वन्तो लो॒का () -स्ता॑वन्ति
ज्यो॒ती॒ष्ये॒ताव॑त ए॒व स्तो॒माने॑ता॒वतः॑ का॒माने॑ता॒वतो॑ लो॒काने॑ता॒वन्ति॑
ज्यो॒ती॒ष्य॒व रु॑न्धे । 7

(ता॒वन्तो॑ लो॒का - स्त्रयो॑द॒श च) (A2)

7.1.3.1

ब्र॒ह्मवा॑दि॒नो व॑दन्ति स त्वै य॒जेत॑ योऽग्नि॒ष्टोमे॑न यज॒मानोऽथ॑
सर्व॑स्तो॒मेन॑ य॒जेते॑ति॒ यस्य॑ त्रि॒वृ॒तम॑न्त॒र्यन्ति॑ प्रा॒णा॒-स्त॑स्यान्त॒र्यन्ति॑

प्रा॒णेषु॑ मे॒ऽप्य॑स॒दिति॑ ख॒लु वै य॒ज्ञेन॑ यज॒मानो॑ यज॒ते यस्य॑
पञ्च॑द॒शम॑न्त॒र्यन्ति॑ वी॒र्यं॑ तस्यान्त॒र्यन्ति॑ वी॒र्ये मे॒ऽप्य॑स॒दिति॑ ख॒लु वै
य॒ज्ञेन॑ यज॒मानो॑ यज॒ते यस्य॑ सप्त॑द॒श-म॑न्त॒र्यन्ति॑ - [] 8

7.1.3.2

प्र॒जां तस्यान्त॒र्यन्ति॑ प्र॒जायां॑ मे॒ऽप्य॑स॒दिति॑ ख॒लु वै य॒ज्ञेन॑ यज॒मानो॑
यज॒ते यस्यै॑कवि॒ंशम॑न्त॒र्यन्ति॑ प्र॒तिष्ठां॑ तस्यान्त॒र्यन्ति॑ प्र॒तिष्ठायां॑
मे॒ऽप्य॑स॒दिति॑ ख॒लु वै य॒ज्ञेन॑ यज॒मानो॑ यज॒ते यस्य॑
त्रि॒णव॑मन्त॒र्यन्त्य॑तू॒श्च तस्य॑ नक्ष॒त्रियां॑ च वि॒राज॑मन्त॒र्यन्त्य॑तुषु
मे॒ऽप्य॑सन्नक्ष॒त्रियायां॑ च वि॒राजीति॑ - [] 9

7.1.3.3

ख॒लु वै य॒ज्ञेन॑ यज॒मानो॑ यज॒ते यस्य॑ त्रय॑स्त्रि॒ंशम॑न्त॒र्यन्ति॑
दे॒वता॑स्तस्यान्त॒र्यन्ति॑ दे॒वता॑सु मे॒ऽप्य॑स॒दिति॑ ख॒लु वै य॒ज्ञेन॑ यज॒मानो॑
यज॒ते यो वै॑ स्तो॒माना॑मव॒मं प॑र॒मतां॑ गच्छ॒न्तं वे॒द प॑र॒मता॑मेव गच्छति
त्रि॒वृ॒द्वै स्तो॒माना॑मव॒मस्त्रि॑वृत् प॒रमो॑ य ए॒वं वे॒द प॑र॒मता॑मेव गच्छति । 10
(सप्त॑द॒शम॑न्त॒र्यन्ति॑ - वि॒राजीति॑ - चतु॑श्चत्वारि॒ंशच्च॑) (A3)

7.1.4.1

अङ्गिर॑सो॒ वै स॒त्रमा॑सत॒ ते सु॒वर्गं॑ लो॒कमा॑यन् तेषां॑ ह॒विष्मा॑श्च
ह॒विष्कृ॑च्याऽहीयेतां॒ ताव॑कामयेतां॑ सु॒वर्गं॑ लो॒कमि॑यावेति तावेतं
द्विरा॒त्रम॑पश्यतां॒ तमा॑ऽहरतां॒ तेना॑यजेतां॒ ततो॒ वै तौ सु॒वर्गं॑ लो॒कमै॑तां
य॒ एवं वि॒द्वान् द्वि॒रात्रे॑ण यजते सु॒वर्गमे॒व लो॒कमे॑ति तावैतां
पूर्वे॑णा॒ह्ना ऽग॑च्छतामुत्तरेणा – [] 11

7.1.4.2

–भि॒प्लवः॑ पूर्॒वम॑हर्भवति गतिरु॒त्तरं॑ ज्योति॒ष्टोमो॑ऽग्नि॒ष्टोमः॑ पूर्॒वम॑हर्भवति
तेज॑स्तेना॒व रु॒न्धे सर्व॑स्तोमोऽतिरात्र उत्तरं॑ सर्वस्याऽऽ*प्यै
सर्व॑स्याऽवरु॒द्ध्यै गाय॑त्रं पूर्वेऽहन्थ्साम॑ भवति तेजो॒ वै गाय॑त्री गाय॑त्री
ब्र॒ह्मव॑र्चसं तेज॑ ए॒व ब्र॒ह्मव॑र्चसमा॒त्मन् ध॑त्ते त्रै॒ष्टुभ॑मुत्तर ओजो॒ वै वी॒र्यं
त्रि॒ष्टुगो॑ज ए॒व वी॒र्यमा॒त्मन् ध॑त्ते रथं॒तरं पूर्वे॑ – [] 12

7.1.4.3

ऽहन्थ् साम॑ भवतीयं॒ वै रथ॑न्तरमस्यामे॒व प्रति॑ तिष्ठति बृ॒हदु॑त्तरेऽसौ॒ वै
बृ॒हद॑मु॒ष्यामे॒व प्रति॑ तिष्ठति तदाहुः॒ क्व ज॑गती चाऽनु॒ष्टुप् चेति॑

वै॒खान॒सं पूर्वे॑ऽहन्थ् साम॑ भवति तेन॑ जग॑त्यै नैति॑ षोड॑शयु॒त्तरे॑
 तेना॑नुष्टु॒भोऽथा॑ ऽऽ*हु॒र्यथ्॑ समा॒नेऽर्ध॑मासे स्याता॑-मन्य॒तरस्या॑हो
 वी॒र्यम॑नु () प॒द्येते॑त्य-मावा॒स्यायां॑ पूर्व॒मह-॑र्भवत्यु॒त्तरस्मि॑-न्नु॒त्तरं॑
 ना॒नैवा॑ ऽर्ध॒मासयो॑र्भवतो॒ नाना॑वीर्ये भवतो॒ हवि॑ष्मन्निधनं॒ पूर्व॒महर्भवति॑
 हवि॑ष्कृन्निधन-मु॒त्तरं॑ प्रति॒ष्ठित्यै॑ । 13

(उ॒त्तरे॑ण - रथ॒न्तरं॑ पूर्वे - ऽन्वे - क॒विऽश॑तिश्च) (A4)

7.1.5.1

आपो॑ वा इ॒दम॑ग्रे सलिल॑मासीत् तस्मिन् प्रजा॑पति-वा॒युर्भू॒त्वा ऽच॑रथ्
 स इ॒माम॑पश्यत् तां व॑राहो भू॒त्वाऽह॑रत् तां वि॒श्वकर्मा॑ भू॒त्वा व्य॑मा॒दर्थ्
 साऽप्र॑थत सा पृथि॒व्यभव॑त् तत् पृथि॒व्यै पृथि॒वित्वं॑ तस्याम॑श्राम्यत्
 प्रजा॑पतिः स दे॒वान॑सृजत वसू॒न् रु॒द्राना॑दित्यान् ते दे॒वाः
 प्रजा॑पतिमब्रुवन् प्रजा॑यामहा इति सोऽब्र॑वीद् - [] 14

7.1.5.2

-यथाऽहं यु॒ष्मा॒स्तप॑सा ऽसृ॒क्ष्ये॒वं तप॑सि प्र॒जन॑न-मिच्छ॒ध्वमि॒ति
 तेभ्यो॑ऽग्निमा॒यत॑नं प्रा॒प्यच्छ॑देतेनाऽऽ*य॒तने॑न श्राम्य॒तेति॑

तेऽग्निनाऽऽ*यतनेनाऽ-श्राम्यन् ते सँवथ्सर एकां गामसृजन्त तां
 वसुभ्यो रुद्रेभ्य आदित्येभ्यः प्राऽयच्छन्नेतां रक्षद्ध्वमिति तां
 वसवो रुद्रा आदित्या अरक्षन्त सा वसुभ्यो रुद्रेभ्य आदित्येभ्यः
 प्राजायत त्रीणि च - [] 15

7.1.5.3

शतानि त्रयस्त्रिंशतं चाथ सैव सहस्रतम्यभवत् ते देवाः
 प्रजापतिमब्रुवन्थ सहस्रेण नो याजयेति सोऽग्निष्टोमेन वसूनयाजयत्
 त इमं लोकमजयन् तच्चाददुः स उक्थ्येन रुद्रानयाजयत्
 तेऽन्तरिक्षमजयन् तच्चाददुः सोऽतिरात्रेणाऽऽ*दित्यानयाजयत् तेऽमुं
 लोकमजयन् तच्चाददुः -स्तदन्तरिक्षं - [] 16

7.1.5.4

व्यवैर्यत तस्माद्-रुद्रा घातुका अनायतना हि तस्मादाहुः शिथिलं वै
 मध्यम-महस्त्रिरात्रस्य वि हि तदवैर्यतेति त्रैष्टुभं मध्यमस्याह
 आज्यं भवति सँयानानि सूक्तानि शस्सति षोडशिनं शस्सत्यहो
 धृत्या अशिथिलंभावाय तस्मात् त्रिरात्रस्याग्निष्टोम एव प्रथममहः

स्यादथोक्थ्यो ऽथाऽतिरात्र एषां लो॒कानां वि॒धृत्यै त्री॒णित्री॒णि
श॒ता-न्य॒नूची॒नाह-मव्यवच्छिन्नानि ददा - [] 17

7.1.5.5

-त्येषां लो॒कानाम॒नु सन्त॒त्यै द॒शतं न वि॒च्छिन्धाद्-वि॒राजं
ने॒द्विच्छि॒नदानी॒त्यथ या स॒हस्र॒तम्यासीत् तस्यामिन्द्रश्च विष्णुश्च
व्यायच्छेताँ स इन्द्रोऽमन्यतानया वा इदं विष्णुः सहस्रं वक्ष्यत
इति तस्यामकल्पेतां द्विभाग इन्द्रस्तृतीये विष्णुस्तद्वा एषाऽभ्यनूच्यत
उ॒भा जि॒ग्यथु॒रिति तां वा ए॒ताम॒च्छावा॒क - [] 18

7.1.5.6

ए॒व श॒स॒त्यथ या स॒हस्र॒तमी सा हो॒त्रे दे॒येति हो॒तारं वा
अ॒भ्यति॒रिच्यते यदति॒रिच्यते होता ऽनाप्तस्याऽऽ*पयिता ऽथाऽ*हुरुन्नेत्रे
दे॒येत्यति॒रिक्ता वा ए॒षा स॒हस्र॒स्याति॒रिक्त उ॒न्नेत॒र्त्विजा॒मथाऽऽ*हुः
सर्वे॑भ्यः सदस्ये॑भ्यो दे॒येत्यथाऽऽहुरु॒दा कृ॒त्या सा व॒शं
चरे॒दित्यथाऽऽ*हुर्ब्र॒ह्मणे चा॒ग्नीधे च दे॒येति - [] 19

7.1.5.7

द्विभा॒गं ब्र॒ह्म॒णो तृ॒तीय॑म॒ग्नी॒ध ए॒न्द्रो वै ब्र॒ह्मा वै॑ष्ण॒वोऽग्नी॑द्यथै॒व
ता॒वक॑ल्पो॒तामि॑त्यथा ऽऽ*हु॒र्या क॑ल्या॒णी ब॒हुरू॒पा सा दे॑येत्यथा
ऽऽ*हु॒र्या द्वि॒रूपो॑भयत ए॒नी सा दे॑येति स॒हस्र॑स्य परि॒गृही॑त्यै तद्वा
एत॑त् स॒हस्र॑स्याऽय॒नः स॒हस्र॑ स्तो॒त्रीयाः स॒हस्रं॑ दक्षि॒णाः
स॒हस्र॑स॒मि॒तः सु॒वर्गा लो॒कः सु॒वर्ग॑स्य लो॒कस्या॑भिजित्यै । 20
(अ॒ब्रवी॑ - च्च - तद॒न्तरि॑क्षं - ददा॒त्य - च्छा॒वाक - श्च दे॑येति -
स॒प्तच॑त्वारि॒ंशच्च॑) (A5)

7.1.6.1

सो॒मो वै स॒हस्र॑मवि॒न्दत् तमि॑न्द्रो ऽन्ववि॒न्दत् तौ य॒मो न्या॑गच्छत्
ता॒वब्र॑वीदस्तु मेऽत्राऽपीत्यस्तु ही(३) इत्यब्रू॒ताः स य॒म एक॑स्यां
वी॒र्यं॑ पर्य॒पश्य॑दियं वा अ॒स्य स॒हस्र॑स्य वी॒र्यं बि॑भर्तीति
ता॒वब्र॑वीदियं ममास्त्वे॒तद्-यु॒वयो॑रिति ता॒वब्रू॒ताः स॒र्वे वा
एत॑दे॒तस्यां॑ वी॒र्यं - [] 21

7.1.6.2

परि प॒श्या॒मोऽ॒श॒मा ह॒राम॒हा इति॑ तस्या॒म॒श॒माऽह॑रन्त॒ ताम॒प्सु
प्रा॒वे॒शय॑न्त् सोमा॒योदे॑हीति॒ सा रोहि॑णी पि॒ङ्गलै॑कहायनी॒ रूपं॑ कृ॒त्वा
त्रय॑स्त्रि॒श॒ता च॑ त्रि॒भिश्च॑ श॒तैः स॒होदै॑त् तस्मा॒द्-रोहि॑ण्या
पि॒ङ्गल॑यैकहायन्या॒ सोमं॑ क्रीणीयाद्य॒ एवं॑ वि॒द्वान् रोहि॑ण्या
पि॒ङ्गल॑यैकहायन्या॒ सोमं॑ क्रीणाति॒ त्रय॑स्त्रि॒श॒ता चैवा॒स्य
त्रि॒भिश्च॑ - [] 22

7.1.6.3

श॒तैः सोमः॑ क्रीतो॒ भव॑ति सु॒क्री॑तेन यज॒ते ताम॒प्सु प्रा॒वे॒शय॑-
न्निन्द्रा॒योदे॑हीति॒ सा रोहि॑णी लक्ष्म॒णा प॒ष्ठौही॑ वार्त्र॒घ्नी रूपं॑ कृ॒त्वा
त्रय॑स्त्रि॒श॒ता च॑ त्रि॒भिश्च॑ श॒तैः स॒होदै॑त् तस्मा॒द् रोहि॑णीं लक्ष्म॒णां
प॒ष्ठौहीं॑ वार्त्र॒घ्नीं द॒द्याद्य॑ एवं॑ वि॒द्वान् रोहि॑णीं लक्ष्म॒णां प॒ष्ठौहीं॑ वार्त्र॒घ्नीं
द॒दाति॑ त्रय॑स्त्रि॒श॒च्चैवा॒स्य त्री॑णि च श॒तानि॑ सा द॒त्ता - [] 23

7.1.6.4

भवति॑ ताम॒प्सु प्रा॒वेशयन्॑ य॒मायो॒देहीति॑ सा ज॒रती॑ मू॒र्खा तज्ज॒घन्या॑
रूपं॑ कृ॒त्वा त्रय॑स्त्रि॒ंशता॑ च त्रि॒भिश्च॑ श॒तैः स॒होदैत्॑ तस्मा॒ज्जरतीं॑
मू॒र्खा तज्ज॒घन्या॑-म॒नुस्तर॑णीं कुर्वीत॒ य एवं॑ वि॒द्वाज्जरतीं॑ मू॒र्खा
तज्ज॒घन्या॑-म॒नुस्तर॑णीं कुरु॒ते त्रय॑स्त्रि॒ंशच्चै॒वास्य॑ त्रीणि॑ च श॒तानि॑
साऽमु॒ष्मिन् लो॒के भवति॑ वा॒गेव॑ स॒हस्र॑तमी तस्मा - [] 24

7.1.6.5

द्वो दे॒यः सा हि॑ वरः स॒हस्र॑मस्य सा द॒त्ता भवति॑ तस्माद् व॒रो न
प्रति॑गृह्यः सा हि॑ वरः स॒हस्र॑मस्य प्रति॑गृहीतं भव॒तीयं वर॑ इति
ब्रूया॑दथान्यां ब्रूया॑दियं ममेति॑ तथाऽस्य॑ तथ् स॒हस्र॑-मप्रति॑गृहीतं
भवत्यु॑भयत ए॒नी स्यात्॑ तदाहु॑रन्यत ए॒नी स्याथ् स॒हस्रं॑ प॒रस्ता॑दे॒तमिति॑
यैव॑ वरः - [] 25

7.1.6.6

कल्या॑णी रू॒पस॑मृद्धा सा स्याथ् सा हि॑ वरः स॒मृद्ध्यै॑
तामु॒त्तरे॒णाऽऽ*ग्नी॑ध्रं प॒र्याणी॑याऽऽ*ह॒वनी॑यस्यान्ते द्रो॒णक॑ल॒शम॑व

घ्रापये॑दा जिघ्र॑ कल॑शं म॒ह्युरु॑धारा प॒यस्व॑त्या त्वा॑ वि॒शन्ति॑न्दवः
समु॒द्रमि॑व सि॒न्धवः॑ सा मा॑ सह॒स्र आ॑ भज प्र॒जया॑ प॒शुभिः॑ सह
पुन॑र्मा ऽऽ*वि॒शता॑द्-रयि॒रिति॑ प्र॒जयै॑वैनं प॒शुभी॑ र॒य्या स - [] 26

7.1.6.7

-म॒र्धय॑ति प्र॒जावा॑न् प॒शुमा॑न् रयि॒मान् भ॑वति य ए॒वं वै॑द तया॑
सहा॑ऽऽ*ग॒नीध्रं॑ प॒रेत्य॑ पु॒रस्ता॑त् प्र॒तीच्यां॑ ति॒ष्ठन्त्यां॑ जुहु॒यादु॑भा
जि॒ग्यथु॑र्न प॒रा ज॑येथे न प॒रा जि॒ग्ये क॑तरश्चनै॒नोः । इ॒न्द्रश्च॑ वि॒ष्णो
यद॑प॒स्पृधे॑थां त्रे॒धा सह॑स्रं वि॒ तदै॑रयेथामि॒ति त्रे॒धावि॑भक्तं वै त्रि॒रात्रे॑
सह॑स्रं सा॒हस्री॑मे॒वैनां॑ करोति सह॑स्रस्यै॒वैनां॑ मा॒त्रां - [] 27

7.1.6.8

करो॑ति रू॒पाणि॑ जुहोति रू॒पैरे॑वैनां स॒मर्ध॑यति तस्या॑ उ॒पोत्था॑य
कर्ण॑मा ज॒पेदि॑डे रन्ते॑ऽदि॒ते सर॑स्वति प्रि॒ये प्रे॑यसि म॒हि वि॑श्रुत्ये॒तानि॑
ते अ॒घ्निये॑ ना॒मानि॑ सु॒कृतं॑ मा दे॒वेषु॑ ब्रू॒तादि॑ति दे॒वेभ्य॑ ए॒वैन॑मा
वैद॑यत्यन्वे॒नं दे॒वा बु॑ध्यन्ते । 28

(ए॒तदे॒तस्यां॑ वी॒र्यं॑ – म॒स्य त्रि॒भिश्च॑ – द॒त्ता – स॒हस्र॑तमी॒ तस्मा॑ –
दे॒व वरः॑ – सं – मा॒त्रा – मे॒कात्र॑ च॒त्वारि॑ञ्श॒च्च) (A6)

7.1.7.1

स॒हस्र॑त॒म्या वै॑ यज॒मानः॑ सु॒वर्गं॑ लो॒कमे॑ति सैनं॑ सु॒वर्गं॑ लो॒कं
गम॑यति सा मा सु॒वर्गं॑ लो॒कं गम॑येत्याह सु॒वर्गमे॑वैनं॑ लो॒कं गम॑यति
सा मा ज्योति॑ष्मन्तं॑ लो॒कं गम॑येत्याह ज्योति॑ष्मन्तमे॑वैनं॑ लो॒कं
गम॑यति सा मा सर्वा॑न् पु॒ण्यां॑ लो॒कान् गम॑येत्याह सर्वा॑ने॒वैनं॑ पु॒ण्यां॑
लो॒कान् गम॑यति सा – [] 29

7.1.7.2

मा प्र॒तिष्ठां॑ गम॑य प्र॒जया॑ प॒शुभिः॑ स॒ह पुन॑र्माऽऽ वि॒शताद्–र॑यिरिति॑
प्र॒जयै॑वैनं॑ प॒शुभी॑ र॒य्यां प्र॒ति ष्ठा॑पयति प्र॒जावा॑न् प॒शुमा॑न् र॒यिमा॑न्
भव॑ति य ए॒वं वै॒द ता॑म॒ग्नीधे॑ वा ब्र॒ह्मणे॑ वा हो॒त्रे वो॒द्गात्रे॑ वाऽध्व॒र्यवे॑
वा द॒द्यात् स॒हस्र॑म॒स्य सा॑ द॒त्ता भव॑ति स॒हस्र॑म॒स्य प्र॒तिगृ॑हीतं भवति
यस्ता॑मवि॒द्वान् – [] 30

7.1.7.3

प्रति॑गृ॒ह्णाति॑ तां प्रति॑गृ॒ह्णीयादे॑काऽसि॑ न सह॒स्रमे॑कां त्वा भू॒तां
 प्रति॑ गृ॒ह्णामि॑ न सह॒स्रमे॑का मा भू॒ताऽऽ वि॒श मा सह॒स्रमित्ये॑कामे॒वैनं॑
 भू॒तां प्रति॑गृ॒ह्णाति॑ न सह॒स्रं य॑ एवं वे॒द स्यो॒नाऽसि॑ सु॒षदा॑ सु॒शेवा॑
 स्यो॒ना मा ऽऽवि॑श सु॒षदा॑ मा ऽऽवि॑श सु॒शेवा॑ मा ऽऽवि॑शे -[] 31

7.1.7.4

-त्याह स्यो॒नैवैनं॑ सु॒षदा॑ सु॒शेवा॑ भू॒ताऽऽ वि॒शति॑ नैनं॑ हि॒नस्ति॑
 ब्र॒ह्मवा॒दिनो॑ वदन्ति सह॒स्रं सह॒स्रत॒म्यन्वे॒ती(३) सह॒स्रत॒मी
 सह॒स्रा(३)मि॒ति यत् प्रा॒चीमु॒थ् सृ॒जेथ॑ सह॒स्रं सह॒स्रत॒म्यन्वि॒यात्
 तथ् सह॒स्रम॒प्रजा॑त्रं सु॒वर्गं लो॒कं न प्र जा॑नीयात् प्र॒तीची॒मुथ्-
 सृ॒जति॑ तां सह॒स्रम॒नु पर्या॑वर्तते सा प्र॒जान॑ती सु॒वर्गं लो॒कमे॒ति
 यज॑मान () -म॒भ्युथ् सृ॒जति॑ क्षि॒प्रे सह॒स्रं प्र जा॑यत उत्त॒मा नी॒यते॑
 प्रथ॒मा दे॒वान् गच्छ॑ति । 32

(लो॒कान् ग॑मयति सा - ऽवि॒द्वान्थ् - सु॒शेवा॑ माऽऽ वि॒श - यज॑मानं
 - द्वा॒दश॑ च) (A7)

7.1.8.1

अ॒त्रिर॒ददा॑दौ॒र्वाय॑ प्र॒जां पु॒त्रका॑माय स रि॒रिचा॑नोऽम॒न्यत॑ निर्वी॒र्यः॑
 शि॒थिलो॑ या॒तया॑मा स ए॒तं च॑तू॒रात्र॑-म॒पश्य॑त् तमाऽह॒रत् ते॑नायजत
 ततो॑ वै तस्य च॒त्वारो॑ वी॒रा आऽजा॑यन्त सु॒होता॑ सू॒द्धाता॑ स्व॒ध्वर्युः॑
 सु॒सभे॑यो य ए॒वं वि॑द्वा॒श्चतू॑रात्रेण यजत आऽस्य च॒त्वारो॑ वी॒रा
 जा॑यन्ते सु॒होता॑ सू॒द्धाता॑ स्व॒ध्वर्युः॑ सु॒सभे॑यो ये च॒तुर्वि॑ंशः
 प॒वमा॑ना ब्र॒ह्मव॑र्चसं त - [] 33

7.1.8.2

- द्य उ॒द्यन्तः॑ स्तो॒माः श्रीः॑ सा ऽत्रि॑श्च॒ब्दादे॑वं य॒जमा॑नं च॒त्वारि॑
 वी॒र्या॑णि नोपा॒नम॑न् तेज इ॒न्द्रियं॑ ब्र॒ह्मव॑र्चस-म॒न्नाद्य॑ स
 ए॒ताश्च॑तुरश्चतु॒ष्टोमा॑न्त् सो॒मान-॑पश्यत् तानाऽह॒रत् तै॑रयजत तेज ए॒व
 प्र॒थमे॑ना ऽवा॒रुन्धे॑न्द्रियं द्वि॒तीये॑न ब्र॒ह्मव॑र्चसं तृ॒तीये॑ना॒न्नाद्यं॑ च॒तुर्थे॑न य
 ए॒वं वि॑द्वा॒श्चतुर॑श्चतु॒ष्टोमा॑न्त् सो॒माना॑हरति तैर्यजते तेज ए॒व ()
 प्र॒थमे॑नाव रुन्ध इ॒न्द्रियं॑ द्वि॒तीये॑न ब्र॒ह्मव॑र्चसं तृ॒तीये॑नाऽन्नाद्यं च॒तुर्थे॑न

यामे॒वा॒त्रिर्॒ ऋ॒द्धि॒मा॒ध्नो॒त् तामे॒व यज॑माना ऋ॒ध्नोति॑ । 34

(तत् - तेज॑ ए॒वा - द्वा॑द॒श च) (A8)

7.1.9.1

ज॒मद॑ग्निः पु॒ष्टि॒काम॑-श्च॒तूरा॒त्रेणा॑-यज॑त स ए॒तान् पो॒षा॑ꣳ अ॒पुष्य॑त्
तस्मा॑त् प॒लितौ॑ जा॒मद॑ग्नियौ न सं जा॒नाते॑ ए॒ताने॒व पो॒षान् पु॒ष्यति॑ य
ए॒वं वि॒द्वान्॑श्च॒तूरा॒त्रेण॑ यज॑ते पु॒रोडा॑शिन्य॒ उप॒सदो॑ भव॒न्ति प॒शवो॑ वै
पु॒रोडा॑शः प॒शूने॒वाव रु॒न्धे ऽन्नं॑ वै पु॒रोडा॑शोऽन्नमे॒वाव रु॒न्धे ऽन्ना॑दः
प॒शुमान्॑ भव॒ति य ए॒वं वि॒द्वान्॑श्च॒तूरा॒त्रेण॑ यज॑ते । 35

(ज॒मद॑ग्नि - द्वा॑च॒त्वारि॑ꣳशत्) (A9)

7.1.10.1

सँव॑त्सरो वा इ॒दमे॑क आसी॒थ् सोऽ॒काम॑य॒तर्तू॑न्थ॒ सृजे॑येति स ए॒तं
पञ्च॑रात्रमपश्यत् तमाऽ॒हर॑त् तेना॒यज॑त ततो॒ वै स ऋ॒तून॑सृज॒त य ए॒वं
वि॒द्वान् पञ्च॑रात्रेण॒ यज॑ते प्रै॒व जा॑यते त ऋ॒तवः॑ सृ॒ष्टा न व्या॑वर्तन्त॒ त
ए॒तं पञ्च॑रात्रमपश्यन् तमाऽ॒हर॑न् तेना॒यज॑न्त॒ ततो॒ वै
ते व्या॑वर्तन्त-[] 36

7.1.10.2

य एवं वि॒द्वान् प॒ञ्चरा॒त्रेण॑ यज॒ते वि पा॒प्मना॒ भ्रातृ॑व्ये॒णाऽऽ* वर्त॑ते
 सार्व॑से॒निः शौ॒चेयो॑ऽकामयत पशु॒मान्त् स्या॒मिति॑ स ए॒तं
 प॒ञ्चरा॒त्रमाऽह॑रत् तेनाऽयजत ततो॑ वै स सह॒स्रं प॒शून् प्राऽऽ*प्नो॑द्य
 एवं वि॒द्वान् प॒ञ्चरा॒त्रेण॑ यज॒ते प्र सह॒स्रं प॒शूना॑प्नोति ब॒बरः
 प्रावा॑हणि-रकामयत वाचः प्रवदिता स्यामिति स ए॒तं
 प॒ञ्चरा॒त्रमा - [] 37

7.1.10.3

ऽह॑रत् तेनायजत ततो॑ वै स वाचः प्रवदिताऽभवद्य एवं वि॒द्वान्
 प॒ञ्चरा॒त्रेण॑ यज॒ते प्रवदि॑तैव वाचो भवत्यथो ए॒नं वा॒चस्प॑ति-
 रित्याहु॒रना॑प्त-श्चतूरा॒त्रोऽति॑रिक्तः षड्-रा॒त्रोऽथ॑ वा ए॒ष संप्र॑ति य॒ज्ञो
 यत् प॒ञ्चरा॒त्रो य एवं वि॒द्वान् प॒ञ्चरा॒त्रेण॑ यज॒ते संप्र॑त्येव य॒ज्ञेन॑
 यज॒ते प॒ञ्चरा॒त्रो भ॑वति प॒ञ्च वा ऋ॒तवः॑ सँव॒त्सर - [] 38

7.1.10.4

ऋ॒तु॒ष्वे॒व सँ॑व॒त्सरे॑ प्रति॑ तिष्ठ॒त्यथो॑ पञ्चा॒क्षरा॑ पङ्क्तिः॑ पाङ्क्तौ॑
य॒ज्ञो य॒ज्ञमे॒वाव रु॒न्धे त्रि॒वृ॒दग्नि॑ष्टोमो॑ भवति॑ तेज॒ ए॒वाव रु॒न्धे
पञ्च॒दशो॑ भवतीन्द्रि॒यमे॒वाव रु॒न्धे सप्त॒दशो॑ भवत्यन्नाद्यस्या-
वरु॒द्ध्य॒ अथो॑ प्रै॒व तेन॑ जायते पञ्चविं॒शो॑ ऽग्नि॒ष्टोमो॑ भवति
प्रजा॑पतेराप्त्यै॒ महा॑व्रतवा-नन्नाद्यस्या-वरु॒द्ध्यै विश्व॑जिथ् सर्व॑पृष्ठो-
ऽतिरा॒त्रो भवति॑ सर्व॑स्याभिजित्यै () । 39

(ते॑ व्याव॑र्तन्त - प्रव॑दिता स्यामि॒ति स ए॒तं पञ्च॑रात्रमा -
सँ॑व॒त्सरो॑- भिजि॑त्यै) (A10)

7.1.11.1

दे॒वस्य॑त्वा सवि॒तुः प्र॒सवे॑ऽश्विनो॑र्बा॒हुभ्यां॑ पू॒ष्णो हस्ता॑भ्यामा दद
इ॒माम॑गृ॒भ्णन् र॒शना॑मृतस्य पूर्व॑ आयुषि विदथे॑षु क॒व्या ।
तया॑ दे॒वाः सु॒तमा॑ बभूवुर् ऋ॒तस्य॑ सामन्थ्-सर॑मारपन्ती ।
अ॒भिधा॑ अ॒सि भु॒वन॑मसि यन्ता॑ऽसि धर्ता॑ऽसि सो॒ऽग्निं वै॑श्वा॒नर॑
सप्र॑थसं गच्छ॒ स्वाहा॑कृतः पृथि॒व्यां य॒न्ता रा॒ड् यन्ता॑ऽसि यम॑नो

ध॒र्ताऽसि॑ ध॒रुणः॑ () कृ॒ष्यै त्वा॑ क्षे॒माय॑ त्वा र॒ख्यै त्वा॑ पो॒षाय॑ त्वा
पृ॒थिव्यै॑ त्वा ऽन्त॑रि॒क्षाय॑ त्वा दि॒वे त्वा॑ स॒ते त्वाऽस॑ते त्वाद्भ्य॑स्त्वौ-
ष॒धीभ्य॑स्त्वा वि॒श्वेभ्य॑स्त्वा भू॒तेभ्यः॑ । 40

(ध॒रुणः॑ - प॒ञ्चवि॑ंशतिश्च) (A11)

7.1.12.1

वि॒भूर्मा॒त्रा प्र॒भूः पि॒त्राश्चो॑ऽसि ह॒योऽस्य॑त्यो॑ऽसि न॒रोऽस्य॑र्वा॑ऽसि
स॒प्तिर॑सि वा॒ज्यसि॑ वृ॒षाऽसि॑ नृ॒मणा॑ अ॒सि य॒युर्ना॑मा॒स्यादि॑त्यानां
प॒त्वा॒न्वि॒ह्यग्नये॑ स्वाहा स्वाहे॑न्द्रा॒ग्निभ्या॑ स्वाहा प्र॒जाप॑तये स्वाहा
वि॒श्वेभ्यो॑ दे॒वेभ्यः॑ स्वाहा सर्वा॑भ्यो दे॒वेता॑भ्य इ॒ह धृ॑तिः स्वाहे॒ह
वि॒धृतिः॑ स्वाहे॒ह र॑न्तिः स्वाहे () -ह र॑मतिः स्वाहा भू॒रसि॑ भु॒वे
त्वा भ॑व्याय त्वा भवि॑ष्यते त्वा वि॒श्वेभ्य॑स्त्वा भू॒तेभ्यो॑ दे॒वा आ॑शा॒पाला॑
ए॒तं दे॒वेभ्यो॑ऽश्च॑ मे॒धाय॑ प्रो॒क्षितं॑ गो॒पाय॑त । 41

(र॑न्तिः स्वाहा - द्वावि॑ंशतिश्च] (A12)

7.1.13.1

आ॒य॒ना॒य॒ स्वा॒हा प्रा॒य॒णा॒य॒ स्वा॒हो॒द्द्रा॒वा॒य॒ स्वा॒हो॒द्द्रु॒ता॒य॒ स्वा॒हा
 शू॒का॒रा॒य॒ स्वा॒हा शू॒कृ॒ता॒य॒ स्वा॒हा प॒ला॒यि॒ता॒य॒ स्वा॒हा ऽप॒ला॒यि॒ता॒य॒
 स्वा॒हा ऽव॒ल्गा॒ते स्वा॒हा प॒रा॒व॒ल्गा॒ते स्वा॒हा ऽय॒ते स्वा॒हा प्र॒य॒ते स्वा॒हा
 स॒र्व॒स्मै स्वा॒हा ॥ 42

(आ॒य॒ना॒यो॒त्तर॒मा॒प॒ला॒यि॒ता॒य॒ षड्विं॒शतिः॑) (A13)

7.1.14.1

अ॒ग्नये॑ स्वा॒हा सो॒मा॒य॒ स्वा॒हा वा॒यवे॑ स्वा॒हा ऽपां॑ मो॒दा॒य॒ स्वा॒हा
 स॒वि॒त्रे स्वा॒हा सर॑स्व॒त्यै स्वा॒हे-न्द्रा॑य॒ स्वा॒हा बृ॒ह॒स्प॒तये॑ स्वा॒हा
 मि॒त्रा॒य॒ स्वा॒हा व॒रु॒णा॒य॒ स्वा॒हा स॒र्व॒स्मै स्वा॒हा ॥ 43

(अ॒ग्नये॑ वा॒यवे॑ ऽपां॑ मो॒दा॒येन्द्रा॑य॒ त्रयो॑विं॒शतिः॑) (A14)

7.1.15.1

पृ॒थि॒व्यै स्वा॒हा ऽन्तरि॑क्षाय॒ स्वा॒हा दि॒वे स्वा॒हा सू॒र्या॒य॒ स्वा॒हा च॒न्द्र॒म॒से
 स्वा॒हा नक्ष॑त्रेभ्यः स्वा॒हा प्रा॒च्यै दि॒शे स्वा॒हा दक्षि॑णायै दि॒शे स्वा॒हा
 प्र॒ती॒च्यै दि॒शे स्वा॒हो-दी॒च्यै दि॒शे स्वा॒हो॒र्ध्वा॒यै दि॒शे स्वा॒हा दि॒ग्भ्यः॑

स्वाहा ऽवान्तरदिशाभ्यः स्वाहा समाभ्यः स्वाहा शरद्भ्यः स्वाहा
 ऽहोरात्रेभ्यः स्वाहा ऽर्धमासेभ्यः स्वाहा मासेभ्यः स्वाहार्तुभ्यः स्वाहा
 सँवत्सराय स्वाहा सर्वस्मै स्वाहा । 44

(पृथिव्यै सूर्याय नक्षत्रेभ्यः प्राच्यै सप्तचत्वारिंशत्) (A15)

7.1.16.1

अग्नये स्वाहा सोमाय स्वाहा सवित्रे स्वाहा सरस्वत्यै स्वाहा
 पूष्णे स्वाहा बृहस्पतये स्वाहा ऽपां मोदाय स्वाहा वायवे स्वाहा
 मित्राय स्वाहा वरुणाय स्वाहा सर्वस्मै स्वाहा । 45

(अग्नये सवित्रे पूष्णेऽपां मोदाय वायवे त्रयोविंशतिः) (A16)

7.1.17.1

पृथिव्यै स्वाहा ऽन्तरिक्षाय स्वाहा दिवे स्वाहा ऽग्नये स्वाहा
 सोमाय स्वाहा सूर्याय स्वाहा चन्द्रमसे स्वाहा ऽह्ने स्वाहा
 रात्रियै स्वाहर्जवे स्वाहा साधवे स्वाहा सुक्षित्यै स्वाहा क्षुधे स्वाहा
 ऽऽशितिम्ने स्वाहा रोगाय स्वाहा हिमाय स्वाहा शीताय स्वाहा

ऽऽत॒पाय॒ स्वाहा॑ ऽऽर॒ण्याय॒ स्वाहा॑ सु॒वर्गाय॒ स्वाहा॑ लो॒काय॒ स्वाहा॑
सर्व॑स्मै॒ स्वाहा॑ ॥ 46

(पृ॒थि॒व्या अ॒ग्नये॑ऽहो रा॒त्रियै॑ चतु॒श्चत्वारि॑ऽशत्) (A17)

7.1.18.1

भुवो॑ दे॒वानां॒ कर्म॑णाऽप॒सर्तस्य॑ प॒थ्याऽसि॒ वसु॑भि-दे॒वेभि॑-दे॒वतया॑
गाय॒त्रेण॑ त्वा छन्द॒सा युन॑ज्मि वस॒न्तेन॑ त्व॒र्तुना॑ ह॒विषा॑ दीक्षयामि
रु॒द्रेभि॑-दे॒वेभि॑-दे॒वतया॑ त्रै॒ष्टुभेन॑ त्वा छन्द॒सा युन॑ज्मि ग्री॒ष्मेण॑
त्व॒र्तुना॑ ह॒विषा॑ दीक्षया-म्यादि॒त्येभि॑-दे॒वेभि॑-दे॒वतया॑ जा॒गतेन॑ त्वा
छन्द॒सा युन॑ज्मि व॒र्षाभि॑स्त्व॒र्तुना॑ ह॒विषा॑ दीक्षयामि वि॒श्वेभि॑-
दे॒वेभि॑-दे॒वतया॑ ऽऽनु॒ष्टुभेन॑ त्वा छन्द॒सा युन॑ज्मि - [] 47

7.1.18.2

शर॒दा त्व॒र्तुना॑ ह॒विषा॑ दीक्षया॒म्यङ्गि॑रोभि-दे॒वेभि॑-दे॒वतया॑
पा॒ङ्गेन॑ त्वा छन्द॒सा युन॑ज्मि हे॒मन्त॑शि॒शिरा॒भ्यां त्व॒र्तुना॑ ह॒विषा॑
दीक्षया॒म्याऽहं॑ दी॒क्षाम॑रु॒हमृ॑तस्य प॒त्नीं गाय॒त्रेण॑ छन्द॒सा
ब्र॒ह्मणा॑ च॒र्त॑ऽस॒त्येऽधा॑ऽस॒त्यमृ॑तेऽधां ।

म॒हीमू॒षु > ¹ सु॒त्रामा॑ण > ² -मि॒ह धृ॒तिः स्वा॒हेह॑ वि॒धृतिः॑ स्वा॒हेह॑
रन्तिः॑ स्वा॒हेह॑ र॒मतिः॑ स्वा॒हा ॥ 48

(आ॒नुष्टु॒भेन॑ त्वा॒ छन्द॑सा यु॒नज्म्ये॑ - का॒त्र पञ्चा॑शच्च) (A18)

7.1.19.1

ई॒का॒राय॑ स्वा॒हे कृ॒ताय॑ स्वा॒हा क्र॒न्दते॑ स्वा॒हा ऽव॒क्रन्द॑ते स्वा॒हा
प्रो॒थते॑ स्वा॒हा प्र॒प्रोथ॑ते स्वा॒हा ग॒न्धाय॑ स्वा॒हा घ्रा॒ताय॑ स्वा॒हा
प्रा॒णाय॑ स्वा॒हा व्या॒नाय॑ स्वा॒हा ऽपा॒नाय॑ स्वा॒हा स॒न्दीय॑मा॒नाय॑ स्वा॒हा
स॒न्दि॒ताय॑ स्वा॒हा वि॒चृ॒त्यमा॑नाय॑ स्वा॒हा वि॒चृ॒त्ताय॑ स्वा॒हा
प॒ला॒यिष्य॑मा॒णाय॑ स्वा॒हा प॒ला॒यि॒ताय॑ स्वा॒होप॑र॒स्यते॑ स्वा॒होप॑र॒ताय॑
स्वा॒हा नि॒वेक्ष्य॑ते स्वा॒हा नि॒वि॒शमा॑नाय॑ स्वा॒हा नि॒वि॒ष्टाय॑ स्वा॒हा
नि॒ष॒थस्य॑ते स्वा॒हा नि॒षी॒दते॑ स्वा॒हा नि॒षण्णा॑य॑ स्वा॒हा - [] 49

7.1.19.2

ऽऽ॒सिष्य॑ते स्वा॒हा ऽऽसी॑नाय॑ स्वा॒हा ऽऽसि॑ताय॑ स्वा॒हा नि॒प॒थस्य॑ते
स्वा॒हा नि॒प॒द्यमा॑नाय॑ स्वा॒हा नि॒प॒न्नाय॑ स्वा॒हा श॒यिष्य॑ते स्वा॒हा
श॒या॒नाय॑ स्वा॒हा श॒यि॒ताय॑ स्वा॒हा सं॒मी॒लिष्य॑ते स्वा॒हा सं॒मी॒लते॑

स्वाहा संमीलिताय स्वाहा स्वप्स्यते स्वाहा स्वपते स्वाहा सुप्ताय
 स्वाहा प्रभोत्स्यते स्वाहा प्रबुध्यमानाय स्वाहा प्रबुद्धाय स्वाहा
 जागरिष्यते स्वाहा जाग्रते स्वाहा जागरिताय स्वाहा शुश्रूषमाणाय
 स्वाहा शृण्वते स्वाहा श्रुताय स्वाहा वीक्षिष्यते स्वाहा – [] 50

7.1.19.3

वीक्षमाणाय स्वाहा वीक्षिताय स्वाहा सञ्हास्यते स्वाहा संजिहानाय
 स्वाहो-ज्जिहानाय स्वाहा विवत्स्यते स्वाहा विवर्तमानाय स्वाहा
 विवृत्ताय स्वाहो-त्थास्यते स्वाहोत्तिष्ठते स्वाहोत्थिताय स्वाहा
 विधविष्यते स्वाहा विधून्वानाय स्वाहा विधूताय स्वाहो-त्क्रास्यते
 स्वाहोत्क्रामते स्वाहोत्क्रान्ताय स्वाहा चङ्क्रमिष्यते स्वाहा
 चङ्क्रम्यमाणाय स्वाहा चङ्क्रमिताय स्वाहा कण्डूयिष्यते स्वाहा
 कण्डूयमानाय स्वाहा कण्डूयिताय स्वाहा निकषिष्यते स्वाहा
 निकषमाणाय स्वाहा () निकषिताय स्वाहा यदत्ति तस्मै स्वाहा यत्
 पिबति तस्मै स्वाहा यन्मेहति तस्मै स्वाहा यच्छकृत् करोति तस्मै
 स्वाहा रेतसे स्वाहा प्रजाभ्यः स्वाहा प्रजननाय स्वाहा सर्वस्मै

स्वाहा॑ । 51 (निष॑ण्णाय॑ स्वाहा॑ – वीक्षि॑ष्यते स्वाहा॑ –

निक॑षमा॒णाय॑ स्वाहा॑ – सप्तवि॑ंशतिश्च) (A19)

7.1.20.1

अ॒ग्नये॑ स्वाहा॑ वा॒यवे॑ स्वाहा॑ सू॒र्याय॑ स्वाहा॑-र्त॒मस्य॑तस्य॒र्तमसि॑
स॒त्यम॑सि स॒त्यस्य॑ स॒त्यमस्य॑तस्य॒ पन्था॑ अ॒सि दे॒वानां॑ छायाऽमृत॑स्य॒
नाम॑ तथ् स॒त्यं यत् त्वं॑ प्र॒जाप॑तिरस्य॒धि यद॑स्मिन् वा॒जिनी॑व शु॒भः
स्प॑र्द्धन्ते दि॒वः सू॒र्येण॑ वि॒शोऽपो॑ वृ॒णानः॑ प॒वते॑ क॒व्यन् प॒शुं न गो॑पा
इ॒र्यः परि॑ज्मा । 52

(अ॒ग्नये॑ वा॒यवे॑ सू॒र्याया॑ – ऽष्टा॑च॒त्वारि॑ंशत्) (A20)

Prasna Korvai with starting Padams of 1 to 20 Anuvaakams :-

(प्र॒जन॑नं – प्रा॒तः स॒वने॑ वै – ब्र॒ह्मवा॑दिनः स त्वा – अ॒ङ्गिर॑स- आ॒पो
वै – सो॒मो वै – स॒हस्र॑त॒म्या – त्रि – र्ज॒मद॑ग्निः – सँव॑त्सरो –
दे॒वस्य॑ – वि॒भू – रा॒यना॑या- ऽग्नये॑ – पृ॒थिव्या॑ – अ॒ग्नये॑ – पृ॒थिव्यै॑
– भुव॑ – ई॒का॒राया॑ – ग्नये॑ वा॒यवे॑ सू॒र्याय॑ – वि॑ंशतिः)

Korvai with starting Padams of 1, 11, 21 Series of Panchaatis :-

(प्र॒जन॑नं – म॒ङ्गि॑रसः – सो॒मो॒ वै – प्र॒ति॒गृ॒ह्णा॑ति – वि॒भू –
वी॒क्ष॑मा॒णाय॒ – द्वि॒पञ्चा॒शत्)

First and Last Padam of First Prasnam of 7th Kandam

(प्र॒जन॑नं – परि॒ज्मा)

॥ हरिः॑ ओं ॥

॥ कृष्ण यजुर्वेदीय तैत्तिरीय संहितायां सप्तमकाण्डे प्रथमः प्रश्नः

समाप्तः ॥

7.1.1 Appendix

7.1.18.2 – महीमूषु>¹ सुत्रामाण >²

महीमूषु मातरं सुव्रतानामृतस्य पत्नीमवसे हुवेम ।
तुविक्षत्रामजरन्तीमुरुचीं सुशर्माणमदितिं सुप्रणीतिं ॥

सुत्रामाणं पृथिवीं द्यामनेहसं सुशर्माण मदितिं सुप्रणीतिं ।
दैवीं नावञ् स्वरित्रामनागसमस्रवन्तीमा रुहेमा स्वस्तये ॥

(Appearing in T.S.1.5.11.5)

ओं नमः परमात्मने, श्री महागणपतये नमः, श्री गुरुभ्यो नमः

हरिः ओं

7.2 सप्तमकाण्डे द्वितीयः प्रश्नः – षड् रात्राद्यानां निरूपणं

7.2.1.1

सा॒ध्या वै दे॒वाः सु॒वर्ग॑कामा ए॒त॒ षड्-रा॒त्रम॑पश्यन् तमाऽहरन्
ते॒नाय॑जन्त॒ ततो॑ वै ते सु॒वर्गं॑ लो॒कमा॑यन् य एवं वि॒द्वा॒ऽसः
षड्-रा॒त्रमा॑सते सु॒वर्गमे॒व लो॒कं य॑न्ति दे॒वस॒त्रं वै षड्-रा॒त्रः
प्र॒त्यक्ष॑ ह्ये॒तानि॑ पृ॒ष्ठानि॑ य एवं वि॒द्वा॒ऽसः षड्-रा॒त्रमा॑सते
सा॒क्षादे॒व दे॒वता॑ अ॒भ्यारो॑हन्ति षड्-रा॒त्रो भ॑वति षड् वा ऋ॒तवः
षट् पृ॒ष्ठानि॑ – [] 1

7.2.1.2

पृ॒ष्ठैरे॒वर्तू॒न-न्वा॑रोहन्त्य॒तुभिः॑ सँव॒त्सरं॑ ते सँव॒त्सर॑ ए॒व प्रति॑ तिष्ठन्ति
बृ॒हद्-र॑थन्त॒राभ्यां॑ य॒न्तीयं॑ वा॒व र॑थन्त॒रम॑सौ बृ॒हदा॑भ्यामे॒व य॒न्त्यथो॑
अ॒नयो॑रे॒व प्रति॑ तिष्ठन्त्ये॒ते वै य॒ज्ञस्या॑ञ्ज॒साय॑नी सु॒ती ता॑भ्यामे॒व

सु॒वर्गं॑ लो॒कं॑ य॒न्ति त्रि॒वृ॒द॒ग्नि॒ष्टो॒मो भ॑वति ते॒ज ए॒वाव॑ रु॒न्धते॑
पञ्च॒द॒शो भ॑वतीन्द्रि॒यमे॒वाव॑ रु॒न्धते॑ सप्त॒द॒शो- [] 2

7.2.1.3

भव॑-त्यन्नाद्यस्या-वरु॒द्ध्या अथो॑ प्रै॒व तेन॑ जायन्त एकवि॒ंशो॑
भवति॑ प्रति॒ष्ठित्या॑ अथो॑ रुच॒मेवाऽऽत्मन्॑ द॒धते॑ त्रि॒णवो॑ भवति॑ विजि॒त्यै
त्रयस्त्रि॒ंशो भ॑वति॑ प्रति॒ष्ठित्यै॑ सदो॒हवि॒र्द्धानि॑ ए॒तेन॑ षड्-रात्रेण॑
यजे॑रन्नाश्व॒त्थी ह॒वि॒र्द्धानं॑ चाऽऽ*ग्नी॒ध्रं च॑ भवतस्तद्धि सु॒वर्ग्यं॑
च॒क्री॒वती॑ भवतः सु॒वर्गस्य॑ लो॒कस्य॑ सम॒ष्ट्या उ॒लू॒खल॑बु॒ध्नो यू॒पो
भवति॑ प्रति॒ष्ठित्यै॑ प्राञ्चो॑ या॒न्ति प्रा॒डिव॑ हि सु॒वर्गो॑ - [] 3

7.2.1.4

लो॒कः सर॑स्वत्या या॒न्त्येष॑ वै दे॒वयानः॑ पन्थास्त-मे॒वा-
न्वा॒रो॒हन्त्या॑क्रो॒शन्तो॑ या॒न्त्यव॑र्ति-मे॒वान्य॑स्मिन् प्रतिष॒ज्य प्रति॑ष्ठां
गच्छ॑न्ति यदा दश॑ श॒तं कु॑र्वन्त्यथै॒क-मु॒त्थानं॑ श॒तायुः॑ पु॒रुषः॑
श॒तेन्द्रि॑य आयु॒ष्येवेन्द्रि॑ये प्रति॑ तिष्ठन्ति यदा श॒तं सह॑स्रं
कु॑र्वन्त्यथै॒क-मु॒त्थानं॑ सह॒स्रसं॑मितो॒ वा असौ॑ लो॒कोऽमु॑मे॒व

लो॒क॒म॒भि॒ ज॒य॒न्ति॑ य॒दै () - षां॑ प्र॒मी॒ये॒त॑ य॒दा वा जी॒ये॒र॒न्न॒थै॒क -
मु॒त्था॒नं॑ तद्धि ती॒र्थं । 4 (पृ॒ष्ठा॒नि - स॒प्त॒द॒शः - सु॒व॒र्गो - ज॒य॒न्ति॑
य॒दै - का॒द॒श च) (A1)

7.2.2.1

कु॒सु॒रु॒बि॒न्द॒ औ॒द्वा॒ल॒कि॒र॒का॒म॒य॒त॑ प॒शु॒मा॒न्त् स्या॒मि॒ति॒ स ए॒त
स॒प्त॒रा॒त्र॒मा॒ऽह॒र॒त् ते॒ना॒य॒ज॒त॑ ते॒न वै स या॒व॒न्तो॑ ग्रा॒म्याः
प॒श॒व॒स्ता॒न॒वा-रु॒न्ध॒ य ए॒वं वि॒द्वान्त् स॒प्त॒रा॒त्रे॒ण य॒ज॒ते या॒व॒न्त॑
ए॒व ग्रा॒म्याः प॒श॒व॒स्ता॒ने॒वा॒व रु॒न्धे स॒प्त॒रा॒त्रो भ॒व॒ति स॒प्त ग्रा॒म्याः
प॒श॒वः स॒प्ताऽऽ*र॒ण्याः स॒प्त छ॒न्दा-स्यु॒भय॑स्या-व॒रु॒द्ध्यै
त्रि॒वृ॒द॒ग्नि॒ष्टो॒मो भ॒व॒ति ते॒ज - [] 5

7.2.2.2

ए॒वा॒व रु॒न्धे प॒ञ्च॒द॒शो भ॒व॒तीन्द्रि॒यमे॒वा॒व रु॒न्धे स॒प्त॒द॒शो
भ॒व॒त्य॒न्ना॒द्य॒स्या व॒रु॒द्ध्य॒ अथो॒ प्रै॒व ते॒न जा॒य॒त ए॒क॒वि॒ंशो भ॒व॒ति
प्र॒ति॒ष्ठी॒त्या अथो॒ रु॒च॒मे॒वाऽऽ*त्म॑न् ध॒त्ते त्रि॒ण॒वो भ॒व॒ति वि॒जि॒त्यै
प॒ञ्च॒वि॒ंशो-ऽग्नि॒ष्टो॒मो भ॒व॒ति प्र॒जा॒प॒ते॒रा॒प्त्यै म॒हा॒व॒र॒त॒वा-न॒न्ना॒द्य॒स्या

वरुद्ध्यै विश्वजिथ् सर्वपृष्ठो ऽतिरात्रो भवति सर्वस्याभिजित्यै यत्
प्रत्यक्षं पूर्वेष्वहः सु पृष्ठान्युपेयुः प्रत्यक्षं -[] 6

7.2.2.3

विश्वजिति यथा दुग्धा-मुपसीदत्येवमुत्तम-महः स्यान्नैकरात्रश्चन
स्याद् बृहद्-रथन्तरे पूर्वेष्वहः सूप यन्तीयं वाव रथन्तरमसौ
बृहदाभ्यामेव न यन्त्यथो अनयोरेव प्रति तिष्ठन्ति यत् प्रत्यक्षं
विश्वजिति पृष्ठान्युपयन्ति यथा प्रत्तां दुहे तादृगेव तत् । 7

(तैज - उपेयुः प्रत्यक्षं - द्विचत्वारिंशच्च) (A2)

7.2.3.1

बृहस्पतिरकामयत ब्रह्मवर्चसी स्यामिति स एत-मष्टरात्र-मपश्यत्
तमाऽहरत् तेनायजत ततो वै स ब्रह्मवर्चस्यभवद्य एवं विद्वानष्टरात्रेण
यजते ब्रह्मवर्चस्येव भवत्यष्टरात्रो भवत्यष्टाक्षरा गायत्री गायत्री
ब्रह्मवर्चसं गायत्रियैव ब्रह्मवर्चसमव रुन्धेऽष्टरात्रो भवति चतस्रो
वै दिशश्चतस्रो ऽवान्तरदिशा दिग्भ्य एव ब्रह्मवर्चसमव रुन्धे-[] 8

7.2.3.2

त्रिवृ॒दग्नि॒ष्टोमो॑ भवति॒ तेज॑ ए॒वाव॑ रुन्धे॒ पञ्चद॑शो भवतीन्द्रि॒यमे॒वाव॑
रुन्धे॒ सप्तद॑शो भवत्यन्नाद्यस्या-वरु॒द्ध्या॑ अथो प्रैव तेन जायत
एकवि॒ंशो॑ भवति॒ प्रति॑ष्ठित्या अथो रुचमे॒वाऽऽत्मन्॑ धत्ते त्रिणवो
भवति॒ विजि॑त्यै त्रयस्त्रि॒ंशो॑ भवति॒ प्रति॑ष्ठित्यै पञ्चवि॒ंशो॑ऽग्नि॒ष्टोमो॑
भवति॒ प्रजा॑पतेराप्त्यै महाव्रतवानन्नाद्यस्या वरु॒द्ध्यै॑ विश्वजिथ्
सर्व॑पृष्ठोऽतिरात्रो भवति॒ सर्व॑स्याभिजित्यै () । 9

(दिग्भ्य ए॒व ब्रह्म॑वर्चसमव॑ रुन्धे - ऽभिजि॑त्यै) (A3)

7.2.4.1

प्रजा॑पतिः प्रजा असृजत ताः सृ॒ष्टाः क्षु॒धं न्या॑यन्त्स ए॒तं न॑वरात्रपश्यत्
तमाऽहरत् तेनायजत ततो वै प्रजाभ्योऽकल्पत यर्हि प्रजाः क्षु॒धं
निगच्छे॑युस्तर्हि नवरात्रेण यजेतेमे हि वा ए॒तासां॑ लो॒का अक्लृ॑प्ता
अथै॒ताः क्षु॒धं नि गच्छ॑न्तीमानेवाऽऽभ्यो लो॒कान् कल्प॑यति तान्
कल्प॑मानान् प्रजाभ्योऽनु कल्पते कल्पन्ते - [] 10

7.2.4.2

ऽस्मा॑ इ॒मे लो॒का ऊ॒र्जं प्र॒जासु॑ दधाति त्रिरा॒त्रेणै॒वेमं॑ लो॒कं क॑ल्पयति
त्रिरा॒त्रेणा॒न्तरि॑क्षं त्रिरा॒त्रेणा॒मुं लो॒कं य॑था गु॒णे गु॒णम॒न्वस्य॑त्ये॒वमे॒व
तल्लो॒के लो॒कम॒न्वस्य॑ति धृ॒त्या अ॒शिथि॑लंभा॒वाय॒ ज्योति॑र्गौरा॒युरिति॑
ज्ञा॒ताः स्तो॒मा भव॑न्ती॒यं वा॒व ज्योति॑रन्तरि॒क्षं गौ॒रसा॒वायु॑रे॒ष्वेव॑ लो॒केषु॑
प्रति॑ तिष्ठन्ति ज्ञा॒त्रं प्र॒जानां॑—[] 11

7.2.4.3

गच्छ॑ति नवरा॒त्रो भव॑त्यभिपूर्वमे॒वाऽस्मिन्॑ तेजो॑ दधाति यो ज्यो॒गाम॑यावी
स्याथ् स नवरा॒त्रेण॑ यजेत प्रा॒णा हि वा ए॒तस्या॑ धृ॒ता अथै॒तस्य॑
ज्यो॒गाम॑यति प्रा॒णाने॒वास्मिन्॑ दा॒धारो॒त यदी॒तासु॑र्भवति जी॒वत्ये॒व । 12
(कल्प॑न्ते - प्र॒जनां॑ - त्रय॑स्त्रि॒ंशच्च॑) (A4)

7.2.5.1

प्रजा॑पतिर॒काम॑यत प्र जा॒येये॑ति स ए॒तं द॑शहो॒तारम॑पश्यत् तम॑जुहोत्
तेन॑ द॒शरा॒त्रम॑सृजत तेन॑ द॒शरा॒त्रेण॑ प्रा जा॒यत॑ द॒शरा॒त्राय॑ दी॒क्षिष्य॑माणो
द॒शहो॒तारं॑ जुहु॒याद्-द॑शहो॒त्रैव॑ द॒शरा॒त्रं सृ॑जते तेन॑ द॒शरा॒त्रेण॑ प्र

जा॒यते॑ वैरा॒जो वा ए॒ष य॒ज्ञो यद्द॑शरा॒त्रो य ए॒वं वि॒द्वान्-द॑शरा॒त्रेण॑ यज॒ते
वि॒राज॑मे॒व ग॒च्छति॑ प्राजाप॒त्यो वा ए॒ष य॒ज्ञो यद्-द॑शरा॒त्रो-[] 13

7.2.5.2

य ए॒वं वि॒द्वान्-द॑शरा॒त्रेण॑ यज॒ते प्रै॒व जा॒यत॑ इन्द्रो॒ वै स॒दृङ्
दे॒वता॑भि॒रासी॒त् स न॑ व्या॒वृत॑मगच्छ॒त् स प्र॒जाप॑तिमुपा॒धाव॑त् तस्मा॑
ए॒तं द॑शरा॒त्रं प्रा॑यच्छ॒त् तमा॑ऽह॒रत् ते॒नाय॑जत॒ ततो॑ वै सोऽ॒न्याभि॑-
दे॒वता॑भि-व्या॒वृत॑मगच्छ॒द्य ए॒वं वि॒द्वान् द॑शरा॒त्रेण॑ यज॒ते व्या॒वृत॑मे॒व
पा॒प्मना॑ भ्रातृ॒व्येण॑ गच्छति॒ त्रिक॑कु॒द्वा - [] 14

7.2.5.3

ए॒ष य॒ज्ञो यद्-द॑शरा॒त्रः क॒कुत् प॑ञ्चद॒शः क॒कुर्दे॑कवि॒ंशः क॒कुत्
त्रय॑स्त्रि॒ंशो य ए॒वं वि॒द्वान् द॑शरा॒त्रेण॑ यज॒ते त्रि॒क॒कुदे॑व॒ समा॑नानां
भ॒वति॑ यज॒मानः॑ प॑ञ्चद॒शो यज॑मान॒ एक॑वि॒ंशो यज॑मानस्त्रय॒स्त्रि॒ंशः
पु॒र इ॒तरा॑ अ॒भिच॑र्यमाणो॒ दश॑रा॒त्रेण॑ यजेत॒ देव॑पु॒रा ए॒व पर्यू॑हते॒ तस्य॑ न
कु॒तश्च॑नोपा॒व्याधो॑ भ॒वति॑ नैन॒मभि॑चरन्थ् स्तृणु॒ते दे॒वासु॑राः सँय॑त्ता
आ॒सन् ते॑ दे॒वा ए॒ता - [] 15

7.2.5.4

दे॒व॒पु॒रा॒ अप॒श्यन्॒ यद्-द॒श॒रा॒त्र॒स्ताः॒ पर्यो॑हन्त॒ तेषां॑ न कु॒तश्च॒नोपा॑व्या॒धो
 ऽभ॒वत् ततो॑ दे॒वा अ॒भवन्॒ परा॑ऽसु॒रा यो भ्रा॑तृ॒व्यवा॑न्थ् स्याथ् स
 द॒श॒रा॒त्रेण॑ यजे॒त दे॒वपु॒रा ए॒व पर्यो॑हते॒ तस्य॑ न कु॒तश्च॒नोपा॑व्या॒धो
 भ॒वति॒ भव॑त्यात्म॒ना परा॑ऽस्य भ्रा॑तृ॒व्यो भ॒वति॒ स्तोमः॑
 स्तो॒मस्यो॑प॒स्तिर्भ॒वति॒ भ्रा॑तृ॒व्यमे॒वोप॑स्तिं कुरु॒ते जा॒मि वा - [] 16

7.2.5.5

ए॒तत् कु॑र्वन्ति॒ यज्ज्या॑या॒ऽस॒ऽस्तो॑ममु॒पेत्य॒ कनी॑या॒ऽसमु॑पयन्ति॒
 यद॑ग्नि॒ष्टो-म॒सामा॑न्यव॒स्ताच्च॒ पर॑स्ताच्च॒ भव॑न्त्यजा॒मित्वा॑य
 त्रि॒वृ॒द॒ग्नि॒ष्टोमो॑ ऽग्नि॒ष्टुदा॑ग्नेयीषु॒ भव॑ति तेज॒ ए॒वाव॑ रु॒न्धे पञ्च॑द॒श
 उ॒क्थ्य॑ ऐ॒न्द्री॒ष्विन्द्रि॑यमे॒वाव॑ रु॒न्धे त्रि॒वृ॒द॒ग्नि॒ष्टोमो॑ वै॒श्वदे॑वीषु॒ पुष्टि॑मे॒वाव॑
 रु॒न्धे सप्त॑द॒शो॒ऽग्नि॒ष्टोमः॑ प्रा॒जाप॑त्यासु॒ तीव्र॑सो॒मो ऽन्ना॑द्यस्या-व॒रुद्ध्य॑
 अथो॑ प्रै॒व ते॑न जा॒यत॑ - [] 17

7.2.5.6

ए॒कवि॑ऽश उ॒क्थ्यः॑ सौरीषु॒ प्रति॑ष्ठित्या॒ अथो॑ रु॒चमे॒वाऽऽत्म॑न् ध॒त्ते
 सप्त॑द॒शो॒ऽग्नि॒ष्टोमः॑ प्रा॒जाप॑त्यासूप॒हव्य॑ उप॒हव॑मे॒व ग॑च्छति

त्रि॒णवा॑व॒ग्नि॒ष्टो॒माव॑भित॒ ऐ॒न्द्री॒षु॒ वि॒जित्यै॑ त्रय॒स्त्रि॒ंश उ॒क्थ्यो॑
वैश्व॑दे॒वीषु॒ प्रति॑ष्ठित्यै॒ विश्व॑जि॒त् सर्व॑पृ॒ष्ठोऽति॑रात्रो भवति
सर्व॑स्याभिजित्यै । 18

(प्र॒जाप॑त्यो वा ए॒ष य॒ज्ञो यद् द॑शरात्र – स्त्रि॒क॒कु॒ब्धा – ए॒ता – वै
– जा॒यत॑ – एक॒त्रि॒ंशच्च॑) (A5)

7.2.6.1

ऋ॒तवो॑ वै प्र॒जाका॑माः प्र॒जां नाऽवि॑न्दन्त तेऽका॑मयन्त प्र॒जां सृ॑जेमहि
प्र॒जाम॑व रुन्धीमहि प्र॒जां वि॑न्देमहि प्र॒जाव॑न्तः स्या॒मेति॑ त
ए॒तमे॑कादशरात्रमपश्यन् तमाऽह॑रन् तेनाय॑जन्त ततो॒ वै ते प्र॒जाम॑सृजन्त
प्र॒जाम॑वारुन्धत प्र॒जाम॑विन्दन्त प्र॒जाव॑न्तोऽभवन्त ऋ॒तवो॑ऽभवन्
तदा॑र्त॒वाना॑-मा॒र्तव॑त्व-मृ॒तूनां॑ वा ए॒ते पु॒त्रास्त॑स्मा – [] 19

7.2.6.2

-दा॑र्त॒वा उ॒च्यन्ते॑ य ए॒वं वि॒द्वाँस॑ ए॒काद॑शरात्रमासते प्र॒जामे॑व
सृ॒जन्ते॑ प्र॒जाम॑व रुन्धते प्र॒जां वि॑न्दन्ते प्र॒जाव॑न्तो भवन्ति
ज्योति॑रतिरात्रो भवति ज्योति॑रे॒व पु॒रस्ता॑द्-दधते सु॒वर्ग॑स्य लो॒कस्या॑-

नु॒ख्यात्यै॑ पृ॒ष्ठ्यः॑ षड॒हो॑ भवति षड् वा ऋ॒तवः॑ षट् पृ॒ष्ठानि॑
 पृ॒ष्ठैरे॒वर्तू॒न-न्वा॒रोह॑न्त्य॒तुभिः॑ सँव॒थ्सरं॑ ते सँव॒थ्सर॑ ए॒व प्रति॑ तिष्ठन्ति
 चतुर्वि॒ंशो॑ भवति चतुर्वि॒ंशत्य॑क्षरा गायत्री - [] 20

7.2.6.3

गाय॒त्रं ब्र॒ह्मव॑र्चसं गाय॒त्रिया॒मेव॑ ब्र॒ह्मव॑र्चसे प्रति तिष्ठन्ति चतुश्च॒त्वारि॒ंशो॑
 भवति चतुश्च॒त्वारि॒ंशद॑क्षरा त्रि॒ष्टुगि॑न्द्रि॒यं त्रि॒ष्टुप् त्रि॒ष्टुभ्ये॒वेन्द्रि॒ये प्रति॑
 तिष्ठन्त्य॒ष्टाच॑त्वारि॒ंशो॑ भवत्य॒ष्टाच॑त्वारि॒ंशद॑क्षरा जगती जागताः प॒शवो॑
 जग॒त्यामे॒व प॒शुषु॑ प्रति तिष्ठन्त्ये-काद॒शरा॒त्रो भवति॑ पञ्च वा ऋ॒तव॑
 आ॒र्तवाः॑ पञ्च॒र्तुष्वे॒वाऽऽ*र्त॒वेषु॑ सँव॒थ्सरे॑ प्रति॒ष्ठाय॑ प्र॒जाम॑व
 रुन्धते ऽति॒रात्रा॑व॒भितो॑ भवतः प्र॒जायै॑ परिगृहीत्यै । 21

॥
 (तस्माद् - गाय॒त्र्ये - का॒त्र पञ्चा॑शच्च) (A6)

7.2.7.1

ऐन्द्र॒वाय॒वाग्रा॑न् गृ॒ह्णीया॑द्यः का॒मये॑त यथा पूर्वं प्र॒जाः क॑ल्पे॒रन्नि॑ति
 य॒ज्ञस्य॑ वै क्लृ॒प्तिम॑नु प्र॒जाः क॑ल्पन्ते य॒ज्ञस्या-क्लृ॑प्तिम॒नु न
 क॑ल्पन्ते यथा पूर्वंमे॒व प्र॒जाः क॑ल्पयति न ज्याया॒ं सं क॑नी॒यान॑ति

क्रामत्यैन्द्रवायवाग्रान् गृह्णीयादामयाविनः प्राणेन वा एष व्यध्यते
यस्याऽऽ*मयति प्राण ऐन्द्रवायवः प्राणेनैवैनं समर्धयति
मैत्रावरुणाग्रान् गृह्णीरन् येषां दीक्षितानां प्रमीयेत- [] 22

7.2.7.2

प्राणापानाभ्यां वा एते व्यध्यन्ते येषां दीक्षितानां प्रमीयते प्राणापानौ
मित्रावरुणौ प्राणापानावेव मुखतः परि हरन्त आश्विनाग्रान् गृह्णीता
ऽऽ*नुजावरोऽश्विनौ वै देवानामानुजावरौ पश्चेवाग्रं पर्येता-मश्विनावेतस्य
देवता य आनुजावर-स्तावेवैनमग्रं परि णयतः शुक्राग्रान् गृह्णीत गतश्रीः
प्रतिष्ठाकामोऽसौ वा आदित्यः शुक्र एषोऽन्तोऽन्तं मनुष्यः - [] 23

7.2.7.3

श्रियै गत्वा नि वर्तते ऽन्तादेवाऽन्तमा रभते न ततः पापीयान् भवति
मन्थ्यग्रान् गृह्णीता-भिचर-न्नार्तपात्रं वा एतद्-यन्-मन्थिपात्रं
मृत्युनैवैनं ग्राहयति ताजगार्तिमाच्छत्या-ग्रयणाग्रान् गृह्णीत यस्य पिता
पितामहः पुण्यः स्यादथ तन्न प्राप्नुयाद्-वाचा वा एष इन्द्रियेण
व्यध्यते यस्य पिता पितामहः पुण्यो - [] 24

7.2.7.4

भवत्यथ तन्न प्राप्नोत्युर इवैतद्-यज्ञस्य वागिव यदाग्रयणो
वाचैवैनमिन्द्रियेण समर्थयति न ततः पापीयान् भवत्युक्थ्याग्रान्
गृहीताभिचर्यमाणः सर्वेषां वा एतत् पात्राणामिन्द्रियं यदुक्थ्यपात्रं
सर्वेणैवैनमिन्द्रियेणाति प्रयुङ्क्ते सरस्वत्यभि नो नेषि वस्य इति
पुरोरुचं कुर्याद्-वाग्वै - [] 25

7.2.7.5

सरस्वती वाचैवैनमति प्रयुङ्क्ते मा त्वत् क्षेत्राण्यरणानि गन्मेत्याह
मृत्योर्वै क्षेत्राण्यरणानि तेनैव मृत्योः क्षेत्राणि न गच्छति पूर्णान्
ग्रहान् गृहीयादामयाविनः प्राणान् वा एतस्य शुगृच्छति
यस्याऽऽमयति प्राणा ग्रहाः प्राणानेवास्य शुचो मुञ्चत्युत
यदीतासुर्भवति जीवत्येव पूर्णान् ग्रहान् () गृहीयाद्-यर्हि पर्जन्यो
न वर्षेत् प्राणान् वा एतर्हि प्रजानां शुगृच्छति यर्हि पर्जन्यो न
वर्षति प्राणा ग्रहाः प्राणानेव प्रजानां शुचो मुञ्चति ताजक् प्र
वर्षति । 26

(प्रमीये॑त – म॒नुष्य॑ – ऋ॒द्ध्यते॑ यस्य॑ पि॒ता पि॒ताम॑हः पु॒ण्यो –
वा॒ग्वा – ए॒व पू॒र्णान् ग्र॒हान् – पञ्च॑वि॒ंशति॑श्च) (A7)

7.2.8.1

गा॒य॒त्रो वा॑ ऐ॒न्द्रवा॑यवो गा॒य॒त्रं प्रा॑यणीय-मह॒स्तस्मा॑त् प्रा॒यणी॑ये-
ऽह॒न्नैन्द्र॑वा॒यवो॑ गृ॒ह्यते॑ स्व ए॒वैन॑मा॒यत॑ने गृ॒ह्णाति॑ त्रैष्टु॒भो वै शु॒क्रस्त्रैष्टु॑भं
द्वि॒तीय॑-मह॒स्तस्मा॑द् द्वि॒तीये॑ऽह॒ञ्छु॒क्रो गृ॒ह्यते॑ स्व ए॒वैन॑मा॒यत॑ने गृ॒ह्णाति॑
जा॒गतो॑ वा आ॒ग्रय॑णो जा॒गतं॑ तृ॒तीय॑-मह॒स्तस्मा॑त् तृ॒तीये॑ऽह॒न्नाग्र॑य॒णो
गृ॒ह्यते॑ स्व ए॒वैन॑मा॒यत॑ने गृ॒ह्णात्ये॑तद्वै – [] 27

7.2.8.2

य॒ज्ञमा॑पद्-यच्छ॒न्दा॑ऽस्या॒प्नोति॑ यदा॒ग्रय॑णः श्रौ गृ॒ह्यते॑ यत्रै॒व
य॒ज्ञम॑दृ॒शन् त॑त ए॒वैनं॑ पुनः प्र॒युङ्क्ते॑ जग॒न्मुखो॑ वै द्वि॒तीय॑स्त्रि॒रात्रो
जा॒गत आ॒ग्रय॑णो यच्चतु॒र्थेऽह॒न्नाग्र॑य॒णो गृ॒ह्यते॑ स्व ए॒वैन॑मा॒यत॑ने
गृ॒ह्णात्य॑थो स्वमे॒व छ॒न्दोऽनु॑ पर्या॒वर्त॑न्ते रा॒थन्त॑रो वा ऐ॒न्द्रवा॑यवो
रा॒थन्त॑रं पञ्च॑ममह॒स्तस्मा॑त् पञ्च॑मे॒ऽह – [] 28

7.2.8.3

–नैन्द्रवायवो गृह्यते स्व एवैनमायतने गृह्णाति बार्हतो वै शुक्रो
 बार्हतः षष्ठमहस्तस्मात् षष्ठेऽहञ्छुक्रो गृह्यते स्व एवैनमायतने
 गृह्णात्येतद्वै द्वितीयं यज्ञमापद्–यच्छन्दाऽस्याप्नोति यच्छुक्रः श्वो
 गृह्यते यत्रैव यज्ञमदृशन् तत एवैनं पुनः प्रयुङ्क्ते त्रिष्टुङ्मुखो वै
 तृतीयस्त्रिरात्रस्त्रैष्टुभः – [] 29

7.2.8.4

शुक्रो यत् सप्तमेऽहञ्छुक्रो गृह्यते स्व एवैनमायतने गृह्णात्यथो
 स्वमेव छन्दोऽनु पर्यावर्तन्ते वाग्वा आग्रयणो वागष्टममह–
 स्तस्मादष्टमेऽहन्नाग्रयणो गृह्यते स्व एवैनमायतने गृह्णाति
 प्राणो वा ऐन्द्रवायवः प्राणो नवम–महस्तस्मान्नवमेऽहन्नैन्द्रवायवो
 गृह्यते स्व एवैनमायतने गृह्णात्येत – [] 30

7.2.8.5

–द्वै तृतीयं यज्ञमापद्–यच्छन्दाऽस्याप्नोति यदैन्द्रवायवः श्वो गृह्यते
 यत्रैव यज्ञमदृशन् तत एवैनं पुनः प्रयुङ्क्ते ऽथो स्वमेव छन्दोऽनु

पर्यावर्तन्ते पथो वा एतेऽध्यपथेन यन्ति येऽन्येनैन्द्रवायवात्
 प्रतिपद्यन्तेऽन्तः खलु वा एष यज्ञस्य यद्-दशम-महर्दशमे
 ऽहनैन्द्रवायवो गृह्यते यज्ञस्यै-[] 31

7.2.8.6

-वान्तं गत्वा ऽपथात् पन्थामपि यन्त्यथो यथा वहीयसा प्रतिसारं
 वहन्ति तादृगेव तच्छन्दाऽस्यन्योन्यस्य लोकमभ्यध्यायन् तान्येतेनैव
 देवा व्यावाहयन्त्रैन्द्रवायवस्य वा एतदायतनं यच्चतुर्थमहस्तस्मि-
 न्नाग्रयणो गृह्यते तस्मादाग्रयणस्याऽऽ*यतने नवमेऽहनैन्द्रवायवो गृह्यते
 शुक्रस्य वा एतदायतनं यत् पञ्चम - [] 32

7.2.8.7

-महस्तस्मिन्नैन्द्रवायवो गृह्यते तस्मादैन्द्रवायवस्याऽऽ*यतने
 सप्तमेऽहञ्छुक्रो गृह्यत आग्रयणस्य वा एतदायतनं यत्
 षष्ठमहस्तस्मिञ्छुक्रो गृह्यते तस्माच्छुक्रस्याऽऽ*यतनेऽष्टमेऽहन्नाग्रयणो
 गृह्यते छन्दाऽस्येव तद्वि वाहयति प्र वस्यसो विवाहमाप्नोति य एवं

वै॒दा॒थो॑ दे॒वता॑भ्य ए॒व य॒ज्ञे सँ॒वि॒दं॑ द॒धाति॑ तस्मा॑दि॒द-म॒न्यो॑ऽन्यस्मै॑

() दधाति । 33

(ए॒तद्वै - प॒ञ्च॒मेऽह॑न् - त्रै॒ष्टु॒भ - ए॒तद् - गृ॒ह्यते॑ य॒ज्ञस्य॑ -
प॒ञ्च॒म - म॒न्यस्मा॑ - ए॒कञ्च॑) (A8)

7.2.9.1

प्र॒जा॒प॒ति॒र॒का॒म॒य॒त॒ प्र जा॑ये॒येति॑ स ए॒तं द्वा॑द॒शरा॑त्रम॒पश्य॑त् तमा॑ऽह॒रत्
ते॒ना॒य॒ज॒त॒ ततो॑ वै स प्रा॒जा॒य॒त॒ यः का॑मये॒त॒ प्र जा॑ये॒येति॑ स
द्वा॒द॒शरा॑त्रेण य॒जेत॑ प्रै॒व जा॑यते ब्र॒ह्म॒वा॒दि॒नो॑ वद॒न्त्यग्नि॑ष्टोमप्रा॒यणा॑ य॒ज्ञा
अथ॑ कस्मा॑दतिरा॒त्रः पूर्॒वः प्र यु॑ज्यत इति॑ चक्षु॒षी॒ वा ए॒ते य॒ज्ञस्य॑
यदति॑रात्रौ क॒नी॒नि॒के॒ अग्नि॑ष्टोमौ य - [] 34

7.2.9.2

-द॒ग्नि॑ष्टोमं पूर्॒वं प्र॑युज्जी॒रन् ब॒हि॒र्धा क॒नी॒नि॒के॒ द॒ध्यु॒स्तस्मा॑दतिरा॒त्रः
पूर्॒वः प्र यु॑ज्यते चक्षु॒षी॒ ए॒व य॒ज्ञे धि॒त्वा म॒ध्यतः॑ क॒नी॒नि॒के॒ प्रति॑
द॒धति॑ यो वै गा॒य॒त्रीं ज्यो॑तिः पक्षां॑ वै॒द ज्यो॑तिषा भा॒सा सु॒वर्गं॑
लो॒कमे॑ति याव॒ग्नि॑ष्टोमौ तौ पक्षौ॑ येऽन्त॒रेऽष्टा॑वुक्थ्याः स आ॒त्मैषा॑ वै

गा॒य॒त्री ज्यो॑तिः प॒क्षा य ए॒वं वै॒द ज्यो॑तिषा भा॒सा सु॒वर्गं

लौ॒क - [] 35

7.2.9.3

—मे॒ति प्र॒जाप॑तिर्वा ए॒ष द्वा॑द॒शधा॑ वि॒हितो॑ यद् द्वा॑द॒शरा॑त्रो याव॑तिरा॒त्रो
तौ प॒क्षौ येऽन्त॑रेऽष्टावु॒क्थ्याः॑ स आ॒त्मा प्र॒जाप॑तिर्वावैष सन्थ्सब्ध
वै स॒त्रेण॑ स्पृ॒णोति॑ प्रा॒णा वै स॒त् प्रा॒णाने॑व स्पृ॒णोति॑ सर्वा॑सां वा ए॒ते
प्र॒जानां॑ प्रा॒णैरा॑सते ये स॒त्रमा॑सते तस्मा॑त् पृ॒च्छन्ति॑ किमे॒ते स॒त्रिण॑
इति॑ प्रि॒यः प्र॒जाना॑ () मु॒त्थितो॑ भवति य ए॒वं वै॒द । 36

(अ॒ग्नि॒ष्टोमौ॑ यथ् — सु॒वर्गं॑ लौ॒कं — प्रि॒यः प्र॒जानां॑ —
पञ्च॑ च) (A9)

7.2.10.1

न वा ए॒षोऽन्य॑तो वै॒श्वान॑रः सु॒वर्गा॑य लो॒काय॑ प्रा॒भवदू॒र्ध्वो ह॒ वा ए॒ष
आ॒त॒त आ॒सीत् ते॒ दे॒वा ए॒तं वै॒श्वान॑रं प॒र्यो॑हन्थ सु॒वर्ग॑स्य लो॒कस्य॑
प्र॒भूत्या॑ ऋ॒तवो॑ वा ए॒तेन॑ प्र॒जाप॑तिमयाजयन् तेष्वा॒र्ध्नो॑दधि तदृ॒ध्नोति॑

ह॒ वा ऋ॒त्वि॒क्षु॒ य॒ ए॒वं वि॒द्वान् द्वा॒द॒शा॒हे॒न॒ य॒ज॒ते ते॒ऽस्मि॒न्नै॒च्छन्त॒ स
र॒स॒म॒ह॒ व॒स॒न्ता॒य प्रा॒य॒च्छ – [] 37

7.2.10.2

द्य॒वं ग्री॒ष्मा॒यौष॑धी॒र्वर्षा॑भ्यो॒ व्री॒ही॒ञ्छ॒रदे॑ मा॒ष॒तिलौ॑ हे॒म॒न्त॒शि॒शि॒रा॒भ्यां
ते॒ने॒न्द्रं प्र॒जा॒प॒ति॒र॒या॒ज॒यत् ततो॑ वा इ॒न्द्र इ॒न्द्रो॑ऽभ॒वत्
तस्मा॑दा॒हुरा॒नु॒जा॒व॒र॒स्य॒ य॒ज्ञ इति॑ स ह्यो॒ते॒ना॒ऽग्ने॑ऽय॒ज॒तैष॒ ह॒ वै
कु॒ण॒प॒म॒त्ति॒ यः स॒न्ने प्र॑तिगृ॒ह्णा॒ति पु॒रुष॑कु॒ण॒प॒म॒श्च॒कु॒ण॒पं गौ॒र्वा अ॒न्नं
ये॒न पा॒त्रे॒णा॒न्नं बि॑भ्र॒ति यत् तन्न॑ निर्णे॒नि॒ज॒ति ततो॑ऽधि – [] 38

7.2.10.3

म॒लं जा॒य॒त॒ एक॑ ए॒व य॒जे॒तै॒को हि प्र॒जा॒प॒ति॒रा॒ध्नो॑द् द्वा॒द॒श
रा॒त्री॒र्दी॒क्षि॒तः स्या॑द् द्वा॒द॒श मा॒साः सँ॒व॒त्स॒रः सँ॒व॒त्स॒रः प्र॒जा॒प॒तिः
प्र॒जा॒प॒ति॒र्वा॒वैष॑ ए॒ष ह॒ त्वै जा॒य॒ते य॒स्त॒प॒सो॑ऽधि जा॒य॒ते च॒तु॒र्धा वा
ए॒ता॒स्ति॒स्र॒स्ति॒स्रो रा॒त्रयो॑ यद् द्वा॒द॒शो॒प॒स॒दो याः प्र॒थ॒मा य॒ज्ञं ता॒भिः
सं भ॑र॒ति या॒ द्वि॒ती॒या य॒ज्ञं ता॒भि॒रा र॑भ॒ते – [] 39

7.2.10.4

यास्तृतीयाः पात्राणि ताभिर्निर्णेतैः याश्चतुर्थीरपि ताभिरात्मानमन्तरतः
 शुन्धते यो वा अस्य पशुमन्ति मा॒ऽस॒ऽसौ॒ऽति॒ यः पुरोडाशं
 म॒स्तिष्क॒ऽस॒ यः परि॒वापं॑ पुरीष॒ऽस॒ य आज्यं॑ म॒ज्जान॒ऽस॒ यः
 सोम॒ऽस्वेद॒ऽसौ॒ऽपि॒ ह वा अस्य॑ शी॒र्षण्या॑ नि॒ष्पदः॑ प्रति॑ गृह्णाति
 यो द्वाद॒शाहे॑ प्रति॑गृह्णाति॒ तस्माद् द्वाद॒शाहे॑न () न याज्यं॑ पाप्मनो
 व्यावृ॒त्त्यै । 40

(अयच्छ - दधि - रभते - द्वादशाहेन - चत्वारि च) (A10)

7.2.11.1

एक॒स्मै स्वा॒हा द्वा॒भ्या॒ऽस्वा॒हा त्रि॒भ्यः स्वा॒हा चतु॒र्भ्यः स्वा॒हा
 प॒ञ्च॒भ्यः स्वा॒हा ष॒ड्भ्यः स्वा॒हा स॒प्त॒भ्यः स्वा॒हा ऽष्टा॒भ्यः स्वा॒हा
 न॒व॒भ्यः स्वा॒हा द॒श॒भ्यः स्वा॒है -का॒द॒श॒भ्यः स्वा॒हा द्वा॒द॒श॒भ्यः
 स्वा॒हा त्रयो॒द॒श॒भ्यः स्वा॒हा चतु॒र्द॒श॒भ्यः स्वा॒हा प॒ञ्च॒द॒श॒भ्यः
 स्वा॒हा षोड॒श॒भ्यः स्वा॒हा स॒प्त॒द॒श॒भ्यः स्वा॒हा ऽष्टा॒द॒श॒भ्यः स्वा॒है
 - का॒न्न वि॒ंश॒त्यै स्वा॒हा न॒व॒वि॒ंश॒त्यै स्वा॒है -का॒न्न च॒त्वारि॒ंश॒ते

स्वाहा नवचत्वारिंशते स्वाहैकान्न () षष्ठ्यै स्वाहा नवषष्ठ्यै
 स्वाहैकान्नाशीत्यै स्वाहा नवाशीत्यै स्वाहैकान्न शताय स्वाहा
 शताय स्वाहा द्वाभ्यां शताभ्यां स्वाहा सर्वस्मै स्वाहा ॥ 41
 (नवचत्वारिंशते स्वाहैकान्नै - कविंशतिश्च) (A11)

7.2.12.1

एकस्मै स्वाहा त्रिभ्यः स्वाहा पञ्चभ्यः स्वाहा सप्तभ्यः स्वाहा
 नवभ्यः स्वाहैकान्ना दशभ्यः स्वाहा त्रयोदशभ्यः स्वाहा पञ्चदशभ्यः
 स्वाहा सप्तदशभ्यः स्वाहैकान्न विंशत्यै स्वाहा नवविंशत्यै
 स्वाहैकान्न चत्वारिंशते स्वाहा नवचत्वारिंशते स्वाहैकान्न षष्ठ्यै
 स्वाहा नवषष्ठ्यै स्वाहैकान्ना शीत्यै स्वाहा नवाशीत्यै स्वाहैकान्न
 शताय स्वाहा शताय स्वाहा सर्वस्मै स्वाहा ॥ 42
 (एकस्मै त्रिभ्यः - पञ्चाशत्) (A12)

7.2.13.1

द्वाभ्यां स्वाहा चतुर्भ्यः स्वाहा षड्भ्यः स्वाहा ऽष्टाभ्यः स्वाहा
 दशभ्यः स्वाहा द्वादशभ्यः स्वाहा चतुर्दशभ्यः स्वाहा

षोडश॑भ्यः स्वाहा॑ ऽष्टाद॑शभ्यः स्वाहा॑ वि॒ंश॑त्यै स्वाहा॑ ऽष्टान॑वत्यै
स्वाहा॑ श॒ताय॑ स्वाहा॑ सर्व॑स्मै स्वाहा॑ ॥ 43

(द्वाभ्या॑म॒ष्टान॑वत्यै – षड्वि॒ंश॑तिः) (A13)

7.2.14.1

त्रि॒भ्यः स्वाहा॑ पञ्च॑भ्यः स्वाहा॑ सप्त॑भ्यः स्वाहा॑ नव॑भ्यः स्वाहै॑-
काद॑शभ्यः स्वाहा॑ त्रयो॑दशभ्यः स्वाहा॑ पञ्चद॑शभ्यः स्वाहा॑
सप्त॑दशभ्यः स्वाहै॑कान्न वि॒ंश॑त्यै स्वाहा॑ नववि॒ंश॑त्यै स्वाहै॑कान्न
च॒त्वारि॒ंश॑ते स्वाहा॑ नवच॒त्वारि॒ंश॑ते स्वाहै॑कान्न ष॒ष्ट्यै स्वाहा॑
नवष॒ष्ट्यै स्वाहै॑कान्ना ऽशी॑त्यै स्वाहा॑ नवा॒शीत्यै॑ स्वाहै॑कान्न श॒ताय॑
स्वाहा॑ श॒ताय॑ स्वाहा॑ सर्व॑स्मै स्वाहा॑ ॥ 44

(त्रि॒भ्यो – ऽष्टाच॒त्वारि॒ंश॑त्) (A14)

7.2.15.1

चतु॑र्भ्यः स्वाहा॑ ऽष्टा॑भ्यः स्वाहा॑ द्वाद॑शभ्यः स्वाहा॑ षोड॑शभ्यः स्वाहा॑
वि॒ंश॑त्यै स्वाहा॑ षण्ण॑वत्यै स्वाहा॑ श॒ताय॑ स्वाहा॑ सर्व॑स्मै स्वाहा॑ ॥ 45

(चतु॑र्भ्यः षण्ण॑वत्यै – षोड॑श) (A15)

7.2.16.1

पञ्चभ्यः स्वाहा दशभ्यः स्वाहा पञ्चदशभ्यः स्वाहा विंशत्यै
स्वाहा पञ्चनवत्यै स्वाहा शताय स्वाहा सर्वस्मै स्वाहा ॥ 46

(पञ्चभ्यः पञ्चनवत्यै – चतुर्दश) (A16)

7.2.17.1

दशभ्यः स्वाहा विंशत्यै स्वाहा त्रिंशते स्वाहा चत्वारिंशते
स्वाहा पञ्चाशते स्वाहा षष्ठ्यै स्वाहा सप्तत्यै स्वाहा ऽशीत्यै स्वाहा
नवत्यै स्वाहा शताय स्वाहा सर्वस्मै स्वाहा ॥ 47

(दशभ्यो – द्वाविंशतिः) (A17)

7.2.18.1

विंशत्यै स्वाहा चत्वारिंशते स्वाहा षष्ठ्यै स्वाहा ऽशीत्यै स्वाहा
शताय स्वाहा सर्वस्मै स्वाहा ॥ 48

(विंशत्यै – द्वादश) (A18)

7.2.19.1

पञ्चाशते स्वाहा शताय स्वाहा द्वाभ्यां शताभ्यां स्वाहा
त्रिभ्यः शतेभ्यः स्वाहा चतुर्भ्यः शतेभ्यः स्वाहा पञ्चभ्यः शतेभ्यः

स्वाहा षड्भ्यः शतेभ्यः स्वाहा सप्तभ्यः शतेभ्यः स्वाहा ऽष्टाभ्यः
शतेभ्यः स्वाहा नवभ्यः शतेभ्यः स्वाहा सहस्राय स्वाहा सर्वस्मै
स्वाहा । 49 (पञ्चाशते - द्वात्रिंशत्) (A19)

7.2.20.1

शताय स्वाहा सहस्राय स्वाहा ऽयुताय स्वाहा नियुताय स्वाहा
प्रयुताय स्वाहा ऽर्बुदाय स्वाहा न्यर्बुदाय स्वाहा समुद्राय स्वाहा
मध्याय स्वाहा ऽन्ताय स्वाहा परार्धाय स्वाहोषसे स्वाहा व्युष्ट्यै
स्वाहोदेष्यते स्वाहोद्यते स्वाहोदिताय स्वाहा सुवर्गाय स्वाहा लोकाय
स्वाहा सर्वस्मै स्वाहा । 50

(शताया-ऽष्टात्रिंशत्) (A20)

Prasna Korvai with starting Padams of 1 to 20 Anuvaakams :-

(सा॒ध्याः ष॒ड् रा॒त्रं - कु॒सु॒रु॒बि॒न्दः स॒प्त॒रा॒त्रं - बृ॒ह॒स्प॒ति॒र॒ष्ट॒रा॒त्रं -
प्र॒जा॒प॒ति॒स्ताः क्षु॒ध॒न्न॒व॒रा॒त्रं - प्र॒जा॒प॒ति॒र॒का॒म॒य॒त द॒श॒हो॒ता॒रा॒त्रं - मृ॒त॒व॒
- ऐ॒न्द्र॒वा॒य॒वा॒ग्रा॒न् - गा॒य॒त्रो वै - प्र॒जा॒प॒तिः स द्वा॒द॒श॒रा॒त्र॒न् - न
वा - ए॒क॒स्मा - ए॒क॒स्मै - द्वा॒भ्या॒न् - त्रि॒भ्यः - च॒तु॒र्भ्यः -
प॒ञ्च॒भ्यो - द॒श॒भ्यो - वि॒ंश॒त्यै - प॒ञ्चा॒श॒ते - श॒ता॒य -
वि॒ंश॒तिः)

Korvai with starting Padams of 1, 11, 21 Series of Panchaatis :-

(सा॒ध्या - अ॒स्मा इ॒मे लो॒का - गा॒य॒त्रं - वै तृ॒तीय - मे॒क॒स्मै -
प॒ञ्चा॒श॒त्)

First and Last Padam of Second Prasnam of 7th Kandam

(सा॒ध्याः - स॒र्व॒स्मै स्वा॒हा)

॥ हरिः ओं ॥

॥ कृष्ण यजुर्वेदीय तैत्तिरीय संहितायां सप्तमकाण्डे द्वितीयः प्रश्नः

समाप्तः ॥

ओं नमः परमात्मने, श्री महागणपतये नमः, श्री गुरुभ्यो नमः

हरिः ओं

7.3 सप्तमकाण्डे तृतीयः प्रश्नः – सत्रजातनिरूपणं

7.3.1.1

प्रज॒वं ँ॒वा ए॒तेन॑ य॒न्ति यद्-द॒शम॑म॒हः पा॒पाव॑ही॒यं ँ॒वा ए॒तेन॑ भ॒वन्ति॑
यद्-द॒शम॑म॒हर्षो॑ वै प्रज॒वं ँ॒यता॑म॒पथे॑न प्र॒तिप॑द्यते यः स्था॒णुं ह॑न्ति
यो भ्रे॒षं न्ये॑ति स ही॒यते॑ स यो वै द॒शमे॑ऽह॒न्नवि॑वाक्य उप॒हन्य॑ते स
ही॒यते॑ तस्मै॒ य उप॑ह॒ताय॒ व्याह॑ तमे॒वान्वा॒रभ्य॒ सम॑श्नुतेऽथ
यो व्याह॑ स – [] 1

7.3.1.2

ही॒यते॑ तस्माद्-द॒शमे॑ ऽह॒न्नवि॑वाक्य उप॒हता॑य न व्युच्य॒मथो॑
ख॒ल्वाहु॑र्य॒ज्ञस्य॒ वै समृ॑द्धेन दे॒वाः सु॒वर्गं॑ लो॒कमा॑यन् य॒ज्ञस्य॒
व्यृ॑द्धेनासुरान् पराऽभा॒वय॑न्निति यत् ख॒लु वै य॒ज्ञस्य॒ समृ॑द्धं तद्-
यज॑मानस्य यद्व्यृद्धं तद्भा॒तृव्य॑स्य स यो वै द॒शमे॑ऽह॒न्नवि॑वाक्य
उप॒हन्य॑ते स ए॒वाति॑ रेचयति ते ये बा॒ह्या दृ॒शीक॑वः – [] 2

7.3.1.3

स्यु॒स्ते वि॑ ब्रू॒युर्यदि॑ तत्र॒ न वि॒न्देयु॑रन्तः सद॒साद् व्यु॑च्यं य॒दि तत्र॒ न
वि॒न्देयु॑र्गृ॒हप॑तिना व्यु॑च्यं तद्व्यु॑च्यमे॒वाथ॒ वा ए॒तथ् सर्प॑राज्ञिया
ऋ॒ग्भिः स्तु॑वन्ति॒यं वै सर्प॑तो॒ राज्ञी॒ यद्वा अ॒स्यां किं॑ चार्च॑न्ति
यदा॑नृ॒चुस्ते॒नेय॑र् सर्प॑राज्ञी ते यदे॒व किं॑ च॒ वाचा॑
ऽऽनृ॑चुर्यदतोऽध्यर्चितार – [] 3

7.3.1.4

–स्तदु॑भयमाप्त्वा ऽवरु॑ध्योत् तिष्ठा॑मेति ताभि॑र्मनसा स्तु॑वते न वा
इ॒माम॑श्चरथो नाऽश्च॑तरीरथः सद्यः॑ पर्या॑प्तुमर्हति॒ मनो॒ वा इ॒मा
सद्यः॑ पर्या॑प्तुमर्हति॒ मनः॑ परि॑भवितुमथ ब्र॒ह्म वद॑न्ति परि॑मिता॒ वा
ऋ॒चः परि॑मितानि॒ सामा॑नि परि॑मितानि यजू॑ष्यथै॒तस्यै॒वान्तो॑
नास्ति॒ यद्-ब्र॑ह्म तत् प्रति॑गृणत आ चक्षी॑त स () प्रति॑गरः । 4
(व्या॒ह स – दृ॒शीक॑वो – ऽर्चि॑तारः – स – ए॒कं च॑) (A1)

7.3.2.1

ब्र॒ह्मवा॑दिनो वद॑न्ति किं द्वाद॑शा॒हस्य॑ प्रथ॒मेना॑ह॒र्त्विजां॑ यज॑मानो
वृ॒द्ध इति॑ तेज॒ इन्द्रि॑यमिति॒ किं द्वि॒तीये॒नेति॑ प्रा॒णान॒न्नाद्य॑मिति॒ किं

तृ॒तीये॒नेति॑ त्री॒नि॒मा॒न् लो॒का॒नि॒ति किं॑ च॒तु॒र्थे॒नेति॑ च॒तु॒ष्प॒दः प॒शू॒नि॒ति
किं॑ पञ्च॒मे॒नेति॑ पञ्चाक्ष॒रां प॒ङ्क्ति॒मि॒ति कि॒ञ् ष॒ष्ठे॒नेति॑ षड् ऋ॒तू॒नि॒ति
कि॒ञ् सप्त॒मे॒नेति॑ सप्त॒प॒दा॒ञ् श॒क्व॒री॒मि॒ति – [] 5

7.3.2.2

कि॒म॒ष्ट॒मे॒नेत्य॒ष्टाक्ष॒रां गा॒य॒त्री॒मि॒ति किं॑ न॒व॒मे॒नेति॑ त्रि॒वृ॒त॒ञ् स्तो॒म॒मि॒ति
किं॑ द॒श॒मे॒नेति॑ द॒शाक्ष॒रां वि॒रा॒ज॒मि॒ति कि॒मे॒काद॒शे॒नेत्ये॒काद॒शाक्ष॒रां
त्रि॒ष्टु॒भ॒मि॒ति किं॑ द्वा॒द॒शे॒नेति॑ द्वा॒द॒शाक्ष॒रां ज॒ग॒ती॒मि॒त्ये॒ता॒व॒द्वा अ॒स्ति
या॒व॒दे॒तद्-या॒व॒दे॒वा॒स्ति त॒देषां॑ वृ॒द्धे । 6

(श॒क्व॒री॒मि॒त्ये – क॒च॒त्वा॒रि॒ञ्श॒च्च) (A2)

7.3.3.1

ए॒ष वा आ॒प्तो द्वा॒द॒शा॒हो यत् त्रयो॑द॒शरा॒त्रः स॒मा॒न॒ञ् ह्ये॒तद॒ह॒र्यत्
प्रा॒य॒णी॒यश्चो॒द॒य॒नी॒यश्च त्र्य॒ति॒रा॒त्रो भ॒व॒ति त्रय॑ इ॒मे लो॒का ए॒षां
लो॒का॒ना॒मा॒प्त्यै प्रा॒णो वै प्र॒थ॒मोऽति॒रा॒त्रो व्या॒नो द्वि॒तीयोऽपान॑स्तृ॒तीयः
प्रा॒णा॒पा॒नो-दा॒नेष्वे॒वा॒न्नाद्ये॑ प्र॒ति ति॒ष्ठ॒न्ति स॒र्व॒मा॒यु॒र्य॒न्ति य ए॒वं
वि॒द्वा॒ञ्स-स्त्रयो॑द॒शरा॒त्र-मा॒स॒ते तदा॑हु॒र्वा॒ग्वा ए॒षा वि॒त॒ता – [] 7

7.3.3.2

यद् द्वाद॒शा॒ह॒स्तां॑ वि॒च्छि॒न्द्य॑र्यन्म॒ध्ये ऽति॒रात्रं॑ कुर्यु॒रुप॑दा॒सुका॑
 गृ॒हप॑ते॒र्वा॒ख् स्या॑-दु॒परि॑ष्टा॒च्छन्दो॑मानां॑ म॒हाव्र॑तं कुर्वन्ति॑ सं॒तता॑मे॒व
 वा॒चम॑व रुन्धते॑ऽनु॒पदा॑सुका गृ॒हप॑ते॒र्वाग्-भव॑ति प॒शवो॑ वै छन्दो॑मा
 अ॒न्नं म॒हाव्र॑तं यदु॒परि॑ष्टा॒च्छन्दो॑मानां॑ म॒हाव्र॑तं कुर्वन्ति॑ प॒शुषु॑ चै॒वान्नाद्ये॑
 च प्र॒ति ति॑ष्ठन्ति । 8

(वि॒त॒ता - त्रि॒च॒त्वारि॑ञ्च) (A3)

7.3.4.1

आ॒दि॒त्या अ॒काम॑यन्तो-भयो॑र्लो॒कयो॑र् ऋ॒ध्नुया॑मेति॑ त ए॒तं च॑तु॒र्द॒शरा॑त्र-
 मप॑श्यन् तमा॒ऽह॒रन् ते॑नायजन्त॒ ततो॑ वै त उ॒भयो॑-लो॒कयो॑-
 रा॒ध्नुव॑न्नस्मि॒श्वा-मु॒ष्मिश्च॑ य ए॒वं वि॒द्वा॒स-श्च॑तु॒र्द॒शरा॑त्रमा॒सत॑
 उ॒भयो॑रे॒व लो॒कयो॑र्. ऋ॒ध्नुव॑न्त्यस्मि॒श्वा-मु॒ष्मिश्च॑ चतु॒र्द॒शरा॑त्रो भवति॑
 स॒प्त ग्रा॒म्या ओष॑धयः स॒प्ताऽऽ*र॑ण्या उ॒भयी॑षामव॒रुद्ध्यै॑
 यत् प॒रा॒ची॒नानि॑ पृ॒ष्ठानि॑ - [] 9

7.3.4.2

भवन्त्यमुमेव तैर्लोकमभि जयन्ति यत् प्रतीचीनानि पृष्ठानि भवन्तीममेव
तैर्लोकमभि जयन्ति त्रयस्त्रिंशौ मध्यतः स्तोमौ भवतः साम्राज्यमेव
गच्छन्त्यधिराजौ भवतोऽधिराजा एव समानानां भवन्त्यतिरात्रावभितो
भवतः परिगृहीत्यै । 10

(पृष्ठानि – चतुस्त्रिंशच्च) (A4)

7.3.5.1

प्रजापतिः सुवर्गं लोकमैत् तं देवा अन्वायन् तानादित्याश्च
पशवश्चान्वायन् ते देवा अब्रुवन् यान् पशूनुपाजीविष्म त इमे
ऽन्वाग्मन्निति तेभ्य एतं चतुर्दशरात्रं प्रत्यौहन् त आदित्याः पृष्ठैः
सुवर्गं लोकमाऽरोहन् त्र्यहाभ्यामस्मिन् लोके पशून् प्रत्यौहन्
पृष्ठैरादित्या अमुष्मिन् लोक आर्धुवन् त्र्यहाभ्यामस्मिन् – [] 11

7.3.5.2

लोके पशवो य एवं विद्वांस-श्चतुर्दशरात्रमासत उभयोरेव
लोकयोर् ऋध्नुवन्त्यस्मिञ्शामुष्मिञ्च पृष्ठैरेवाऽमुष्मिन्

लोक ऋध्नुवन्ति त्र्यहाभ्यामस्मिन् लोके ज्योतिर्गौरायुरिति त्र्यहो
भवतीयं वाव ज्योतिरन्तरिक्षं गौरसावायुरिमानेव लोकानभ्यारोहन्ति
यदन्यतः पृष्ठानि स्युर्विविवधः स्यान्मध्ये पृष्ठानि भवन्ति

सविवधत्वायौ - [] 12

7.3.5.3

-जो वै वीर्यं पृष्ठान्योज एव वीर्यं मध्यतो दधते बृहद्-रथन्तराभ्यां
यन्तीयं वाव रथन्तरमसौ बृहदाभ्यामेव यन्त्यथो अनयोरेव प्रति
तिष्ठन्त्येते वै यज्ञस्याञ्जसायनी स्रुती ताभ्यामेव सुवर्गं लोकं यन्ति
पराञ्चो वा एते सुवर्गं लोकमभ्यारोहन्ति ये पराचीनानि
पृष्ठान्युपयन्ति प्रत्यङ् त्र्यहो भवति प्रत्यवरूढ्या अथो प्रतिष्ठित्या ()
उभयोर्लोकयोर् ऋद्ध्वोत् तिष्ठन्ति चतुर्दशैतास्तासां या दश
दशाक्षरा विराडन्नं विराड् विराजैवान्नाद्यमव रुन्धते याश्चतस्रश्चतस्रो
दिशो दिक्ष्वेव प्रति तिष्ठन्त्यतिरात्रावभितो भवतः परिगृहीत्यै । 13

(आध्नुवन् त्र्यहाभ्यामस्मिन् - सविवधत्वाय - प्रतिष्ठित्या -

एकत्रिंशच्च) (A5)

7.3.6.1

इन्द्रो॑ वै स॒दृङ् दे॒वता॑भि॒रासी॑त् स न व्या॒वृत॑मगच्छत् स
 प्र॒जाप॑तिमुपा॒धाव॑त् तस्मा॑ ए॒तं पञ्च॑द॒शरा॑त्रं प्राय॑च्छत् तमा॒ऽहर॑त्
 तेना॑यजत ततो॑ वै सो॒ऽन्या॑भि-दे॒वता॑भि-व्या॒वृत॑मगच्छद्य॒ एवं
 वि॒द्वाँ॒सः पञ्च॑द॒शरा॑त्रमासते व्या॒वृत॑मेव पाप्म॒ना भ्रातृ॑व्येण गच्छन्ति
 ज्योति॑र्गौरा॒युरि॑ति त्र्य॒हो भ॑वती॒यं वा॑व ज्योति॑रन्तरि॒क्षं - [] 14

7.3.6.2

गौर॑सावायु॒रेष्वे॑व लो॒केषु॑ प्रति तिष्ठ॑न्त्यस॒त्रं वा॑ ए॒तद्-यद॑च्छन्दो॒मं
 य॑च्छन्दो॒मा भ॑वन्ति तेन स॒त्रं दे॒वता॑ ए॒व पृ॒ष्ठैर॑व रुन्धते
 प॒शूञ्छ॑न्दो॒मैरो॒जो वै वी॒र्यं॑ पृ॒ष्ठानि॑ प॒शवः॑ छन्दो॒मा ओज॑स्ये॒व वी॒र्यं॑
 प॒शुषु॑ प्रति तिष्ठ॑न्ति पञ्च॑द॒शरा॑त्रो भवति पञ्च॑द॒शो वज्रो॑ वज्र॒मेव
 भ्रातृ॑व्येभ्यः प्र हर॑न्त्यतिरा॒त्राव॑भितो भवत इन्द्रि॑यस्य ()
 परि॑गृहीत्यै । 15 (अ॒न्तरि॑क्ष - मिन्द्रि॑यस्यै - कञ्च) (A6)

7.3.7.1

इन्द्रो॑ वै शि॒थिल॑ इ॒वाऽप्र॑तिष्ठित आसी॑त् सोऽसु॑रेभ्योऽबि॒भेथ् स
 प्र॒जाप॑तिमुपा॒ऽधाव॑त् तस्मा॑ ए॒तं पञ्च॑द॒शरा॑त्रं वज्रं॑ प्राय॑च्छत्

तेनासुरान् पराभाव्य विजित्य श्रियमगच्छदग्निष्टुता पाप्मानं निरदहत
 पञ्चदशरात्रेणौजो बलमिन्द्रियं वीर्यमात्मन्नधत्त य एवं विद्वांसः
 पञ्चदशरात्रमासते भ्रातृव्यानेव पराभाव्य विजित्य श्रियं
 गच्छन्त्यग्निष्टुता पाप्मानं नि - [] 16

7.3.7.2

र्दहन्ते पञ्चदशरात्रेणौजो बलमिन्द्रियं वीर्यमात्मन् दधत् एता एव
 पशव्याः पञ्चदश वा अर्धमासस्य रात्रयोऽर्धमासशः सँवथ्सर
 आप्यते सँवथ्सरं पशवोऽनु प्र जायन्ते तस्मात् पशव्या एता एव
 सुवर्ग्याः पञ्चदश वा अर्धमासस्य रात्रयोऽर्धमासशः सँवथ्सर
 आप्यते सँवथ्सरः सुवर्गो लोकस्तस्मात् सुवर्ग्या ज्योतिर्गौरायुरिति
 त्र्यहो भवतीयं वाव ज्योतिरन्तरिक्षं - [] 17

7.3.7.3

गौरसावायुरिमानेव लोकानभ्यारोहन्ति यदन्यतः पृष्ठानि स्युर्विविवधः
 स्यान्मद्ध्ये पृष्ठानि भवन्ति सविवधत्वायौजो वै वीर्यं पृष्ठान्योज एव
 वीर्यं मध्यतो दधते बृहद्-रथन्तराभ्यां यन्तीयं वाव रथन्तरमसौ

बृ॒हदा॒भ्यामे॒व य॒न्त्यथो॑ अनयो॑रे॒व प्रति॑ तिष्ठन्त्ये॒ते वै य॒ज्ञस्याञ्ज॑साय॒नी
स्रु॒ती ताभ्यामे॒व सु॒वर्गं॑ लो॒कं - [] 18

7.3.7.4

य॑न्ति॒ पराञ्चो॑ वा ए॒ते सु॒वर्गं॑ लो॒कमभ्या॑रोहन्ति॒ ये परा॑ची॒नानि॑
पृ॒ष्ठान्युप॑यन्ति॒ प्रत्यङ् न्यहो॑ भवति॒ प्रत्यव॑रूढ्या॒ अथो॑ प्रतिष्ठित्या॒
उभयो॑र्लो॒कयोर् ऋ॒द्ध्वोत् तिष्ठ॑न्ति॒ पञ्चद॑शै॒तास्ता॑सां॒ या द॑श
द॒शाक्ष॑रा वि॒राडन्नं॑ वि॒राड् वि॒राजै॑वान्नाद्यम॒व रु॑न्धते॒ याः पञ्च॑ पञ्च
दि॒शो दि॒क्ष्वे॒व प्रति॑ तिष्ठन्त्यति॒रात्रा॒वभितो॑ भवत॒ इन्द्रि॑यस्य॒ वीर्य॑स्य
प्र॒जायै॑ () प॒शूनां॑ परिगृहीत्यै । 19 (गच्छन्त्यग्निष्टुता॑ पाप्मानं॒ नि -
रन्तरि॑क्षं - लो॒कं - प्र॒जायै॑ - द्वे च) (A7)

7.3.8.1

प्र॒जाप॑ति-र॒काम॑यतान्नादः॒ स्यामि॑ति॒ स ए॒तञ् सप्त॑द॒शरा॒त्र-म॑पश्यत्
तमाऽह॑रत् तेना॒यज॑त॒ ततो॑ वै सोऽन्नादोऽभव॑द्य॒ एवं वि॒द्वाञ्सः॑
सप्त॑द॒श-रा॒त्रमा॑सते॒ ऽन्ना॑दा ए॒व भव॑न्ति॒ पञ्चा॑हो भवति॒ पञ्च॑ वा

ऋ॒तवः॑ सँ॒व॒त्स॒र ऋ॒तु॒ष्वे॒व सँ॒व॒त्स॒रे प्र॒ति ति॒ष्ठन्त्य॒थो प॒ञ्चाक्ष॑रा
प॒ङ्क्तिः॑ पा॒ङ्क्तो य॒ज्ञो य॒ज्ञमे॒वाऽव॑ रु॒न्धते॑ ऽस॒त्रं वा॑ ए॒त- [] 20

7.3.8.2

-द्यद॑छ॒न्दोमं॑ यँ॒च्छ॒न्दो॒मा भ॑वन्ति तेन॑ स॒त्रं दे॒वता॑ ए॒व पृ॒ष्ठैर॑व
रु॒न्धते॑ प॒शूञ्छ॒न्दोमै॒रोजो॑ वै वी॒र्यं॑ पृ॒ष्ठानि॑ प॒शवः॑ छ॒न्दो॒मा ओ॒जस्ये॑व
वी॒र्यं॑ प॒शुषु॑ प्र॒ति ति॒ष्ठन्ति॑ स॒प्तद॒शरा॒त्रो भ॑वति स॒प्तद॒शः प्र॒जाप॑तिः
प्र॒जाप॑ते॒राप्त्या॑ अ॒तिरा॒त्राव॑भि॒तो भ॑वतो॒ऽन्नाद्य॑स्य॒ परि॑गृही॒त्यै । 21

(ए॒तत् - स॒प्तत्रिं॑श॒च्च) (A8)

7.3.9.1

सा वि॒राड् वि॒क्रम्या॑ति॒ष्ठद्-ब्र॑ह्म॒णा दे॒वेष्व॑न्ने॒ना-सु॑रेषु॒ ते दे॒वा
अ॒काम॑यन्तो॒भय॑ञ् सं वृ॒ज्जीम॑हि ब्र॒ह्म चा॒न्नं चे॒ति त ए॒ता
वि॒ंशति॑ञ् रा॒त्रीर॑पश्यन् ततो॑ वै त उ॒भय॑ञ् स॒मवृ॑ज्जत ब्र॒ह्म
चा॒न्नं च॑ ब्र॒ह्मव॑र्च॒सिनो॑ऽन्ना॒दा अ॒भवन्॑ य ए॒वं वि॒द्वाञ्स॑ ए॒ता
आ॒सत॑ उ॒भय॑मे॒व सँ वृ॑ज्जते ब्र॒ह्म चा॒न्नं च॑ - [] 22

7.3.9.2

ब्रह्मवर्चसिनोऽन्नादा भवन्ति द्वे वा एते विराजौ तयोरेव नाना प्रति
 तिष्ठन्ति वि॒शो वै पु॒रुषो द॒श ह॒स्त्या अ॒ङ्गुल॒यो द॒श प॒द्या या॒वाने॒व
 पु॒रुष॒स्तमा॒प्त्वोत् तिष्ठन्ति ज्योतिर्गौरायुरिति त्र्यहा भवन्तीयं वाव
 ज्योतिरन्तरिक्षं गौरसावायुरिमानेव लोका-नभ्यारोहन्त्यभिपूर्वं
 त्र्यहा भवन्त्यभिपूर्वमेव सुवर्गं - [] 23

7.3.9.3

लोकमभ्यारोहन्ति यदन्यतः पृष्ठानि स्युर्विविवधः स्यान्मध्ये
 पृष्ठानि भवन्ति सविवधत्वायौजो वै वीर्यं पृष्ठान्योज एव वीर्यं
 मध्यतो दधते बृहद्-रथन्तराभ्यां यन्तीयं वाव रथन्तरमसौ
 बृहदाभ्यामेव यन्त्यथो अनयोरेव प्रति तिष्ठन्त्येते वै
 यज्ञस्याञ्जसायनी स्मृती ताभ्यामेव सुवर्गं लोकं यन्ति पराञ्चो वा
 एते सुवर्गं () लोकमभ्यारोहन्ति ये पराचीनानि पृष्ठान्युपयन्ति
 प्रत्यङ् त्र्यहो भवति प्रत्यवरूढ्या अथो प्रतिष्ठित्या उभयोर्लोकयार्
 ऋद्ध्वोत् तिष्ठन्त्यतिरात्रावभितो भवतो ब्रह्मवर्चस-स्यान्नाद्यस्य

परिगृहीत्यै । 24 (वृज्जते ब्रह्म चां नं च - सुवर्ग - मेते सुवर्ग
- त्रयोविंशतिश्च) (A9)

7.3.10.1

असावादित्योऽस्मिन् लोक आसीत् तं देवाः पृष्ठैः परिगृह्य सुवर्गं
लोकमगमयन् परैरवस्तात् पर्यगृह्णन् दिवाकीर्त्येन सुवर्गे लोके
प्रत्यस्थापयन् परैः परस्तात् पर्यगृह्णन् पृष्ठैरुपावारोहन्त्स वा
असावादित्योऽमुष्मिन् लोके परैरुभयतः परिगृहीतो यत् पृष्ठानि
भवन्ति सुवर्गमेव तैर्लोकं यजमाना यन्ति परैरवस्तात् परि गृह्णन्ति
दिवाकीर्त्येन - [] 25

7.3.10.2

सुवर्गे लोके प्रति तिष्ठन्ति परैः परस्तात् परि गृह्णन्ति पृष्ठैरुपावारोहन्ति
यत् परे परस्तान्न स्युः पराञ्चः सुवर्गा-ल्लोकान्निष्पद्येरन्
यदवस्तान्न स्युः प्रजा निर्दहेयुरभितो दिवाकीर्त्यं परःसामानो भवन्ति
सुवर्ग एवैनां लोक उभयतः परि गृह्णन्ति यजमाना वै दिवाकीर्त्यं

सँव॒थ्स॒रः॑ प॒रः॑सा॒मानो॑ऽभि॒तो दि॒वाकी॑र्त्यं प॒रः॑सा॒मानो॑ भवन्ति

सँव॒थ्स॒र ए॒वोभ॑यतः – [] 26

7.3.10.3

प्र॒ति ति॑ष्ठन्ति पृ॒ष्ठं वै दि॒वाकी॑र्त्यं पा॒र्श्वे प॒रः॑सा॒मानो॑ ऽभि॒तो
दि॒वाकी॑र्त्यं प॒रः॑सा॒मानो॑ भवन्ति तस्मा॑द॒भितः॑ पृ॒ष्ठं पा॒र्श्वे
भूयि॑ष्ठा ग॒हा गृ॑ह्यन्ते भूयि॑ष्ठं श॒स्यते॑ य॒ज्ञस्यै॒व तन्म॑ध्यतो
ग्र॒न्थिं ग्र॑थ्नन्त्यवि॒स्रं सा॒य स॒प्त गृ॑ह्यन्ते स॒प्त वै शी॑र्ष॒ण्याः॑
प्रा॒णाः प्रा॒णाने॒व यज॑मानेषु दधति यत् प॒रा॒चीना॑नि पृ॒ष्ठानि॑
भव॑न्त्यमु॒मेव तै॒र्लो॒कम॑भ्यारोहन्ति यदि॒मं लो॒कं न – [] 27

7.3.10.4

प्र॒त्यव॑-रोहे॒युरु॒द्वा मा॒द्यैर्य॑ज॒मानाः॑ प्र वा मी॒येरन् यत् प्र॒ती॒चीना॑नि
पृ॒ष्ठानि॑ भव॑न्तीममे॒व तैर्लो॒कं प्र॒त्यव॑रोहन्त्यथो अ॒स्मिन्ने॒व लो॒के प्र॒ति
ति॑ष्ठन्त्यनु॒न्मादा॑येन्द्रो वा अ॒प्रति॑ष्ठित आसी॒त् स प्र॒जाप॑ति-मु॒पाधा॑वत्
तस्मा॑ ए॒तमे॑कवि॒ंशति॑रात्रं प्रायच्छत् तमा॑ऽह॒रत् तेना॑यजत ततो॒ वै स
प्र॒त्यति॑ष्ठद्ये बहु॒याजिनो॑ ऽप्रति॑ष्ठिताः – [] 28

7.3.10.5

स्यु॒स्त॒ एक॑वि॒ंश॑ति-रा॒त्रमा॑सी॒रन् द्वा॑द॒श मा॑साः पञ्च॒र्तव॑स्त्रय॒ इमे॑
लो॒का अ॑सा॒वादि॑त्य॒ एक॑वि॒ंश ए॒ताव॑न्तो॒ वै दे॒वलो॑कास्तेष्वे॒व यथा॑
पूर्व॑ं प्र॒ति ति॑ष्ठन्त्य॒सावा॑दित्यो॒ न व्य॑रोच॒त स प्र॑जाप॒तिमु॑पा॒धाव॑त्
तस्मा॑ ए॒तमे॑कवि॒ंशति॑रा॒त्रं प्रा॑यच्छत् तमाऽह॒रत् तेना॑यज॒त ततो॑ वै
सो ऽरो॑च॒त य एवं॑ वि॒द्वाँस॑ एक॑वि॒ंशति॑रा॒त्रमा॑सते () रोच॑न्त
ए॒वैक॑वि॒ंशति॑रा॒त्रो भ॑वति रुग्वा॒ एक॑वि॒ंशो रुच॑मे॒व ग॑च्छन्त्यथो॑
प्रति॑ष्ठामे॒व प्रति॑ष्ठा ह्ये॒कवि॒ंशो ऽति॑रा॒त्राव॑भितो॒ भवतो॑ ब्रह्मवर्च॒सस्य॑
परि॑गृहीत्यै । 29

(गृ॒ह्णन्ति॑ दि॒वाकी॑र्त्ये॒नै - वो॒भय॑तो - ना - प्र॒ति॑ष्ठि॒ता - आ॑स॒त -
ए॒कवि॒ंशति॑श्च) (A10)

7.3.11.1

अ॒र्वाङ् य॒ज्ञः सं॑ क्रा॒मत्व॑मुष्मा॒दधि॑ मा॒मभि॑ । ऋ॒षीणां॑ यः पु॒रोहि॑तः ।
नि॒र्दे॒वं नि॒र्वी॒रं कृ॒त्वा वि॑ष्क॒न्धं तस्मिन्॑ ही॒यतां॑ योऽस्मा॑न् द्वेष्टि॑ ।
शरी॑रं य॒ज्ञश॑म॒लं कु॒सीदं॑ तस्मिन्त्सी॒दतु॑ योऽस्मा॑न् द्वेष्टि॑ ।

य॒ज्ञ॑ य॒ज्ञ॒स्य॒ यत् ते॒ज॒स्तेन॒ संक्राम॑ माम॒भि ।
 ब्रा॒ह्म॒णानृ॒त्विजो॑ दे॒वान् य॒ज्ञ॒स्य॒ तप॒सा ते स॒वा॒ह॒मा हु॒वे ।
 इ॒ष्टेन॑ प॒क्वमु॑प – [] 30

7.3.11.2

ते हु॒वे स॒वा॒हं । सं ते॒ वृ॒ज्जे सु॒कृ॒तꣳ सं प्र॒जां प॒शून् ।
 प्रै॒षान्त्-सा॒मिधे॒नी-रा॒घा॒रावा॒ज्यभा॒गावा-श्रु॒तं प्र॒त्याश्रु॒त॒मा शृ॑णामि ते ।
 प्र॒या॒जा॒नू॒या॒जान्त्-स्वि॒ष्टकृ॒त-मि॒डामा॑शिष आ वृ॒ज्जे सु॒वः ।
 अ॒ग्नि॒नेन्द्रे॑ण सो॒मेन॒ सर॒स्व॒त्या वि॒ष्णु॒ना दे॒वता॑भिः ।
 या॒ज्यानु॒वाक्या॑भ्यामु॒प ते हु॒वे स॒वा॒हं य॒ज्ञ॒मा द॑दे ते व॒षट्कृ॑तं ।
 स्तु॒तꣳ श॒स्त्रं प्र॑ति॒गरं ग्र॒हमि॒डामा॑शिष – [] 31

7.3.11.3

आ वृ॒ज्जे सु॒वः । प॒त्नीसँ॑या॒जानु॑प ते हु॒वे स॒वा॒हꣳ स॒मिष्ट॑य॒जुरा
 द॑दे तव । प॒शून्त्-सु॒तं पु॒रोडा॑शान्त्-स॒वनान्यो॑त य॒ज्ञं ।
 दे॒वान्त्-से॒न्द्रानु॑प ते हु॒वे स॒वा॒ह-म॒ग्निमु॑खान्त्-सो॒मव॑तो ये च
 वि॒श्वे ॥ 32 (उ॒प – ग्र॒हमि॒डामा॑शिषो – द्वा॒त्रिंश॑च्च) (A11)

7.3.12.1

भू॒तं भ॒व्यं भ॒विष्य॑द्व॒षट्थ् स्वाहा॑ नम॒ ऋ॒ख् साम॑ यजुर्व॒षट्थ् स्वाहा॑
 नमो॑ गा॒य॒त्री त्रि॒ष्टुब् जग॑ती व॒षट्थ् स्वाहा॑ नमः॑ पृ॒थि॒व्यन्तरि॑क्षं
 द्यौ॑ व॒षट्थ् स्वाहा॑ नमो॑ ऽग्नि॒र्वायुः॑ सूर्यो॑ व॒षट्थ् स्वाहा॑ नमः॑ प्रा॒णो-
 व्या॒नो-ऽपा॒नो व॒षट्थ् स्वाहा॑ नमो॑ ऽन्नं॑ कृ॒षि-वृ॒ष्टि-व॒षट्थ् स्वाहा॑
 नमः॑ पि॒तापु॒त्रः पौ॒त्रो व॒षट्थ् स्वाहा॑ नमो॑ भू॒र्भुवः॑ () सु॒व व॒षट्थ्
 स्वाहा॑ नमः॑ । 33 (भुव - श्र॒त्वारि॑ च) (A12)

7.3.13.1

आ मे॑ गृ॒हा भ॒वन्त्वा प्र॒जा म॒ आ मा॑ य॒ज्ञो वि॒शतु॑ वी॒र्या॑वान् ।
 आपो॑ दे॒वीर्य॑ज्ञि॒या माऽऽवि॑शन्तु॒ सह॑स्रस्य मा भू॒मा मा प्र॑ हा॒सीत् ।
 आ मे॑ ग्र॒हो भ॒वत्वा पु॒रोरु॑ख् स्तु॒तश॑स्त्रे मा वि॒शता॑ समी॒ची॑ ।
 आ॒दि॒त्या रु॒द्रा व॑सवो मे॑ स॒दस्याः॑ सह॑स्रस्य मा भू॒मा मा प्र॑ हा॒सीत् ।
 आ मा॑ऽग्नि॒ष्टोमो॑ वि॒शतू॑ () कथ्य॑श्चाति॒रात्रो॑ माऽऽ वि॒शत्वा॑पि॒शर्व॑रः ।
 ति॒रो अ॒हि॒या मा॑ सु॒हुता॑ आ वि॒शन्तु॑ सह॑स्रस्य मा भू॒मा मा प्र॑
 हा॒सीत् । 34 (अ॒ग्नि॒ष्टोमो॑ वि॒शत्त्व - षा॑दश च) (A13)

7.3.14.1

अ॒ग्निना॒ तपोऽ॒न्व॒भवद्-वा॒चा ब्र॒ह्म म॒णिना॑ रू॒पाणीन्द्रे॑ण दे॒वान् वा॒तेन॑
 प्रा॒णान्त् सूर्ये॑ण द्वां च॒न्द्रम॒सा नक्ष॑त्राणि यमे॒न पि॒तृन् रा॒ज्ञा म॒नुष्या॑न्
 फ॒लेन॑ नादे॒यानज॑गरेण सर्पा॒न् व्याघ्रे॑णाऽऽ*र॒ण्यान् प॒शूञ्छ्ये॒नेन॑
 प॒त॒त्रिणो॑ वृ॒ष्णाऽश्वा॑नृष॒भेण॑ गा ब॒स्तेना॒जा वृ॒ष्णिनाऽवी॑र्व्रीहि॒णाऽन्ना॑नि
 यवे॒नौष॑धीर्न्य॒ग्रोधे॑न व॒नस्प॑तीनु॒दुंब॑रेणोर्जं गाय॒त्रिया॑ छ॒न्दा॒सि त्रि॒वृता॑
 स्तो॒मान् ब्रा॒ह्मणे॑न () वाचं॑ । 35

(ब्रा॒ह्मणे॑नै - कं च) (A14)

7.3.15.1

स्वा॒हाऽऽधि॑माधी॒ताय॑ स्वा॒हा स्वा॒हाऽऽधी॑तं म॒नसे॑ स्वा॒हा स्वा॒हा म॒नः
 प्र॒जाप॑तये स्वा॒हा का॒य स्वा॒हा क॒स्मै स्वा॒हा क॒तम॑स्मै स्वा॒हा ऽदि॑त्यै
 स्वा॒हा ऽदि॑त्यै म॒ह्यै स्वा॒हाऽदि॑त्यै सु॒मृ॒डीका॑यै स्वा॒हा सर॑स्वत्यै स्वा॒हा
 सर॑स्वत्यै बृ॒हत्यै॑ स्वा॒हा सर॑स्वत्यै पा॒वका॑यै स्वा॒हा पू॒ष्णो स्वा॒हा
 पू॒ष्णो प्र॑प॒थ्याय॑ स्वा॒हा पू॒ष्णो न॑र॒न्धिषा॑य स्वा॒हा त्वष्ट्रे॑ स्वा॒हा त्वष्ट्रे॑
 तु॒रीपा॑य स्वा॒हा त्वष्ट्रे॑ पु॒रुरू॑पाय स्वा॒हा () वि॒ष्णवे॑ स्वा॒हा

विष्णवे॑ नि॒खुर्य॑पाय॒ स्वाहा॒ विष्णवे॑ नि॒भूय॑पाय॒ स्वाहा॒ सर्व॑स्मै॒ स्वाहा॑ ।

36 (पुरु॒रूपाय॑ स्वाहा – दश॑ च) (A15)

7.3.16.1

द॒द्भ्यः॑ स्वाहा॒ ह॒नू॒भ्या॑ स्वाहा॒ हो॒ष्ठा॒भ्या॑ स्वाहा॒ मु॒खाय॑ स्वाहा॒
ना॒सिका॑भ्या॑ स्वाहा॒ ऽक्षी॑भ्या॑ स्वाहा॒ कर्णा॑भ्या॑ स्वाहा॒
पा॒र इ॒क्षवो॑ऽवा॒र्ये॑भ्यः॒ पक्ष॑म॒भ्यः॑ स्वाहा॒ ऽवा॒र इ॒क्षवः॑ पा॒र्ये॑भ्यः॒
पक्ष॑म॒भ्यः॑ स्वाहा॒ शी॒र्ष्णो॑ स्वाहा॒ भ्रू॒भ्या॑ स्वाहा॒ ल॒ला॒टाय॑ स्वाहा॒
मू॒र्ध्ने॑ स्वाहा॒ म॒स्तिष्काय॑ स्वाहा॒ के॒शे॑भ्यः॒ स्वाहा॒ व॒हाय॑ स्वाहा॒
ग्री॒वाभ्यः॑ स्वाहा॒ स्क॒न्धे॑भ्यः॒ स्वाहा॒ की॒क॒साभ्यः॑ स्वाहा॒ पृ॒ष्ठीभ्यः॑
स्वाहा॒ पा॒ज॒स्याय॑ स्वाहा॒ पा॒र्श्वा॒भ्या॑ स्वाहा– [] 37

7.3.16.2

ऽ॒सा॒भ्या॑ स्वाहा॒ दो॒ष॒भ्या॑ स्वाहा॒ बा॒हु॒भ्या॑ स्वाहा॒
जङ्घा॑भ्या॑ स्वाहा॒ श्रो॒णी॒भ्या॑ स्वाहा॒ हो॒रु॒भ्या॑ स्वाहा॒ ऽष्टी॑व॒द्भ्या॑
स्वाहा॒ जङ्घा॑भ्या॑ स्वाहा॒ भ॒स॒दे॒ स्वाहा॒ शि॒खण्डे॑भ्यः॒ स्वाहा॒
वा॒ल॒धा॒नाय॑ स्वाहा॒ ऽण्डा॑भ्या॑ स्वाहा॒ शो॒पाय॑ स्वाहा॒ रे॒त॒से॒ स्वाहा॒

प्रजा॒भ्यः स्वा॒हा प्र॒जन॒नाय॑ स्वा॒हा प॒द्भ्यः स्वा॒हा श॒फेभ्यः॑ स्वा॒हा
लो॒मभ्यः॑ स्वा॒हा त्व॒चे स्वा॒हा लो॒हि॒ताय॑ स्वा॒हा मा॒ञ्साय॑ स्वा॒हा
स्राव॑भ्यः स्वा॒हा ऽस्थ॑भ्यः स्वा॒हा म॒ज्जभ्यः॑ स्वा॒हा () ऽङ्गे॑भ्यः
स्वा॒हा ऽऽत्म॑ने स्वा॒हा सर्व॑स्मै स्वा॒हा । 38

(पा॒श्चा॒भ्याञ् स्वा॒हा – म॒ज्जभ्यः॑ स्वा॒हा – षट् च॑) (A16)

7.3.17.1

अ॒ञ्ज्ये॒ताय॑ स्वा॒हा ऽज्जि॑स॒क्थाय॑ स्वा॒हा शि॒ति॒पदे॑ स्वा॒हा
शि॒ति॒क॒कु॒दे स्वा॒हा शि॒ति॒र॒न्ध्राय॑ स्वा॒हा शि॒ति॒पृ॒ष्ठाय॑ स्वा॒हा
शि॒त्य॒ञ्साय॑ स्वा॒हा पु॒ष्प॒कर्णाय॑ स्वा॒हा शि॒त्यो॒ष्ठाय॑ स्वा॒हा शि॒ति॒भ्रवे॑
स्वा॒हा शि॒ति॒भ॒सदे॑ स्वा॒हा श्वे॒तानू॑का॒शाय॑ स्वा॒हा ऽज्ज्ये॑ स्वा॒हा
ल॒लामा॑य स्वा॒हा ऽसि॑त॒ज्ञवे॑ स्वा॒हा कृ॒ष्णौ॒ताय॑ स्वा॒हा रो॒हि॒तै॒ताय॑
स्वा॒हा ऽरु॒णै॒ताय॑ स्वा॒हे॒दृ॒शाय॑ स्वा॒हा की॒दृ॒शाय॑ स्वा॒हा
ता॒दृ॒शाय॑ स्वा॒हा स॒दृ॒शाय॑ स्वा॒हा वि॒स॒दृ॒शाय॑ स्वा॒हा
सु॒स॒दृ॒शाय॑ स्वा॒हा रू॒पाय॑ स्वा॒हा () सर्व॑स्मै स्वा॒हा । 39

(रू॒पाय॑ स्वा॒हा – द्वे च॑) (A17)

7.3.18.1

कृ॒ष्णाय॑ स्वा॒हा श्वे॒ताय॑ स्वा॒हा पि॒शङ्गा॑य॒ स्वाहा॑ सा॒रङ्गा॑य॒ स्वाहा॑
 ऽरु॒णाय॑ स्वा॒हा गौ॒राय॑ स्वा॒हा ब॒भ्रवे॑ स्वा॒हा न॒कुला॑य॒ स्वाहा॑ रो॒हिता॑य॒
 स्वा॒हा शो॒णाय॑ स्वा॒हा श्या॒वाय॑ स्वा॒हा श्या॒माय॑ स्वा॒हा पा॒कला॑य॒
 स्वा॒हा सु॒रूपा॑य॒ स्वाहा॑ ऽनु॒रूपा॑य॒ स्वाहा॑ वि॒रूपा॑य॒ स्वाहा॑ स॒रूपा॑य॒
 स्वा॒हा प्र॒तिरू॑पाय॒ स्वाहा॑ श॒बला॑य॒ स्वाहा॑ क॒मला॑य॒ स्वाहा॑ पृ॒श्नये॑
 स्वा॒हा पृ॒श्नि॒सक्था॑य॒ स्वाहा॑ सर्व॒स्मै स्वा॒हा ॥ 40

(कृ॒ष्णाय॑ - षट्च॒त्वारि॑ंशत्) (A18)

7.3.19.1

ओ॒षधी॑भ्यः स्वा॒हा मू॒लेभ्यः॑ स्वा॒हा तू॒लेभ्यः॑ स्वा॒हा का॒ण्डेभ्यः॑
 स्वा॒हा वल्शे॑भ्यः स्वा॒हा पु॒ष्पेभ्यः॑ स्वा॒हा फ॒लेभ्यः॑ स्वा॒हा गृ॒हीते॑भ्यः
 स्वा॒हा ऽगृ॒हीते॑भ्यः स्वा॒हा ऽव॒पन्ने॑भ्यः स्वा॒हा श्या॒नेभ्यः॑ स्वा॒हा
 सर्व॒स्मै स्वा॒हा ॥ 41

(ओ॒षधी॑भ्य - श्व॒तुर्वि॑ंशतिः) (A19)

7.3.20.1

वनस्पतिभ्यः स्वाहा मूलेभ्यः स्वाहा तूलेभ्यः स्वाहा स्कन्धोभ्यः
 स्वाहा शाखाभ्यः स्वाहा पर्णेभ्यः स्वाहा पुष्पेभ्यः स्वाहा फलेभ्यः
 स्वाहा गृहीतेभ्यः स्वाहा ऽगृहीतेभ्यः स्वाहा ऽवपन्नेभ्यः स्वाहा
 शयानेभ्यः स्वाहा शिष्टाय स्वाहा ऽतिशिष्टाय स्वाहा परिशिष्टाय
 स्वाहा सञ्शिष्टाय स्वाहो -च्छिष्टाय स्वाहा रिक्ताय स्वाहा ऽरिक्ताय
 स्वाहा प्ररिक्ताय स्वाहा सञ्रिक्ताय स्वाहो -द्रिक्ताय स्वाहा सर्वस्मै
 स्वाहा । 42 (वनस्पतिभ्यः - षट् चत्वारिंशत्) (A20)

Prasna Korvai with starting Padams of 1 to 20 Anuvaakams :-

(प्रजवं - ब्रह्मवादिनः कि - मेष वा आप्त - आदित्या उभयोः -
 प्रजापतिरन्वाय - त्रिन्द्रो वै सदृङ् - त्रिन्द्रो वै शिथिलः -
 प्रजापतिरकामयता ऽन्नादः - सा विराड् - सावादित्यो - ऽर्वाङ् -
 भूत - मा मे - ऽग्निना - स्वाहा ऽऽधिन् - दद्भ्योऽ - ञ्ज्येताय -
 कृष्णा - यौषधीभ्यो - वनस्पतिभ्यो - विंशतिः)

Korvai with starting Padams of 1, 11, 21 Series of Panchaatis :-

(प्र॒ज॒वं॑ – प्र॒जा॒प॒ति॑ – र्यद॑छन्दो॒मं॑ – ते॑ हु॒वे स॒वाऽह॑ – मो॒ष॒धी॒भ्यो॑
– द्वि॒च॒त्वा॒रि॒ंश॒त्)

First and Last Padam of Third Prasnam of 7th Kandam

(प्र॒ज॒व॒ꣳ – स॒र्व॒स्मै॑ स्वा॒हा॑)

॥ हरिः॑ ओं ॥

॥ कृष्ण यजुर्वेदीय तैत्तिरीय संहितायां सप्तमकाण्डे तृतीयः प्रश्नः

समाप्तः ॥

ओं नमः परमात्मने, श्री महागणपतये नमः, श्री गुरुभ्यो नमः

हरिः ओं

7.4 सप्तमकाण्डे चतुर्थः प्रश्नः – सत्रकर्मनिरूपणं

7.4.1.1

बृहस्पतिरकामयत् श्रन्मे देवा दधीरन् गच्छेयं पुरोधामिति स
एतं चतुर्विंशतिरात्रमपश्यत् तमाऽहरत् तेनायजत ततो वै तस्मै
श्रद्देवा अदधतागच्छत् पुरोधां य एवं विद्वांसश्चतुर्विंशतिरात्रमासते
श्रद्देभ्यो मनुष्या दधते गच्छन्ति पुरोधां ज्योतिर्गौरायुरिति त्र्यहा
भवन्तीयं वाव ज्योतिरन्तरिक्षं गौरसावायु – [] 1

7.4.1.2

रिमानेव लोकानभ्यारोहन्त्यभि पूर्वं त्र्यहा भवन्त्यभिपूर्वमेव सुवर्गं
लोकमभ्यारोहन्त्यसत्रं वा एतद्-यदच्छन्दोमं यच्छन्दोमा भवन्ति तेन
सत्रं देवता एव पृष्ठैरव रुन्धते पशूञ्छन्दोमैरोजो वै वीर्यं पृष्ठानि
पशवः छन्दोमा ओजस्येव वीर्यं पशुषु प्रति तिष्ठन्ति बृहद्-
रथन्तराभ्यां यन्तीयं वाव रथन्तरमसौ बृहदाभ्यामेव – [] 2

7.4.1.3

यन्त्यथो॑ अनयो॑रेव॒ प्रति॑ तिष्ठन्त्येते॒ वै य॒ज्ञस्याञ्ज॑सायनी॒ सु॒ती
ताभ्यामे॒व सु॒वर्गं॑ लो॒कं य॑न्ति चतुर्विं॒शति॑रात्रो भवति
चतुर्विं॒शति॑रर्धमासाः सँव॑त्सरः सँव॑त्सरः सु॒वर्गो लो॒कः
सँव॑त्सर ए॒व सु॒वर्गे लो॒के प्रति॑ तिष्ठन्त्यथो॑ चतुर्विं॒शत्य॑क्षरा
गाय॒त्री गाय॒त्री ब्र॒ह्मव॑र्चसं गाय॒त्रियै॒व ब्र॒ह्मव॑र्चसम॒व रु॑न्धते
ऽति॒रात्रा॒वभि॑तो भवतो ब्र॒ह्मव॑र्चसस्य परिगृहीत्यै । 3

(अ॒सावायु॑ - रा॒भ्यामे॒व - पञ्च॑चत्वारिं॒शच्च॑) (A1)

7.4.2.1

यथा॑ वै म॒नुष्या॑ ए॒वं दे॒वा अ॒ग्र आ॒सन् ते॒ऽकाम॑यन्ताव॒र्तिं पा॒प्मानं॑
मृ॒त्युम॑प॒हत्य॑ दै॒वीं स॒ं स॒दं ग॒च्छेमे॒ति त ए॒तं च॑तुर्विं॒शति॑रात्र-
मप॒श्यन् त॒माऽह॑रन् ते॒नाय॑जन्त॒ ततो॒ वै ते॒ऽव॒र्तिं पा॒प्मानं॑ मृ॒त्युम॑प॒हत्य॑
दै॒वीं स॒ं स॒दम॑गच्छन् य ए॒वं वि॒द्वां स॒-श्च॑तुर्विं॒शति॑रात्र-
मा॒सते॒ऽव॒र्तिमे॒व पा॒प्मानं॑-मप॒हत्य॑ श्रियं गच्छन्ति श्रीर्.हि
म॒नुष्य॑स्य - [] 4

7.4.2.2

दैवी स॒स॒ज्ज्योति॑रतिरात्रो भवति सुवर्गस्य लोकस्यानुख्यात्यै
 पृ॒ष्ठयः॑ षड॒हो भवति॑ षड् वा ऋतवः सँव॒थ्स॒रस्तं॑ मा॒सा अ॒र्धमा॒सा
 ऋतवः प्रविश्य दैवीँ स॒स॒सद॑मगच्छन् य एवं वि॒द्वाँस॑-
 श्रु॒र्विँश॑तिरात्रमासते सँव॒थ्स॒रमे॒व प्रविश्य॑ वस्यसीँ स॒स॒सदं॑
 गच्छन्ति त्रयस्त्रयस्त्रिँशा अवस्ताद्-भवन्ति त्रयस्त्रयस्त्रिँशाः
 परस्तात् त्रयस्त्रिँशैरेवोभयतो ऽवर्ति पाप्मानमपहत्य दैवीँ स॒स॒सदं॑
 मध्यतो - [] 5

7.4.2.3

गच्छन्ति पृ॒ष्ठानि॑ हि दैवी स॒स॒सज्जामि॑ वा एतत् कुर्वन्ति यत्
 त्रयस्त्रयस्त्रिँशा अन्वञ्चो मध्येऽनिरुक्तो भवति तेनाजाम्यूर्ध्वानि
 पृ॒ष्ठानि॑ भवन्त्यूर्ध्वाः छन्दोमा उभाभ्याँ रूपाभ्याँ सुवर्गं लो॒कं
 यन्त्यस॒त्रं वा॑ एतद्-यदछन्दोमं यच्छन्दोमा भवन्ति तेन स॒त्रं दे॒वता॑
 ए॒व पृ॒ष्ठैर॒व रु॒न्धते॑ प॒शूञ्छ॒न्दोमै॒रोजो॑ वै वी॒र्यं॑ पृ॒ष्ठानि॑ प॒शवः॑- [] 6

7.4.2.4

छन्दो॑ मा ओज॑स्ये॒व वी॒र्ये॑ प॒शुषु॑ प्र॒ति ति॑ष्ठन्ति॒ त्रय॑स्त्रयस्त्रि॒ंशा
 अव॑स्ताद्-भवन्ति॒ त्रय॑स्त्रयस्त्रि॒ंशाः पर॑स्तान्मध्ये॒ पृ॒ष्ठान्यु॒रो वै
 त्रय॑स्त्रि॒ंशा आ॒त्मा पृ॒ष्ठान्या॒त्मन॑ ए॒व तद्-य॑ज॒मानाः॑ शर्म
 न॒ह्यन्ते॑ऽना॒र्त्ये बृ॒हद्-र॑थन्तराभ्यां॑ य॒न्तीयं॑ वा॒व र॑थन्तरमसौ
 बृ॒हदा॑भ्यामे॒व य॒न्त्यथो॑ अनयो॒रेव॑ प्र॒ति ति॑ष्ठन्त्येते॒ वै
 य॒ज्ञस्या॑ञ्ज॒साय॑नी सु॒ती ता॑भ्यामे॒व - [] 7

7.4.2.5

सु॒वर्गं लो॑कं य॒न्ति परा॑ञ्चो॒ वा ए॒ते सु॒वर्गं लो॑कमभ्यारोहन्ति
 ये परा॑चीनानि पृ॒ष्ठान्यु॒पय॑न्ति प्र॒त्यङ् ष॒डहो॑ भ॒वति प्र॒त्यव॑रूढ्या अथो
 प्र॒तिष्ठि॑त्या उ॒भयो॑र्लो॒कयो॑र् ऋ॒द्ध्वोत् ति॑ष्ठन्ति त्रि॒वृतो॑ऽधि त्रि॒वृत॑मु॒प
 य॑न्ति स्तो॒माना॑ सं॒पत्त्यै॑ प्र॒भवा॑य ज्योति॒रग्नि॑ष्टोमो भ॒वत्य॑यं वा॒व स
 क्षयो॑ऽस्मादे॒व तेन॑ क्षयान्न॒ यन्ति॑ चतुर्वि॒ंशति॑रात्रो भ॒वति
 चतुर्वि॒ंशति॑रर्धमा॒साः सँव॑त्सरः () सँव॑त्सरः सु॒वर्गो लो॑कः
 सँव॑त्सर ए॒व सु॒वर्गे लो॑के प्र॒ति ति॑ष्ठन्त्यथो चतुर्वि॒ंशत्य॑क्षरा गायत्री

गा॒य॒त्री ब्र॑ह्मव॒र्चसं॑ गा॒य॒त्रियै॑व ब्र॑ह्मव॒र्चसम॑व रुन्ध॒ते ऽति॑रात्राव॒भितो॑
भव॒तो ब्र॑ह्मव॒र्चसस्य॑ परिगृही॒त्यै । 8

(म॒नुष्य॑स्य - म॒ध्यतः॑ - प॒श॒व - स्ताभ्या॑मे॒व - सँव॑त्सर -
श्चतुर्विं॑शतिश्च) (A2)

7.4.3.1

ऋ॒क्षा वा इ॒यम॑लो॒मका॑ऽऽसी॒थ् सा॑ऽका॒मय॑तौष॒धीभि॑-र्व॒नस्प॑तिभिः प्र
जा॒येये॑ति सै॒तास्त्रिं॑श॒त् रा॒त्रीर॑पश्यत् ततो॒ वा इ॒यमो॑ष॒धीभि॑-
र्व॒नस्प॑तिभिः प्राजाय॒त ये॑ प्र॒जाका॑माः प॒शुका॑माः स्युस्त ए॒ता
आ॒सीरन्॑ प्रै॒व जा॑यन्ते प्र॒जया॑ प॒शुभि॑रियंँ॒वा अ॑क्षुध्य॒थ् सै॒तां
वि॒राज॑मपश्यत् तामा॒त्मन् धि॒त्वाऽन्ना॑द्यम॒वा रु॒न्धौष॑धी - [] 9

7.4.3.2

-र्व॒नस्प॑तीन् प्र॒जां प॒शून् ते॑नाव॒र्धत॑ सा जे॒मानं॑ म॒हिमा॑न-मगच्छ॒द्य
ए॒वं वि॒द्वाँस॑ ए॒ता आ॑सते वि॒राज॑मे॒वाऽऽ*त्म॑न् धि॒त्वाऽन्ना॑द्यम॒व
रु॒न्धते॑ व॒र्धन्ते॑ प्र॒जया॑ प॒शुभि॑र्जे॒मानं॑ म॒हिमा॑नं गच्छन्ति ज्योति॑रति॒रात्रो॑
भव॑ति सु॒वर्ग॑स्य लो॒कस्या॑नु॒ख्यात्यै॑ पृ॒ष्ठ्यः षड॑हो भव॑ति षड् वा

ऋतवः षट् पृष्ठानि पृष्ठैरेवर्तूनन्वा-रोहन्त्यृतुभिः सँवथ्सरं ते
सँवथ्सर एव - [] 10

7.4.3.3

प्रति तिष्ठन्ति त्रयस्त्रिंशत् त्रयस्त्रिंशमुप यन्ति यज्ञस्य संतत्या
अथो प्रजापतिर्वै त्रयस्त्रिंशः प्रजापतिमेवाऽऽरभन्ते प्रतिष्ठित्यै
त्रिणवो भवति विजित्या एकविंशो भवति प्रतिष्ठित्या अथो
रुचमेवाऽऽत्मन् दधते त्रिवृदग्निष्टुद्-भवति पाप्मानमेव तेन
निर्दहन्तेऽथो तेजो वै त्रिवृत् तेज एवाऽऽत्मन् दधते पञ्चदश
इन्द्रस्तोमो भवतीन्द्रियमेवाव - [] 11

7.4.3.4

रुन्धते सप्तदशो भवत्यन्नाद्यस्या वरुद्ध्या अथो प्रैव तेन जायन्त
एकविंशो भवति प्रतिष्ठित्या अथो रुचमेवाऽऽत्मन् दधते
चतुर्विंशो भवति चतुर्विंशतिरर्धमासाः सँवथ्सरः सँवथ्सरः
सुवर्गो लोकः सँवथ्सर एव सुवर्गे लोके प्रति तिष्ठन्त्यथो एष वै

वि॒षू॒वान् वि॒षू॒वन्तो॑ भवन्ति॒ य ए॒वं वि॒द्वा॒ऽस ए॒ता आ॒सते॑
चतुर्वि॒ंश॒ात् पृ॒ष्ठान्यु॑प॒ यन्ति॑ सँव॒त्सर॒ ए॒व प्र॒ति॒ष्ठाय॑ – [] 12

7.4.3.5

दे॒वता॑ अ॒भ्यारो॑हन्ति॒ त्रय॑स्त्रि॒ंश॒ात् त्रय॑स्त्रि॒ंशमु॑प॒ यन्ति॑ त्रय॑स्त्रि॒ंशद्वै॑
दे॒वता॑ दे॒वता॑स्वे॒व प्र॒ति ति॑ष्ठन्ति॒ त्रि॒णवो॑ भव॒तीमे॑ वै लो॒कास्त्रि॑णव
ए॒ष्वे॒व लो॒केषु॑ प्र॒ति ति॑ष्ठन्ति॒ द्वा॒र्वेक॑वि॒ंशौ भव॑तः॒ प्र॒ति॒ष्ठित्या॑ अथो
रुच॑मे॒वाऽऽ॒त्मन् द॑धते॒ ब॒हवः॑ षोड॒शि॒नो भव॑न्ति॒ तस्मा॑द्-ब॒हवः॑
प्र॒जासु॑ वृ॒षाणो॑ यदे॒ते स्तो॒मा व्य॑तिष॒क्ता भव॑न्ति॒ तस्मा॑दिय –
मोष॑धीभि-र्व॒नस्प॑तिभि-र्व्य॑तिष॒क्ता – [] 13

7.4.3.6

व्य॑तिष॒ज्यन्ते॑ प्र॒जया॑ प॒शुभि॑र्य॒ एवं वि॒द्वा॒ऽस ए॒ता आ॒सते॑ ऽक्लृ॒प्ता
वा ए॒ते सु॒वर्गं॑ लो॒कं य॑न्त्युच्चाव॒चान् हि॑ स्तो॒मानु॑प॒यन्ति॑ यदे॒त
ऊ॒र्ध्वाः क्लृ॒प्ताः स्तो॒मा भव॑न्ति॒ क्लृ॒प्ता ए॒व सु॒वर्गं॑ लो॒कं
य॑न्त्यु॒भयो॑रे॒भ्यो लो॒कयोः॑ कल्प॑ते॒ त्रि॒ंशदे॒तास्त्रि॒ंशद॑क्षरा॒ वि॒राड॑न्नं
वि॒राड् वि॒राजै॑वान्नाद्य॒मव॑ रुन्ध॑ते॒ ऽति॒रात्रा॑व॒भितो॑ भव॒तो ऽन्नाद्य॑स्य

परिगृहीत्यै । 14 (ओषधीः – सँवँथसर एवा – ऽव – प्रतिष्ठाय –
व्यतिषक्त्यै – कान्न पञ्चाशच्च) (A3)

7.4.4.1

प्रजापतिः सुवर्गं लो॒कमै॒त् तं दे॒वा ये॒नये॒न छ॒न्दसा॒ऽनु प्रा॒युज्ज॒त
ते॒न ना॒ऽऽ*प्नु॒वन् त ए॒ता द्वा॒त्रिं॒शत् रा॒त्रीर॒पश्य॑न् द्वा॒त्रिं॒शद॒क्षरा
ऽनु॒ष्टुगा॒-नु॒ष्टुभः॒ प्रजा॑पतिः स्वे॒नैव॒ छ॒न्दसा॒ प्रजा॑पति-मा॒प्त्वा
ऽभ्या॒रुह्य॑ सु॒वर्गं लो॒कमा॒यन् य ए॒वं वि॒द्वाँ॒स ए॒ता आ॒सते
द्वा॒त्रिं॒शदे॒ता द्वा॒त्रिं॒शद॒क्षरा॒ ऽनु॒ष्टुगा॒-नु॒ष्टुभः॒ प्रजा॑पतिः स्वे॒नैव
छ॒न्दसा॒ प्रजा॑पतिमा॒प्त्वा श्रि॒यं ग॒च्छन्ति॒ – [] 15

7.4.4.2

श्री॒र्.हि॑ म॒नुष्य॑स्य सु॒वर्गो लो॒को द्वा॒त्रिं॒शदे॒ता द्वा॒त्रिं॒शद॒क्षरा॒-
ऽनु॒ष्टुग्-वा॒गनु॒ष्टुप् सर्वा॑मे॒व वा॒चमा॒प्नुव॑न्ति॒ सर्वे॑ वा॒चो व॑दि॒तारो॑
भव॑न्ति॒ सर्वे॑ हि श्रि॒यं ग॒च्छन्ति॒ ज्योति॑र्गौरा॒युरि॑ति॒ त्र्यहा॑ भव॒न्तीयं॒
ँवा॒व ज्योति॑रन्त॒रिक्षं॒ गौर॑सावा॒युरि॑माने॒व लो॒कान॒भ्यारो॑हन्त्यभिपूर्व

त्र्य॒हा भ॑वन्त्यभि॒पूर्वमे॒व सु॒वर्गं॑ लो॒कम॒भ्यारो॑हन्ति बृ॒हद्-रथ॑न्तराभ्यां॑
य॒न्ती - [] 16

7.4.4.3

-यं वा॒व रथ॑न्तरमसौ बृ॒हदा॒भ्यामे॒व यन्त्य॑थो॒ अनयो॑रेव प्रति
तिष्ठ॑न्त्येते॒ वै य॒ज्ञस्याञ्ज॑सायनी॒ स्रुती॑ ताभ्यामे॒व सु॒वर्गं॑ लो॒कं य॑न्ति
परा॑ञ्चो॒ वा ए॒ते सु॒वर्गं॑ लो॒कम॒भ्यारो॑हन्ति ये॒ परा॑चस्त्र्यहानुपयन्ति
प्रत्य॑ङ् त्र्यहो॒ भवति॑ प्रत्यवरूढ्या॒ अथो॒ प्रतिष्ठित्या॑ उ॒भयो॑र्लोकयो॑र्
ऋ॒द्ध्वोत् तिष्ठ॑न्ति द्वात्रिं॑शदे॒तास्ता॑सां॒ या स्त्रिं॑शत् त्रिं॑शदक्षरा ()
वि॒राडन्नं॑ वि॒राड् वि॒राजै॒वाऽन्नाद्य॑मव रुन्धते॒ ये द्वे॑ अ॒होरा॑त्रे ए॒व ते
उ॒भाभ्या॑ञ् रू॒पाभ्या॑ञ् सु॒वर्गं॑ लो॒कं य॑न्त्यतिरात्रावभितो॒ भवतः॑
परि॑गृहीत्यै । 17

(गच्छ॑न्ति - य॑न्ति - त्रिं॑शदक्षरा - द्वाविं॑शतिश्च) (A4)

7.4.5.1

द्वे वा॒व दे॒वस॑त्रे द्वा॒दशा॑हश्चै॒व त्रय॑स्त्रिं॑शदहश्च॒ य ए॒वं
वि॒द्वाञ् स॑स्त्रयस्त्रिं॑शदहमासते॒ साक्षा॑दे॒व दे॒वता॑ अ॒भ्यारो॑हन्ति

यथा खलु वै श्रेयानभ्यारूढः कामयते तथा करोति यद्यवविध्यति
पापीयान् भवति यदि नावविध्यति सदृङ् य एवं विद्वाँस्सस्त्रयस्त्रिं-
शदहमासते वि पाप्मना भ्रातृव्येणाऽऽ* वर्तन्ते ऽहर्भाजो वा एता देवा
अग्र आऽहर - [] 18

7.4.5.2

-न्नहरेको ऽभजता-हरेकस्ताभिर्वैते प्रबाहुगार्धुवन् य एवं
विद्वाँस्सस्त्रयस्त्रिंशदहमासते सर्व एव प्रबाहुगृधुवन्ति सर्वे
ग्रामणीयं प्राप्नुवन्ति पञ्चाहा भवन्ति पञ्च वा ऋतवः सँवथ्सर
ऋतुष्वेव सँवथ्सरे प्रति तिष्ठन्त्यथो पञ्चाक्षरा पङ्क्तिः पाङ्क्तो यज्ञो
यज्ञमेवाव रुन्धते त्रीण्यांश्चिनानि भवन्ति त्रय इमे लोका ए- [] 19

7.4.5.3

-ष्वेव लोकेषु प्रति तिष्ठन्त्यथो त्रीणि वै यज्ञस्येन्द्रियाणि तान्येवाव
रुन्धते विश्वजिद्-भवत्यन्नाद्यस्या वरुध्यै सर्वपृष्ठो भवति
सर्वस्याभिजित्यै वाग्वै द्वादशाहो यत् पुरस्ताद् द्वादशाह-मुपेयुरनाप्तां
वाच-मुपेयु-रुपदासुकैषां वाक् स्या-दुपरिष्ठाद् द्वादशाहमुप

यन्त्याप्तामे॒व वाच॑मु॒प॒ यन्ति॑ तस्मा॑-दु॒परि॑ष्ठाद्-वा॒चा व॑दामो

ऽवान्तरं॑ - [] 20

7.4.5.4

वै द॑शरा॒त्रेण॑ प्र॒जाप॑तिः प्र॒जा अ॑सृजत॒ यद्-द॑शरा॒त्रो भ॑वति प्र॒जा
ए॒व तद् य॑जमा॒नाः सृ॑जन्त ए॒ता॒ ह वा उ॑दङ्कः शौ॒ल्बा॒यनः॑
स॒त्रस्य॑र्धिमु॒वाच॑ यद् द॑शरा॒त्रो यद् द॑शरा॒त्रो भ॑वति स॒त्रस्य॑र्ध्या अथो
यदे॒व पूर्वे॑ष्वहः सु॒ विलो॑म क्रियते तस्यै॒वैषा शान्ति॑र्द्व्यनी॒का वा ए॒ता
रा॒त्रयो॑ यजमा॒ना वि॒श्वजि॑त् सहातिरा॒त्रेण॑ पूर्वाः षोड॑श सहा ()
तिरा॒त्रेणो॑त्तराः षोड॑श य एवं वि॒द्वा॒स्सस्त्र॑यस्त्रि॒शद॑हमासत॒ ऐषां॑
द्व्यनी॒का प्र॒जा जा॑यते ऽतिरा॒त्राव॑भितो भवतः परिगृहीत्यै । 21

(अ॒हर- त्रे॑ष्व - वा॒न्तर॑ - षोड॑श सह - स॒प्तद॑श च) (A5)

7.4.6.1

आदि॒त्या अ॑कामयन्त सुवर्गं लो॒कमि॑यामेति ते सुवर्गं लो॒कं न
प्रा॒जा॒नन् सु॒वर्गं लो॒कमा॑यन् त ए॒त॒ षट्त्रि॑शद्ग्रा॒त्र-म॑पश्यन्
तमा॒ऽहर॑न् तेनायजन्त॒ ततो॑ वै ते सुवर्गं लो॒कं प्रा॒जा॒नन् सु॒वर्गं

लोक॑मा॒यन् य॒ एवं वि॒द्वा॒ऽसः॑ षट्त्रि॑ंशद् रा॒त्रमा॑सते सु॒वर्गमे॒व
लोकं॑ प्र जा॒नन्ति सु॒वर्गं लोकं॑ य॒न्ति ज्योति॑रतिरा॒त्रो - [] 22

7.4.6.2

भव॑ति ज्योति॑रे॒व पु॒रस्ता॑द् दध॑ते सु॒वर्गस्य॑ लो॒कस्यानु॑ख्यात्यै षड॑हा
भव॑न्ति षड् वा ऋ॒तव॑ ऋ॒तुष्वे॒व प्रति॑ तिष्ठ॑न्ति च॒त्वारो॑ भव॑न्ति च॒तस्रो॑
दि॒शो दि॒क्ष्वे॒व प्रति॑ तिष्ठ॑न्त्यस॒त्रं वा॑ ए॒तद्-यद॑छन्दो॒मं य॑च्छन्दो॒मा
भव॑न्ति तेन॑ स॒त्रं दे॒वता॑ ए॒व पृ॒ष्ठैर॒व रु॑न्धते प॒शूञ्छन्दो॑मैरो॒जो वै वी॒र्यं॑
पृ॒ष्ठानि॑ प॒शवः॑ छन्दो॒मा ओज॑स्ये॒व - [] 23

7.4.6.3

वी॒र्यं प॒शुषु॑ प्रति॑ तिष्ठ॑न्ति षट्-त्रि॑ंशद् रा॒त्रो भव॑ति षट्त्रि॑ंशदक्षरा
बृ॒हती॑ बा॒र्हताः॑ प॒शवो॑ बृ॒हत्यै॒व प॒शून॒व रु॑न्धते बृ॒हती॑ छन्द॑सा॒ञ्
स्वा॒राज्य॑मा॒श्नुता॑-श्नु॒वते॑ स्वा॒राज्यं॑ य॒ एवं वि॒द्वा॒ऽसः॑ षट्त्रि॑ंशद्
रा॒त्रमा॑सते सु॒वर्गमे॒व लोकं॑ य॒न्त्यति॑रा॒त्राव॒भितो॑ भव॑तः सु॒वर्गस्य॑
लो॒कस्य॑ परि॒गृही॑त्यै । 24

(अ॒ति॒रा॒त्र - ओज॑स्ये॒व - षट्त्रि॑ंशच्च) (A6)

7.4.7.1

वसिष्ठो ह॒तपु॒त्रोऽकाम॑यत वि॒न्देय॑ प्र॒जाम॒भि सौ॑दा॒सान् भवे॑यमि॒ति
स ए॒तमे॑कस्मा-न्नपञ्चा॑श-मपश्य॑त् तमाऽह॑रत् तेनाय॑जत ततो॒ वै
सोऽवि॑न्दत प्र॒जाम॒भि सौ॑दा॒सान् भव॑द्य ए॒वं वि॒द्वाँस॑ एकस्मा -
न्नपञ्चा॑शमासते वि॒न्दन्ते॑ प्र॒जाम॒भि भ्रातृ॑व्यान् भवन्ति
त्रय॑स्त्रिवृ॒तोऽग्नि॑ष्ठोमा भवन्ति वज्र॑स्यैव मुखं॑ स॒ ऽश्य॑न्ति
दश॑ पञ्चद॒शा भव॑न्ति पञ्चद॒शो वज्रो॑ - [] 25

7.4.7.2

वज्र॑मेव भ्रातृ॑व्येभ्यः प्र हर॑न्ति षोड॒शि॒मद्-दश॑ममह-र्भव॑ति
वज्र॑ ए॒व वी॒र्यं॑ दधति द्वाद॒श सप्त॑द॒शा भव॑न्त्यन्नाद्य॒स्या वरु॑द्ध्य
अथो॒ प्रैव॑ तैर्जा॑यन्ते पृ॒ष्ठ्यः षड॒हो भव॑ति षड्वा ऋ॒तवः॑ षट् पृ॒ष्ठानि॑
पृ॒ष्ठैरे॒वर्तून् न्वा॒रोह॑न्त्यृ॒तृभिः॑ सँव॒त्सरं॑ ते सँव॒त्सर॑ ए॒व प्रति॑ तिष्ठन्ति
द्वाद॒शैकवि॑ंशा भवन्ति प्रति॑ष्ठित्या अथो रुच॑मे॒वाऽऽत्म॑न्- [] 26

7.4.7.3

दध॑ते ब॒हवः॑ षोड॒शिनो॑ भवन्ति विजि॑त्यै षडा॒श्विना॑नि भवन्ति षड्वा
ऋ॒तव॑ ऋ॒तुष्वे॒व प्रति॑ तिष्ठन्त्यूनाति॒रिक्ता॑ वा ए॒ता रात्र॑य ऊ॒नास्तद्-

यदे॒कस्यै॑ न पञ्चा॒शद॑-तिरि॒क्तास्तद्-यद्-भूय॑सी-र॒ष्टाच॑त्वारि॒ंशत॑
ऊना॒च्च खलु॑ वा अतिरि॒क्ताच्च॑ प्रजा॒पतिः॑ प्राजायत ये प्रजा॒कामाः॑
पशु॒कामाः॑ स्युस्त ए॒ता आसी॑रन् प्रै॒व जाय॑न्ते प्रजया ()
पशु॒भिर्वैरा॒जो वा ए॒ष यज्ञो॑ यदे॒कस्मा-न्न॑पञ्चा॒शो य एवं॑ वि॒द्वाँस॑
एक॒स्मा-न्न॑पञ्चा॒शमा॑सते वि॒राज॑मे॒व गच्छ॑न्त्यन्ना॒दा भव॑न्त्यति-
रा॒न्नाव॑भितो॒ भवतो॑ऽन्नाद्यस्य परिगृहीत्यै । 27

(वज्र - आत्मन् - प्रजया - द्वाविंशतिश्च) (A7)

7.4.8.1

सँव॑थ्सराय दीक्षिष्यमाणा एकाष्टकायां दीक्षेरन्नेषा वै सँव॑थ्सरस्य
पत्नी यदे॒काष्टकै॑तस्यांँवा ए॒ष ए॒ताँ रात्रिं॑ँवसति साक्षादे॒व
सँव॑थ्सरमारभ्य दीक्षन्त आर्तंँवा ए॒ते सँव॑थ्सरस्याभि दीक्षन्ते
य ए॒काष्टका॑यां दीक्षन्ते ऽन्तनामानावृतू भवतो॒ व्यस्तं॑ँवा ए॒ते
सँव॑थ्सरस्याऽभि दीक्षन्ते य ए॒काष्टका॑यां दीक्षन्तेऽन्तनामानावृतू
भवतः॑ फल्गुनी पूर्णमा॒से दीक्षे॑रन् मुखंँवा ए॒तथ् - [] 28

7.4.8.2

सँव॑थ्स॒रस्य॑ यत् फ॒ल्गु॒नी पूर्ण॑मा॒सो मुख॑त ए॒व सँव॑थ्स॒रमा॒रभ्य॑
 दीक्ष॑न्ते तस्यै॒कैव॑ नि॒र्या यथ् साम्मे॑ध्ये वि॒षूवा॒न्थ संप॑द्यते
 चि॒त्रापूर्॑णमा॒से दीक्षे॑रन् मुखं॑ वा ए॒तथ् सँव॑थ्स॒रस्य॑ यच्चि॒त्रापूर्॑णमा॒सो
 मुख॑त ए॒व सँव॑थ्स॒रमा॒रभ्य॑ दीक्ष॑न्ते तस्य॑ न का च॒न नि॒र्या भ॑वति
 चतु॑रहे पु॒रस्ता॑त् पौर्ण॑मा॒स्यै दीक्षे॑रन् तेषा॑मेकाष्ट॒कायां॑ क्र॒यः सं प॑द्यते
 तेनै॑काष्ट॒कां न छ॒म्बट् कुर्व॑न्ति तेषां॑ – [] 29

7.4.8.3

पूर्व॑पक्षे सु॒त्या सं प॑द्यते पूर्व॑पक्षं मा॒सा अ॒भि सं प॑द्यन्ते ते पूर्व॑पक्ष
 उ॒त् तिष्ठ॑न्ति तानु॑त्तिष्ठ॒त ओष॑धयो व॒नस्प॑तयोऽनू॒त् तिष्ठ॑न्ति तान्
 क॒ल्या॒णी की॒र्तिर॑नू॒त् तिष्ठ॑त्य॒राथ् सु॒रिमे॑ यज॒माना॑ इति॒ तदनु॑ सर्वे
 राध्नु॑वन्ति । 30

(ए॒त – छ॒म्बट् कुर्व॑न्ति तेषां॑ – चतु॑स्त्रिं॒शच्च॑) (A8)

7.4.9.1

सु॒वर्गं वा॑ ए॒ते लो॒कं य॑न्ति ये स॒त्रमु॑प॒यन्त्य॑भी॒न्धत॑ ए॒व
 दी॒क्षाभि॑रा॒त्मान॑ श्र॒पय॑न्त उ॒पस॑द्भिर्द्वा॒भ्यां लो॑मा॒व द्य॑न्ति

द्वाभ्यां त्वचं द्वाभ्यामसृद् द्वाभ्यां मा॒ऽसं द्वाभ्यामस्थि द्वाभ्यां
मज्जानमात्मदक्षिणं वै सत्रमात्मानमेव दक्षिणां नीत्वा सुवर्गं
लोकं यन्ति शिखामनु प्र वपन्त ऋद्ध्या अथो रघीया॒ऽसः सुवर्गं
लोकमयामेति । 31

(सुवर्गं – पञ्चाशत्) (A9)

7.4.10.1

ब्रह्मवादिनो वदन्त्यतिरात्रः परमो यज्ञक्रतूनां कस्मात् तं प्रथममुप
यन्तीत्येतद्वा अग्निष्टोमं प्रथममुप यन्त्यथोक्थ्यमथ षोडशिन –
मथातिरात्र-मनुपूर्वमेवैतद्-यज्ञक्रतूनुपेत्य तानालभ्य परिगृह्य
सोममेवैतत् पिबन्त आसते ज्योतिष्टोमं प्रथममुप यन्ति ज्योतिष्टोमो
वै स्तोमानां मुखं मुखत एव स्तोमान् प्र युञ्जते ते – [] 32

7.4.10.2

स॒ऽस्तुता विराजमभि सं पद्यन्ते द्वे चर्चावति रिच्येते एकया
गौरतिरिक्त एकयाऽऽयुरूनः सुवर्गो वै लोको ज्योतिरूर्ग-विराट्-
थ्सुवर्गमेव तेन लोकं यन्ति रथन्तरं दिवा भवति रथन्तरं

नक्तमित्याहु-ब्रह्मवादिनः केन तदजामीति सौभरं तृतीयसवने
ब्रह्मसामं बृहत् तन्मध्यतो दधति विधृत्यै तेनाजामि । 33

(त - एकान्न पञ्चाशच्च) (A10)

7.4.11.1

ज्योतिष्टोमं प्रथममुप यन्त्यस्मिन्नेव तेन लोके प्रति तिष्ठन्ति गोष्टोमं
द्वितीयमुप यन्त्यन्तरिक्ष एव तेन प्रति तिष्ठन्त्यायुष्टोमं तृतीयमुप
यन्त्यमुष्मिन्नेव तेन लोके प्रति तिष्ठन्तीयं वाव ज्योतिरन्तरिक्षं
गौरसावायु-र्यदेतान्थ-स्तोमा-नुपयन्त्येष्वेव तल्लोकेषु सत्रिणः प्रति
तिष्ठन्तो यन्ति ते सऽस्तुता विराज - [] 34

7.4.11.2

-मभि संपद्यन्ते द्वे चर्चावति रिच्येते एकया गौरतिरिक्त एकयाऽऽयुरूनः
सुवर्गो वै लोको ज्योतिरूर्ग-विराडूर्ज-मेवाव रुन्धते ते न क्षुधा
ऽऽर्तिमाच्छन्त्यक्षोधुका भवन्ति क्षुथ् संबाधा इव हि सत्रिणो
ऽग्निष्टोमावभितः प्रधी तावुक्थ्या मध्ये नभ्यं तत् तदेतत् परियद्-
देवचक्रं यदेतेन - [] 35

7.4.11.3

षड॒हेन॑ य॒न्ति॑ दे॒वच॑क्र॒मे॒व॒ स॒मा॒रो॒ह॒न्त्य॑रि॒ष्ट्यै॑ ते॒ स्व॒स्ति॑ स॒म॒श्नु॑व॒ते॒
 षड॒हेन॑ य॒न्ति॑ षड्वा॒ ऋ॒तव॑ ऋ॒तुष्वे॒व॒ प्र॒ति॑ ति॒ष्ठन्त्यु॑भ॒यतो॑॑ ज्योतिषा
 य॒न्त्यु॑भ॒यत॑ ए॒व सु॒वर्गे॑ लो॒के प्र॒ति॒ति॒ष्ठन्तो॑ य॒न्ति॑ द्वौ षड॒हौ भ॑व॒तस्तानि॑
 द्वा॒द॒शा॒हा॒नि सं प॑द्यन्ते द्वा॒द॒शो वै पु॑रु॒षो द्वे स॒क्थ्यौ॑ द्वौ बा॒हू आ॒त्मा
 च शि॒रश्च॑ च॒त्वार्य॑ङ्गानि॒ स्तनौ॑ द्वा॒द॒शौ – [] 36

7.4.11.4

तत् पु॒रु॒षम॑नु॒ पर्या॑व॒र्तन्ते॒ त्रयः॑ षड॒हा भ॑वन्ति ता॒न्यष्टा॑द॒शाहा॑नि
 सं प॑द्यन्ते न॒वान्या॑नि न॒वान्या॑नि न॒व वै पु॑रु॒षे प्रा॑णास्तत् प्रा॒णान॑नु॒
 पर्या॑व॒र्तन्ते॒ च॒त्वारः॑ षड॒हा भ॑वन्ति तानि चतुर्विं॒शति॑रहा॒नि सं प॑द्यन्ते
 चतुर्विं॒शति॑र॒र्धमा॑साः सँव॒त्सर॑स्तथ् सँव॒त्सर॑म॒नु पर्या॑व॒र्तन्ते॒
 ऽप्र॑ति॒ष्ठितः॑ सँव॒त्सर॑ इति॒ खलु॒ वा आ॑हु॒र्वर्षी॑यान् प्र॒तिष्ठा॑या
 इत्ये॒ताव॑द्वै () सँव॒त्सर॑स्य ब्रा॒ह्मणं॑ या॒वन्मा॑सो मा॒सिमा॑स्ये॒व
 प्र॒ति॒ति॒ष्ठन्तो॑ य॒न्ति॑ । 37

(वि॒राज॑ – मे॒तेन॑ – द्वा॒द॒शा – वे॒ता॒व॒द्वा – अ॒ष्टौ च॑) (A11)

7.4.12.1

मेष॑स्त्वा॒ पच॑तैरवतु॒ लो॒हि॒त॒ग्री॒वः॑ छा॒गैः॑ श॒ल्म॒लि॒र्वृ॒द्ध्या॑ प॒र्णो॑ ब्र॒ह्म॒णा
प्ल॒क्षो॑ मे॒धेन॑ न्य॒ग्रो॒धश्च॒मसै॑रु॒दु॒म्बर॑ ऊ॒र्जा॑ गा॒य॒त्री छ॒न्दो॑भि॒स्त्रि॒वृ॒थ्
स्तो॒मैर॑वन्तीः स्था॒वन्ती॑स्त्वाऽव॒न्तु प्रि॒यं त्वा॑ प्रि॒याणां॑ व॒र्षि॒ष्ठमा॑प्या॒नां
नि॒धी॒नां त्वा॑ नि॒धि॒पति॑ ह॒वाम॑हे वसो॒ मम॑ । 38

(मेषः - षट् त्रिंशत्) (A12)

7.4.13.1

कू॒प्या॒भ्यः॑ स्वा॒हा कू॒ल्या॒भ्यः॑ स्वा॒हा वि॒क॒र्या॒भ्यः॑ स्वा॒हा ऽव॒त्या॒भ्यः॑
स्वा॒हा ख॒न्या॒भ्यः॑ स्वा॒हा ह॒द्या॒भ्यः॑ स्वा॒हा सू॒द्या॒भ्यः॑ स्वा॒हा
सर॒स्या॒भ्यः॑ स्वा॒हा वै॒श॒न्ती॒भ्यः॑ स्वा॒हा प॒ल्व॒ल्या॒भ्यः॑ स्वा॒हा
व॒र्ष्या॒भ्यः॑ स्वा॒हा ऽव॒र्ष्या॒भ्यः॑ स्वा॒हा ह्रा॒दु॒नी॒भ्यः॑ स्वा॒हा पृ॒ष्वा॒भ्यः॑
स्वा॒हा स्य॑न्द॒मा॒ना॒भ्यः॑ स्वा॒हा स्था॒व॒रा॒भ्यः॑ स्वा॒हा ना॒दे॒यी॒भ्यः॑ स्वा॒हा
सै॒न्ध॒वी॒भ्यः॑ स्वा॒हा स॒मु॒द्रि॒या॒भ्यः॑ स्वा॒हा स॒र्वा॒भ्यः॑ स्वा॒हा । 39

(कूप्याभ्य - श्रत्वारिंशत्) (A13)

7.4.14.1

अ॒द्भ्यः॑ स्वा॒हा वह॑न्ती॒भ्यः॑ स्वा॒हा परि॑वह॒न्ती॒भ्यः॑ स्वा॒हा सम॑न्तं
 ॑वह॒न्ती॒भ्यः॑ स्वा॒हा शी॒घ्रं ॑वह॒न्ती॒भ्यः॑ स्वा॒हा शी॒भं ॑वह॒न्ती॒भ्यः॑
 स्वा॒होग्रं॑ ॑वह॒न्ती॒भ्यः॑ स्वा॒हा भी॒मं ॑वह॒न्ती॒भ्यः॑ स्वा॒हाऽम्भो॑भ्यः॑ स्वा॒हा
 न॒भो॑भ्यः॑ स्वा॒हा म॒हो॑भ्यः॑ स्वा॒हा सर्व॑स्मै स्वा॒हा । 40

(अ॒द्भ्य - ए॒कान्न॑ त्रि॒ंशत्) (A14)

7.4.15.1

यो अ॒र्वन्तं॑ जि॒घा॑स॒ति तम॑भ्यमी॒ति वरु॑णः । प॒रो म॑र्तः प॒रः श्वा॑ ।
 अ॒हं च॑ त्वं च॑ वृ॒त्रह॑न्त्सं ब॒भूव॑ स॒निभ्य॑ आ ।
 अ॒राती॒वा चि॑द॒द्रि॒वोऽनु॑ नौ शू॒र म॑स॒तै भ॒द्रा इन्द्र॑स्य रा॒तयः॑ ।
 अ॒भि क्र॑त्वेन्द्र॒ भूर॑ध ज॒मन्न॑ ते वि॒व्यड्म॑हि॒मान॑ र॒जासि॑ ।
 स्व॑ेना हि वृ॒त्रश्च॑ श॒वसा॑ ज॒घन्थ॑ न श॒त्रुर॑न्तं वि॒विद॑द् () यु॒धा ते॑ । 41

(वि॒विद॑द् - द्वे च॑) (A15)

7.4.16.1

नमो॑ रा॒ज्ञे नमो॑ वरु॒णाय॑ नमो॑ऽश्वा॒य नमः॑ प्र॒जाप॑तये नमो॑ऽधि॒पतये॑
 ऽधि॒पति॑रस्यधि॒पतिं॑ मा कु॒र्वधि॑पति॒रहं॑ प्र॒जानां॑ भू॒यासं॑ मां धे॒हि मयि॑

धे॒ह्युपा॑कृ॒ताय॑ स्वाहा ऽऽल॒ब्धाय॑ स्वाहा हु॒ताय॑ स्वाहा ॥ 42

(नम - ए॒कान्न॑ त्रि॒ंशत्) (A16)

7.4.17.1

मयो॑भूर्वा॒तो॒ अभि॑ वा॒तू॒स्रा ऊ॒र्ज॑स्व॒तीरो॑ष॒धीरा॑ रि॒शन्तां॑ ।
पी॒व॒स्व॒तीर्जी॑व॒धन्याः॑ पि॒बन्त्व॑व॒साय॑ प॒द्वते॑ रु॒द्र मृ॑ड ।
याः स॒रूपा॑ वि॒रूपा॑ ए॒करू॑पा या॒साम॑ग्नि॒रिष्ट्या॑ ना॒मानि॑ वे॒द ।
या अ॒ङ्गिर॑स॒स्तप॑से॒ह च॒क्रु॑स्ताभ्यः प॒र्जन्य॑ म॒हि श॑र्म यच्छ ।
या दे॒वेषु॑ त॒नुव॑मैरयन्त या॒सां सो॒मो वि॒श्वा रू॒पाणि॑ वे॒द ।
ता अ॒स्मभ्यं॑ प॒यसा॑ पि॒न्वमा॑नाः प्र॒जाव॑तीरिन्द्र - [] 43

7.4.17.2

गो॒ष्ठे रि॒रीहि॑ ।
प्र॒जाप॑तिर्म॒ह्यमे॑ता ररा॒णो वि॒श्वैर्दे॑वैः पि॒तृभिः॑ सँवि॒दानः॑ ।
शि॒वाः स॒तीरु॑प नो गो॒ष्ठमा॑ऽक॒स्तासां॑ व॒यं प्र॒जया॑ सँ स॒देम॑ ।
इ॒ह धृ॑तिः स्वाहे॒ह वि॒धृतिः॑ स्वाहे॒ह रन्तिः॑ स्वाहे॒ह र॑मतिः स्वाहा
म॒हीमू॒षु > ¹ सु॒त्रामा॑णं > ² । 44 (इ॒न्द्रा - षा॒त्रिं॑शच्च) (A17)

7.4.18.1

कि॒ञ्च स्वि॑दासीत् पूर्व॑चित्तिः॒ कि॒ञ्च स्वि॑दासीद्-बृ॒हद्वयः॑ ।
कि॒ञ्च स्वि॑दासीत् पि॒शङ्गि॑ला कि॒ञ्च स्वि॑दासीत् पि॒लिप्पि॑ला ।
द्यौ॑रासीत् पूर्व॑चित्तिरश्च॑ आसीद् बृ॒हद्वयः॑ ।
रा॒त्रिरा॑सीत् पि॒शङ्गि॑ला ऽवि॑रासीत् पि॒लिप्पि॑ला ।
कः स्वि॑दे॒काकी॑ च॒रति॑ क उ॒ स्वि॑ज्जायते पुनः॑ ।
कि॒ञ्च स्वि॑द्धि॒मस्य॑ भेष॒जं कि॒ञ्च स्वि॑दाव॒पनं॑ म॒हत् ।
सूर्य॑ ए॒काकी॑ च॒रति॑ - [] 45

7.4.18.2

च॒न्द्रमा॑ जायते पुनः॑ । अ॒ग्निर्हि॒मस्य॑ भेष॒जं भू॒मिरा॑व॒पनं॑ म॒हत् ।
पृ॒च्छामि॑ त्वा प॒रम॑न्तं पृ॒थिव्याः॑ पृ॒च्छामि॑ त्वा भु॒वन॑स्य नाभिं॑ ।
पृ॒च्छामि॑ त्वा वृ॒ष्णो अ॑श्वस्य रे॒तः पृ॒च्छामि॑ वा॒चः प॒रमं॑ व्यो॒म ।
वे॒दिमाहुः॑ प॒रम॑न्तं पृ॒थिव्या॑ य॒ज्ञमाहुः॑ भु॒वन॑स्य नाभिं॑ ।
सोम॑माहुर्वृ॒ष्णो अ॑श्वस्य रे॒तो ब्र॑ह्मैव वा॒चः प॒रमं॑ व्यो॒म । 46
(सूर्य॑ ए॒काकी॑ च॒रति॑ - षट् च॒त्वारि॑ंशच्च) (A18)

7.4.19.1

अंबे॑ अंबाल्यं॑बिके॑ न मा॑ नयति॑ कश्चन॑ । ससस्त्य॑श्चकः॑ ।
सुभगे॑ कांपील॑वासिनि॑ सुवर्गे॑ लोके॑ सं प्रो॑र्ण्वाथां ।
आऽहम॑जानि॑ गर्भ॑धमा॑ त्वम॑जासि॑ गर्भ॑धं ।
तौ सह॑ चतुरः॑ पदः॑ सं प्र॑ सारयाव॑है ।
वृषा॑ वाꣳ रेतो॑धा रेतो॑ दधातू॑थ् सक्थ्यो॑र्गृदं॑ धै॒ह्यज्जिमु॑दज्जिमन्व॑ज ।
यः स्त्री॑णां जीव॑भोजनो॑ य आ॑सां - [] 47

7.4.19.2

बिल॑धावनः॑ । प्रि॒यः स्त्री॑णामपी॒च्यः ।
य आ॑सां कृ॒ष्णे लक्ष्म॑णि सदि॑र्गृदिं॑ पराव॑धीत् ।
अंबे॑ अंबाल्यं॑बिके॑ न मा॑ यभति॑ कश्चन॑ । ससस्त्य॑श्चकः॑ ।
ऊर्ध्वा॑-मे॒नामु॑च्छ्रयताद्-वे॒णुभा॑रं गिरा॑विव ।
अथा॑स्या मध्य॑मे॒धताꣳ शी॑ते वा॒ते पुन॑न्निव ।
अंबे॑ अंबाल्यं॑बिके॑ न मा॑ यभति॑ कश्चन॑ । ससस्त्य॑श्चकः॑ ।
यद्ध॑रिणी॑ यव॑मत्ति॑ न - [] 48

7.4.19.3

पुष्टं पशु॑ मन्यते॑ । शूद्रा॑ यदर्य॑जारा॒ न पोषाय॑ धनायति॑ ।
अंबे॑ अंबाल्यं॑बिके॒ न मा॑ यभति॒ कश्चन॑ । ससस्त्य॑श्चकः॒ ।
इयं॑ य॒का शकु॑न्तिका ऽहल॒मिति॑ सर्पति॒ ।
आहतं॑ ग॒भे प॒सो नि॑ जल्गुलीति॒ धाणिका॑ ।
अंबे॑ अंबाल्यं॑बिके॒ न मा॑ यभति॒ कश्चन॑ । ससस्त्य॑श्चकः॒ ।
माता॑ च ते पिता॑ च तेऽग्रं॑ वृक्षस्य॑ रोहतः॒ () । 49

7.4.19.4

प्र सु॒लामीति॑ ते पिता॑ ग॒भे मुष्टि॑मत॒ऽसयत्॑ ।
दधि॒क्राव्णो॑ अकारिषं॑ जिष्णोर॑श्चस्य॒ वाजिनः॑ ।
सुर॒भि नो॑ मुखा॒ करत्॑ प्रण॒ आयू॑षि तारिषत् ।
आपो॑ हि ष्ठा मयो॑भुवस्ता॒ न ऊर्जे॑ दधातन॒ । महे॑रणा॒य चक्ष॑से ।
यो वः॑ शिव॒तमो॑ रसस्तस्य॒ भाज॑यतेह॒ नः । उ॒शती॑रिव॒ मातरः॑ ।
तस्मा॑ अरं॒ गमाम॑ वो॒ यस्य॑ क्षयाय॒ जिन्व॑थ () ।
आपो॑ जनय॒था च नः॑ । 50

(आसा - मति न - रोहतो - जिन्वथ - चत्वारि च) (A19)

7.4.20.1

भूर्भुवः सुवर्वसवस्त्वा ऽज्जन्तु गायत्रेण छन्दसा रुद्रास्त्वा ऽज्जन्तु
त्रैष्टुभेन छन्दसा ऽदित्यास्त्वा ऽज्जन्तु जागतेन छन्दसा यद्-वातो
अपो अगमदिन्द्रस्य तनुवं प्रियां । एतञ् स्तोतरेतेन पथा पुनरश्वमा
वर्तयासि नः । लाजी(3)ञ्छाची(3)न् यशो ममा(4)ँ ।

यव्यायै गव्याया एतद्-देवा अन्नमत्तैतदन्नमद्धि प्रजापते ।

युज्जन्ति ब्रध्न () -मरुषं चरन्तं परि तस्थुषः ।

रोचन्ते रोचना दिवि । युज्जन्त्यस्य काम्या हरी विपक्षसा रथे ।

शोणा धृष्णू नृवाहसा । केतुं कृण्वन्नकेतवे पेशो मर्या अपेशसे ।

समुषद्विरजायथाः । 51

(ब्रध्नं - पञ्चविंशतिश्च) (A20)

7.4.21.1

प्रा॒णाय॒ स्वाहा॑ व्या॒नाय॒ स्वाहा॑ ऽपा॒नाय॒ स्वाहा॑ स्ना॒वभ्यः॑ स्वाहा॑
 सं॒ताने॑भ्यः स्वाहा॑ परि॒संताने॑भ्यः स्वाहा॑ पर्व॒भ्यः स्वाहा॑
 सं॒धाने॑भ्यः स्वाहा॑ शरी॒रेभ्यः॑ स्वाहा॑ य॒ज्ञाय॒ स्वाहा॑ दक्षि॒णाभ्यः॑
 स्वाहा॑ सु॒वर्गाय॒ स्वाहा॑ लो॒काय॒ स्वाहा॑ सर्व॒स्मै स्वाहा॑ ॥ 52

(प्रा॒णाया॒ – षा॒वि॒शतिः॑) (A21)

7.4.22.1

सि॒ताय॒ स्वाहा॑ ऽसि॒ताय॒ स्वाहा॑ ऽभि॒हिताय॒ स्वाहा॑ ऽन॒भिहिताय॒ स्वाहा॑
 यु॒क्ताय॒ स्वाहा॑ ऽयु॒क्ताय॒ स्वाहा॑ सु॒युक्ताय॒ स्वाहो॑ – द्यु॒क्ताय॒ स्वाहा॑
 वि॒मुक्ताय॒ स्वाहा॑ प्र॒मुक्ताय॒ स्वाहा॑ व॒ञ्चते॑ स्वाहा॑ परि॒वञ्चते॑ स्वाहा॑
 सँव॒ञ्चते॑ स्वाहा॑ ऽनु॒वञ्चते॑ स्वाहो॒द् – व॒ञ्चते॑ स्वाहा॑ य॒ते स्वाहा॑
 धा॒वते॑ स्वाहा॑ तिष्ठ॒ते स्वाहा॑ सर्व॒स्मै स्वाहा॑ ॥ 53

(सि॒ताया॒ – षा॒त्रि॒शत्) (A22)

Prasna Korvai with starting Padams of 1 to 22 Anuvaakams :-

(बृहस्पतिः श्रद् - यथा वा - ऋक्षा वै - प्रजापतिर्येनयेन - द्वे वाव
देवसत्रे - आदित्या अकामयन्त सुवर्गं - वसिष्ठः - सवत्सराय -
सुवर्गं ये सत्रं - ब्रह्मवादिनोऽतिरात्रो - ज्योतिष्ठोमं - मेषः -
कूप्याभ्यो - ऽद्भ्यो - यो - नमो - मयोभूः - किं७ स्विद - म्बे
- भूः - प्राणाय - सिताय - द्वाविंशतिः)

Korvai with starting Padams of 1, 11, 21 Series of Panchaatis :-

(बृहस्पतिः - प्रति तिष्ठन्ति - वै दशरात्रेण - सुवर्गं - यो अर्वन्तं
- भू - स्त्रिपञ्चाशत्)

First and Last Padam of Fourth Prasnam of 7th Kandam

(बृहस्पतिः - सर्वस्मै स्वाहा)

॥ हरिः ओं ॥

॥ कृष्ण यजुर्वेदीय तैत्तिरीय संहितायां सप्तमकाण्डे चतुर्थः प्रश्नः

समाप्तः ॥

7.4.1 Appendix

7.4.17.2 – महीमूषु>¹ सुत्रामाणं>²

महीमूषु मातरं सुव्रतानामृतस्य पत्नीमवसे हुवेम ।

तुविक्षत्रामजरन्तीमुरूचीं सुशर्माणमदितिं सुप्रणीतिं ॥

सुत्रामाणं पृथिवीं द्यामनेहसं सुशर्माणमदितिं सुप्रणीतिं ।

दैवीं नावञ् स्वरित्रामनागसमस्रवन्तीमा रुहेमा स्वस्तये ॥

(Appearing in T.S.1.5.11.5)

ओं नमः परमात्मने, श्री महागणपतये नमः, श्री गुरुभ्यो नमः

हरिः ओं

7.5 सप्तमकाण्डे पञ्चमः प्रश्नः – सत्रविशेषाभिधानं

7.5.1.1

गावो॑ वा ए॒तथ् स॒त्र-मा॑स॒ताशृ॑ङ्गाः स॒तीः शृ॑ङ्गाणि नो जा॒यन्ता इति॑
का॒मेन॑ तासां द॒श मा॒सा नि॑षण्णा आ॒सन्न॑थ शृ॑ङ्गाण्यजा॒यन्त॑
ता उ॒दति॑ष्ठन्न॒राथ्स्मेत्य॑थ यासां नाजा॒यन्त॑ ताः सँव॑त्सर-मा॒प्तवो॑दतिष्ठ
-न्न॒राथ्स्मेति॑ यासां चाजा॒यन्त॑ यासां च न ता उ॒भयी॑रु-दतिष्ठ-
न्न॒राथ्स्मेति॑ गो॒सत्रं॑ वै - [] 1

7.5.1.2

सँव॑त्सरो य ए॒वं वि॒द्वाँसः॑ सँव॑त्सर-मु॒पय॑न्त्य॒धनु॑वन्त्ये॒व तस्मा॑त्
तू॒परा॑ वा॒र्षिकौ॑ मा॒सौ प॒र्त्वा च॑रति स॒त्राभि॑जित॒ँ ह्यस्यै॑ तस्मा॑त्
सँव॑त्सर॒सदो॑ यत् किं च गृ॒हे क्रि॑यते तदा॒प्त-म॑व॒रुद्ध-म॑भिजितं
क्रि॑यते स॒मुद्रं॑ वा ए॒ते प्र॑ प्लवन्ते ये सँव॑त्सरमु॒पय॑न्ति यो वै
स॒मुद्र॑स्य पा॒रं न प॑श्यति न वै स त॒त उ॑देति सँव॑त्सरो - [] 2

7.5.1.3

वै॑ स॒मु॒द्र॒स्त॒स्यै॒तत् पारं॑ य॒दति॑रात्रौ य॒ एवं॑ वि॒द्वा॒सः सँ॑व॒थ्स॒र-
मु॒प॒य॒न्त्य॑ना॒र्ता ए॒वो॒दृ॒चं ग॒च्छ॒न्ती॒यं वै॑ पूर्॒वोऽति॑रात्रो ऽसा॒वु॒त्त॒रो मनः॑
पूर्॒वो वा॒गु॒त्त॒रः प्रा॒णः पूर्॒वोऽपान॑ उत्त॒रः प्र॒रो॒ध॒नं पूर्॒व उ॒द॒य॒न॒मु॒त्त॒रो
ज्यो॒ति॒ष्ठो॒मो वै॒श्वा॒न॒रो ऽति॑रात्रो भ॒वति॑ ज्यो॒ति॒रे॒व पु॒र॒स्ता॒द॒ध॒ते सु॒व॒र्ग॒स्य
लो॒क॒स्या-नु॒ख्या॒त्यै च॒तुर्वि॒ंशः प्रा॒य॒णी॒यो भ॒वति॑ च॒तुर्वि॒ंश॒ति-
र॒ध॒मा॒साः - [] 3

7.5.1.4

सँ॑व॒थ्स॒रः प्र॒य॒न्त॑ ए॒व सँ॑व॒थ्स॒रे प्र॒ति ति॑ष्ठन्ति तस्य त्री॒णि च॑ श॒तानि॑
ष॒ष्टिश्च॑ स्तो॒त्री॒या॒स्ता॒वतीः सँ॑व॒थ्स॒र॒स्य रा॒त्रय॑ उ॒भे ए॒व सँ॑व॒थ्स॒र॒स्य
रू॒पे आ॒प्नु॒वन्ति॑ ते स॒ञ्चि॑त्त्या अ॒रि॒ष्ट्या॑ उत्त॒रै॒रहो॑भिश्चरन्ति ष॒ड॒हा
भ॒वन्ति॑ ष॒ड् वा ऋ॒त॒वः सँ॑व॒थ्स॒र ऋ॒तु॒ष्वे॒व सँ॑व॒थ्स॒रे प्र॒ति ति॑ष्ठन्ति
गौ॒श्वाऽऽ॒युश्च॑ म॒ध्य॒तः स्तो॒मौ भ॒वतः॑ सँ॑व॒थ्स॒र॒स्यै॒व तन्मि॑थुनं
म॒ध्य॒तो - [] 4

7.5.1.5

दधति प्रजननाय ज्योतिरभितो भवति विमोचनमेव तच्छन्दाऽस्येव
तद्-विमोकं यन्त्यथो उभयतो ज्योतिषैव षडहेन सुवर्गं लोकं यन्ति
ब्रह्मवादिनो वदन्त्यासते केन यन्तीति देवयानेन पथेति ब्रूयाच्छन्दाऽसि
वै देवयानः पन्था गायत्री त्रिष्टुब्-जगती ज्योतिर्वै गायत्री
गौस्त्रिष्टुगायुर्जगती यदेते स्तोमा भवन्ति देवयानेनैव - [] 5

7.5.1.6

तत् पथा यन्ति समानः साम भवति देवल्लोको वै साम देवल्लोकादेव
न यन्त्यन्या अन्या ऋचो भवन्ति मनुष्यल्लोको वा ऋचो
मनुष्यल्लोकादेवान्यमन्यं देवल्लोकमभ्यारोहन्तो यन्त्यभिवर्तो ब्रह्मसामं
भवति सुवर्गस्य लोकस्याभिवृत्त्या अभिजिद्-भवति सुवर्गस्य
लोकस्याभिजित्यै विश्वजिद्-भवति विश्वस्य जित्यै मासिमासि
पृष्ठान्युप यन्ति मासिमास्यतिग्राह्या गृह्यन्ते मासिमास्येव वीर्यं ()
दधति मासां प्रतिष्ठित्या उपरिष्ठान्मासां पृष्ठान्युप यन्ति
तस्मादुपरिष्ठादोषधयः फलं गृह्णन्ति । 6

(गो॒स॒त्रं वा॑ – ए॒ति सँ॑व॒त्स॒रो॒ – ऽर्द्ध॑मा॒सा – मि॒थु॒नं म॑ध्य॒तो –
दे॒व॒या॒ने॒नै॒व – वी॒र्यं॑ – त्रयो॑द॒श च॑) (A1)

7.5.2.1

गा॒वो वा॑ ए॒तथ् स॒त्रमा॑स॒ताशृ॒ङ्गाः स॒तीः शृ॒ङ्गा॑णि॒ सिषा॑सन्ती॒स्तासां॑
द॒श मा॒सा निष॑ण्णा आ॒सन्न॑थ शृ॒ङ्गाण्य॑जायन्त ता अ॒ब्रुव॑न्न॒राथ्स्मो॑त्
ति॒ष्ठामा॑व तं का॒मम॑रुथ्स्महि ये॒न का॑मे॒न न्य॑ष॒दामे॑ति ता॒सामु॑ त्वा
अ॒ब्रुव॑न्न॒र्धावा॑ याव॒तीर्वा॑ऽसा॒महा ए॒वैमौ द्वा॒दशौ॑ मा॒सौ सँ॑व॒त्स॒रꣳ
सं॒पाद्यो॑त् ति॒ष्ठामे॑ति ता॒सां – [] 7

7.5.2.2

द्वा॒दशौ मा॒सि शृ॒ङ्गा॑णि प्राव॑र्तन्त श्र॒द्धया॑ वाऽश्र॒द्धया॑ वा ता
इ॒मा या॑स्तू॒परा उ॒भय्यो॑ वाव ता आ॒र्द्ध॒र्नुव॑न् याश्च शृ॒ङ्गाण्य॑सन्वन्
याश्चो॑र्ज॒मवा॑रुन्ध॒तर्ध्नो॑ति द॒शसु॑ मा॒सूत्ति॑ष्ठन्न॒र्ध्नोति॑ द्वा॒दशसु॑
य ए॒वं वै॒द प॒देन॑ ख॒लु वा ए॒ते य॑न्ति वि॒न्दति॑ ख॒लु वै प॒देन॑ यन् तद्वा
ए॒तद्दृ॒द्धम॑य॒नं तस्मा॑ () दे॒तद्-गो॑स॒नि । 8

(ति॒ष्ठामे॑ति ता॒सां – तस्मा॑द् – द्वे च॑) (A2)

7.5.3.1

प्रथ॑मे मा॒सि पृ॒ष्ठान्यु॑प॒ यन्ति॑ म॒ध्यम॑ उ॒प॒ यन्त्यु॑त्त॒म उ॒प॒ यन्ति॑
तदा॑हुर्याँ वै त्रि॒रेक॑स्याह॒ उप॑सीदन्ति द॒हं वै साऽप॑राभ्यां
दोहा॑भ्यां दुहेऽथ॒ कुतः॑ सा धो॒क्ष्यते॑ यां द्वाद॑श कृ॒त्व उप॑सीदन्तीति
सँव॑त्सर॒ऽ संपा॑द्योत्त॒मे मा॒सि स॒कृत् पृ॒ष्ठान्यु॑पेयुस्तद्-यज॑माना
य॒ज्ञं प॒शून्व रु॑न्धते स॒मुद्रं॑ वा - [] 9

7.5.3.2

ए॒तेन॑वा॒रम॑पा॒रं प्र प्ल॑वन्ते ये सँव॑त्सरमु॒पय॑न्ति यद् बृ॒हद्-रथ॑न्तरे
अ॒न्वर्जे॑यु॒र्यथा॑ म॒ध्ये स॒मुद्र॑स्य प्ल॒वम॑न्वर्जेयुस्तादृक् तदनु॑त्सर्गं
बृ॒हद्-रथ॑न्तराभ्यामि॒त्वा प्र॑तिष्ठां गच्छन्ति सर्वे॑भ्यो वै का॒र्मैभ्यः॑
स॒न्धिर्दुहे॑ तद्-यज॑मानाः सर्वा॒न् का॒मान॑व रुन्धते । 10

(स॒मुद्रं॑ वै - चतु॑स्त्रि॒ऽश॑च्य) (A3)

7.5.4.1

स॒मा॒न्य ऋ॒चो भ॑वन्ति म॒नुष्य॑लो॒को वा ऋ॒चो म॒नुष्य॑लो॒कादे॒व न
य॒न्त्यन्य॑द॒न्यथ॑ साम॒ भव॑ति दे॒वलो॒को वै साम॑ दे॒वलो॒कादे॒वान्य॑म॒न्यं

मनुष्यलो॒कं प्र॒त्यव॒रोह॑न्तो॒ यन्ति॑ ज॒गती॑म॒ग्र उप॑ यन्ति॑ ज॒गतीं॑ वै
छन्दा॑ऽसि प्र॒त्यव॒रोह॑न्त्या-ग्र॒यणं॑ ग्र॒हा बृ॒हत् पृ॒ष्ठानि॑ त्रयस्त्रि॑ऽश॒ऽ
स्तो॒मा- स्तस्मा॑-ज्ज्याया॑ऽसं कनी॑यान् प्र॒त्यव॒रोह॑ति वैश्व॒कर्म॑णो
गृह्य॑ते वि॒श्वान्ये॑व तेन॒ कर्मा॑णि॒ यज॑माना॒ अव॑ रुन्धत

आ॒दि॒त्यो- [] 11

7.5.4.2

गृह्य॑त इ॒यं वा॑ अ॒दि॒तिर॒स्यामे॒व प्र॒ति ति॑ष्ठन्त्यन्यो॑ऽन्यो गृह्ये॑ते
मि॒थुन॒त्वाय॑ प्र॒जात्या॑ अ॒वान्तरं॑ वै द॒शरा॑त्रेण प्र॒जाप॑तिः प्र॒जा अ॑सृजत
यद्-द॒शरा॑त्रो भवति प्र॒जा ए॒व तद्-य॑ज॒मानाः॑ सृजन्त ए॒ताऽह॑ वा
उ॒दङ्कः॑ शौ॒ल्बा॒यनः॑ स॒त्रस्य॑र्द्धिमुवाच॒ यद्-द॒शरा॑त्रो यद्-द॒शरा॑त्रो
भवति॑ स॒त्रस्य॑र्द्ध्या अथो॒ यदे॒व पूर्वे॑ष्वहः॒सु वि॒लोम॑ क्रियते
तस्यै॒वै () -षा॑ शान्तिः । 12

(आ॒दि॒त्य - स्तस्यै॒व - द्वे च॑) (A4)

7.5.5.1

यदि॑ सोमौ॑ स॒सु॒तौ॑ स्यातां॑ मह॒ति रा॒त्रियै॑ प्रा॒तरनु॒वाक॑-मु॒पाकु॑र्यात्
 पूर्॒वो वाचं॑ पूर्॒वो दे॒वताः॑ पूर्॒वः छन्दा॑सि वृ॒द्धे वृष॑ण्वतीं प्रतिपदं
 कुर्यात् प्रातः सव॒नादे॒वैषामिन्द्रं॑ वृ॒द्धे ऽथो॑ ख॒ल्वाहुः॑ सव॒नमु॒खे-
 सव॒नमु॒खे का॒र्येति॑ सव॒नमु॒खाथ् सव॒नमु॒खा-दे॒वैषामिन्द्रं॑
 वृ॒द्धे सँ॒वेशो॑प॒वेशाय॑ गा॒यत्रि॒यास्त्रि॒ष्टुभो॑ जग॒त्या अनु॒ष्टुभः॑
 पङ्क॒त्या अ॒भिभू॑त्यै स्वाहा छन्दा॑सि वै सँ॒वेश॑ उप॒वेशः॑
 छन्दा॑भिरे॒वैषां- [] 13

7.5.5.2

छन्दा॑सि वृ॒द्धे सज॑नीय॒स्य श॒स्यं वि॒हव्य॑स्य श॒स्यम॑गस्त्यस्य
 कया॑शुभीय॒स्य मे॒ताव॒द्वा अ॒स्ति याव॑दे॒तद्-याव॑दे॒वास्ति॑ तदे॒षां
 वृ॒द्धे यदि॑ प्रातः सव॒ने क॒लशो॑ दी॒र्ये॒त वैष्ण॑वीषु शि॒पिवि॑ष्टवतीषु
 स्तु॒वीरन्॑ यद्वै य॒ज्ञस्या॑-ति॒रिच्य॑ते वि॒ष्णुं तच्छि॑पिविष्टमभ्यति रिच्यते
 तद्वि॒ष्णुः शि॒पिवि॑ष्टोऽति॒रिक्त॑ ए॒वाति॑रिक्तं दधात्यथो अति॒रिक्ते॒नैवा॑-
 ति॒रिक्त॑माप्त्वाऽव () रु॒न्धते॑ यदि म॒ध्यन्दि॑ने दी॒र्ये॒त वषट्कार॑निधन॒स्य

साम॑ कुर्यु॑र्वषट्कारो॑ वै य॒ज्ञस्य॑ प्र॒तिष्ठा॑ प्र॒तिष्ठामे॑वैनद्-गमयन्ति॑ यदि
तृतीय॑सवन ए॒तदे॒व । 14

(छन्दो॑भिरे॒वैषा॑ - म॒वै - कान्न॑वि॒ञ्शतिश्च॑) (A5)

7.5.6.1

षड॑हैर्मा॒सान्थ् स॒ंपाद्या॑हरुथ् सृ॒जन्ति॑ षड॑हैर्हि मा॒सान्थ् स॒ंपश्य॑न्त्य-
र्द्धमा॒सैर्मा॒सान्थ् स॒ंपाद्या॑हरुथ् सृ॒जन्त्य॑-र्द्धमा॒सैर्हि मा॒सान्थ्
स॒ंपश्य॑न्त्यमा॒वास्य॑या मा॒सान्थ् स॒ंपाद्या॑हरुथ् सृ॒जन्त्य॑मा॒वास्य॑या हि
मा॒सान्थ् स॒ंपश्य॑न्ति पौ॒र्णमा॒स्या मा॒सान्थ् स॒ंपाद्या॑हरुथ् सृ॒जन्ति॑
पौ॒र्णमा॒स्या हि मा॒सान्थ् स॒ंपश्य॑न्ति यो वै पू॒र्ण आ॑सिञ्चति॒ परा॑ स
सिञ्च॑ति यः पू॒र्णादु॑दचति - [] 15

7.5.6.2

प्रा॒णम॑स्मिन्थ्स द॑धाति॒ यत् पौ॒र्णमा॒स्या मा॒सान्थ् स॒ंपाद्या॑हरुथ् सृ॒जन्ति॑
सँव॑त्सरा॒यैव॑ तत् प्रा॒णं द॑धति॒ तदनु॑ स॒त्रिणः॑ प्रा॒णन्ति॑
यद॑ह॒र्नो॒त्-सृ॒जेयु॑र्यथा दृ॒तिरु॑प॒नद्धो॑ वि॒पत॑त्येव॒ सँव॑त्सरो

वि प॑ते॒दार्ति॑-मा॒च्छ॑यु॒र्यत् पौ॑र्णमा॒स्या मा॒सान्थ्-सं॒पाद्या॑हरुथ् सृ॒जन्ति॑
सँव॑थ्स॒रायै॒व तदु॑दानं दधति॑ तदनु॑ स॒त्रिण॑ उ - [] 16

7.5.6.3

दन॑न्ति नाऽऽ*ति॒माच्छ॑न्ति पू॒र्णमा॒से वै दे॒वानां॑ सु॒तो यत् पौ॑र्णमा॒स्या
मा॒सान्थ्-सं॒पाद्या॑हरुथ् सृ॒जन्ति॑ दे॒वाना॑मे॒व तद्-य॒ज्ञेन॑ य॒ज्ञं
प्र॒त्यव॑रोहन्ति वि वा ए॒तद्-य॒ज्ञं छि॑न्दन्ति यथ् षड॑हसंतत॑
संत॑मथाहरुथ् सृ॒जन्ति॑ प्रा॒जाप॒त्यं प॒शुमा॑ ल॒भन्ते॑ प्र॒जाप॑तिः सर्वा॑ दे॒वता॑
दे॒वता॑भिरे॒व य॒ज्ञं सं त॑न्वन्ति यन्ति॑ वा ए॒ते स॒वना॑द्येऽह-[] 17

7.5.6.4

-रुथ् सृ॒जन्ति॑ तु॒रीयं॑ खलु॒ वा ए॒तथ् स॒वनं॑ यथ् सां॒नाय्यं॑ यथ्
सां॒नाय्यं॑ भवति तेनै॒व स॒वनान्न॑ यन्ति॑ स॒मुप॑हूय भक्षयन्त्ये॒तथ्
सो॒मपी॑था ह्ये॒तर्हि॑ यथा॒यत॑नं वा ए॒तेषां॑ स॒वनभा॑जो दे॒वता॑ गच्छन्ति॑
येऽह॑रुथ् सृ॒जन्त्य॑नु॒स॒वनं॑ पु॒रोडा॑शान् निर्व॑पन्ति यथा॒यत॑नादे॒व
स॒वनभा॑जो दे॒वता॑ अव॒ रुन्ध॑ते ऽष्टा॑कपा॒लान् प्रा॑तःस॒वन
एका॑दशकपा॒लान् मा॒ध्यन्दि॑ने स॒वने॑ द्वाद॑शकपा॒ला-स्तृ॑तीयस॒वने॑

छन्दा॑स्ये॒वाऽऽ*प्त्वा () -ऽव॑ रुन्धते वै॒श्वदे॑वं च॒रुं तृ॑तीयस॒वने॒
निर्व॑पन्ति वै॒श्वदे॑वं वै॒ तृ॑तीयस॒वनं तेनै॒व तृ॑तीयस॒वनान्न॑ यन्ति । 18

(उ॒द॒च - त्पु - द्यौ॑ह - रा॒प्त्वा - पञ्च॑दश च) (A6)

7.5.7.1

उ॒थ्सृ॑ज्यां(३)नो॒थ्सृ॑ज्या(३)मि॒ति मी॒मा॒स॒न्ते ब्र॒ह्म॒वा॒दि॒न-स्त॒द्वा॒हुरु॒थ्
सृ॒ज्यमे॒वेत्य॑-मा॒वा॒स्यायां॑ च पौ॒र्ण॒मा॒स्यां चो॒थ्-सृ॒ज्यमि॒त्याहु॑रेते हि
य॒ज्ञं वै॒हत॑ इति ते त्वाव नो॒थ्सृ॑ज्ये इ॒त्याहु॑र्ये अ॒वा॒न्तरं॑ य॒ज्ञं भे॒जाते॑
इति॒ या प्र॒थ॒मा व्य॑ष्टका तस्यामु॒थ्-सृ॒ज्यमि॒त्याहु॑रेष वै मा॒सो वि॒शर॑
इति॒ नाऽऽ*दि॒ष्ट - [] 19

7.5.7.2

-मु॒थ्सृ॑जेयु-र्य॒दादि॑ष्ट-मु॒थ्सृ॑जेयुर्यादृ॒शे पुनः॑ पर्या॒प्लावे॑ म॒ध्ये
षड॑हस्य संप॒द्येत॑ षड॒हैर्मा॒सान्थ् संपा॑द्य यथ् स॒प्तम॑-मह॒स्तस्मि॒न्नु॒थ्
सृ॒जेयु॑-स्तद॒ग्नये॑ वसु॒मते॑ पु॒रोडा॑शम॒ष्टाक॑पालं निर्व॒पेयु॑रैन्द्रं दधीन्द्राय
म॒रुत्व॑ते पु॒रोडा॑शमे॒काद॑शकपालं वै॒श्वदे॑वं द्वा॒दश॑कपालम॒ग्नेर्वै॑

वसु॑मतः प्रा॒तः स॒वनं॑ य॒द॒ग्नये॑ वसु॑मते पु॒रोडा॑शम॒ष्टाक॑पालं निर्व॒र्पन्ति॑
दे॒वता॑मे॒व तद्-भा॒गिनीं॑ कु॒र्वन्ति॑ - [] 20

7.5.7.3

स॒वनम॑ष्टा॒भिरु॑प॒ यन्ति॑ य॒दैन्द्रं॑ दधि॒ भव॑तीन्द्र॒मेव॑ तद्-भा॒गधे॑यान्न
च्या॒वय॑न्तीन्द्र॒स्य वै म॒रुत्व॑तो मा॒ध्यन्दि॑नꣳ स॒वनं॑ य॒दिन्द्रा॑य म॒रुत्व॑ते
पु॒रोडा॑शमे॒काद॑शक॒पालं॑ निर्व॒र्पन्ति॑ दे॒वता॑मे॒व तद्-भा॒गिनीं॑ कु॒र्वन्ति॑
स॒वनमे॑काद॒शभि॑रु॒प यन्ति॑ वि॒श्वेषां॑ वै दे॒वाना॑मृ॒भुम॑तां तृ॒तीय॑स॒वनं॑
य॒द्-वैश्व॑दे॒वं द्वा॑द॒शक॑पालं निर्व॒र्पन्ति॑ दे॒वता॑ ए॒व तद्-भा॒गिनीः॑
कु॒र्वन्ति॑ स॒वनं॑ द्वा॒दश॑भि - [] 21

7.5.7.4

-रु॒प यन्ति॑ प्रा॒जाप॑त्यं प॒शुमा॑ ल॒भन्ते॑ य॒ज्ञो वै प्र॒जाप॑ति-र्य॒ज्ञस्या-
ननु॑स॒र्गाया॑भि॒वर्त॑ इ॒तः ष॑ण्मा॒सो ब्र॑ह्मसा॒मं भ॑वति ब्रह्म॒ वा अ॑भि॒वर्तो॑
ब्रह्म॑णै॒व तथ् सु॒वर्गं॑ लो॒क-म॑भि॒वर्त॑यन्तो यन्ति॑ प्र॒तिकू॑लमि॒व ही॑तः
सु॒वर्गो लो॒क इन्द्र॑ क्र॒तुं न॒ आ भ॑र पि॒ता पु॒त्रेभ्यो॑ यथा॑ ।
शि॒क्षा नो॑ अ॒स्मिन् पु॑रुहू॒त या॑मनि जी॒वा ज्यो॑ति॒रशी॑म॒हीत्य॑ () -मु॒त

आ॒य॒ता॒ ष॒ण्मा॒सो ब्र॒ह्म॒सा॒मं भ॒व॒त्य॒यं वै लो॒को ज्यो॒तिः प्र॒जा
ज्यो॒ति॒रि॒ममे॒व त॒ल्लो॒कं प॒श्य॒न्तोऽभि॒वद॑न्त आ य॒न्ति । 22

(नाऽऽदिष्टं - कुर्वन्ति - द्वादशभि - रिति - विंशतिश्च) (A7)

7.5.8.1

दे॒वा॒नां वा अ॒न्तं ज॒ग्मु॒षामि॒न्द्रि॒यं वी॒र्य॑-म॒पा॒क्राम॑त् तत्
क्रो॒शे॒नावा॑रु॒न्धत॑ तत् क्रो॒शस्य॑ क्रो॒श॒त्वं य॑त् क्रो॒शेन॑ चा॒त्वा॒ल॒स्यान्ते॑
स्तु॒वन्ति॑ य॒ज्ञस्यै॒वान्तं॑ ग॒त्वेन्द्रि॒यं वी॒र्य॑म॒व रु॒न्धते॑ स॒न्नस्य॑द्द॒र्घ्या
ऽह॒वनी॒यस्या॑न्ते स्तु॒वन्त्य॒ग्नि-मे॒वोप॑द्-र॒ष्टारं॑ कृ॒त्वर्द्धि॑मु॒प य॒न्ति
प्र॒जाप॑तेर्हृद॒येन॑ ह॒विर्द्धि॑नेऽन्तः॑ स्तु॒वन्ति॑ प्रे॒माण॑मे॒वास्य॑
गच्छ॑न्ति श्लो॒केन॑ पु॒रस्ता॑त् सद॒सः - [] 23

7.5.8.2

स्तु॒वन्त्य॒नुश्लो॑केन प॒श्चाद्-य॒ज्ञस्यै॒वान्तं॑ ग॒त्वा श्लो॑क॒भाजो॑ भ॒वन्ति॑
न॒वभि॑-र॒द्ध्वर्यु॑रुद्-गा॒यति॑ न॒व वै पु॑रु॒षे प्रा॒णाः प्रा॒णाने॒व य॑ज॒माने॑षु
द॒धाति॑ सर्वा॑ ऐन्द्रि॒यो भ॒वन्ति॑ प्रा॒णेष्वे॒वेन्द्रि॒यं द॒ध-त्य॑प्रति॒हता॑भिरुद्-

गा॒यति॑ तस्मा॒त् पु॒रुषः॑ सर्वा॒ण्यन्यानि॑ शी॒र्ष्णोऽङ्गानि॑ प्रत्य॒चति॑ शिर॑
ए॒व न पञ्च॑द॒शं र॑थन्त॒रं भ॑वतीन्द्रि॒यमे॒वाव रु॑न्धते सप्त॒दशं॑—[] 24

7.5.8.3

बृ॒ह-द॒न्नाद्य॑स्याव॒रुद्ध्या॑ अथो॒ प्रैव॑ तेन॒ जाय॑न्त एक॒विंशं॑ भ॒द्रं
द्वि॒पदा॑सु प्र॒तिष्ठि॑त्यै प॒त्नय॑ उप॒ गाय॑न्ति मिथु॒नत्वाय॑ प्र॒जात्यै॑ प्र॒जाप॑तिः
प्र॒जा अ॑सृज॒त सोऽका॑मय॒ताऽऽ*सा॑मह॒ राज्यं॑ प॒रीया॑मिति॒ तासां॑
रा॒जने॑नै॒व रा॒ज्यं प॑र्यैत् तद्-रा॒जन॑स्य॒ राज॑न॒त्वं यद्-रा॒जनं॑ भ॒वति॑
प्र॒जाना॑मे॒व तद्-य॑ज॒माना॑ रा॒ज्यं परि॑ यन्ति पञ्च॒विंशं॑ भ॒वति॑
प्र॒जाप॑ते - [] 25

7.5.8.4

-रा॒प्त्यै पञ्च॑भि-स्तिष्ठ॒न्तः स्तु॑वन्ति दे॒वलौ॒कमे॒वाभि॑ ज॒यन्ति॑
पञ्च॑भि॒रासी॑ना म॒नुष्य॑लो॒कमे॒वाभि॑ ज॒यन्ति॑ द॒श संप॑द्यन्ते द॒शाक्ष॑रा
वि॒राडन्नं॑ वि॒राड् वि॒राजै॑वा-न्नाद्य॒मव॑ रुन्धते पञ्च॒धा वि॒निष॑द्य॒ स्तुव॑न्ति
पञ्च॑ दि॒शो दि॒क्ष्वे॒व प्र॑ति॒तिष्ठ॑न्त्ये॒कैक॑याऽस्तु॒तया॑ स॒माय॑न्ति दि॒ग्भ्य॑

ए॒वान्नाद्य॑ सं॒ भ॒रन्ति॑ ताभि॒-रु॒द्गातो॑द्-गा॒यति॑ दि॒ग्भ्य॑

ए॒वान्नाद्य॑- [] 26

7.5.8.5

सं॒भृत्य॑ ते॒ज आ॒त्मन् द॑धते॒ तस्मा॑दे॒कः प्रा॒णः सर्वा॑ण्यङ्गान्यवत्यथो॑
यथा॑ सु॒पर्ण॑ उत्प॒तिष्य॑ञ्छिर॒ उत्त॑मं कुरु॒त ए॒वमे॒व तद्-य॑ज॒मानाः॑
प्र॒जाना॑मु॒त्तमा॑ भव॒न्त्यास॑न्दी-मु॒द्गाता॑ ऽऽरो॒हति॑ सा॒म्राज्य॑मे॒व ग॑च्छन्ति
प्ले॒ङ्ख॑ होता॒ नाक॑स्यै॒व पृ॒ष्ठ॑ रो॒हन्ति॑ कू॒र्चाव॑ध्वर्यु-र्ब्र॒ध्नस्यै॒व
वि॒ष्टपं॑ ग॒च्छन्त्ये॑ता॒वन्तो॑ वै दे॒वल॑ोकास्तेष्वे॒व यथा॑पूर्वं प्र॒ति ()
ति॒ष्ठन्त्यथो॑ आ॒क्रम॑णमे॒व तथ् से॒तुं य॑ज॒मानाः॑ कुर्व॒ते सु॒वर्ग॑स्य
लो॒कस्य॑ सम॒ष्ट्यै । 27 (स॒दसः॑ - स॒प्तद॑शं - प्र॒जाप॑ते - गा॒यति॑
दि॒ग्भ्य ए॒वान्नाद्यं॑ - प्र॒त्ये - का॒दश॑ च) (A8)

7.5.9.1

अ॒र्क्येण॑ वै स॒हस्र॑शः प्र॒जाप॑तिः प्र॒जा अ॑सृज॒त ताभ्य॑ इ॒लां दे॑ने॒रां
लू॒ताम॑वा॒रुन्ध॑ यद॒र्क्यं भ॑वति प्र॒जा ए॒व तद्-य॑ज॒मानाः॑ सृ॒जन्त॑
इ॒लादं॑ भवति प्र॒जाभ्य॑ ए॒व सृ॒ष्टाभ्य॑ इ॒रां लू॒ताम॑व रुन्ध॒ते तस्मा॑द्या॑

समाँ॑ स॒त्र॑ स॒मृ॒द्धं॑ क्षो॒धु॒का॒स्ताँ॑ समाँ॑ प्र॒जा इ॒ष॑
 ह्या॒सा॒मूर्ज॑मा॒द॒द॒ते॒ याँ॑ स॒मां॑ व्यृ॒द्ध-म॑क्षो॒धु॒का॒स्ताँ॑
 समाँ॑ प्र॒जा - [] 28

7.5.9.2

न ह्या॒सा॒मि॒षमूर्ज॑मा॒द॒द॒त॒ उत्क्रो॑दं कु॒र्व॒ते॒ यथा॑ ब॒न्धा॒न्-मु॒मु॒चा॒ना
 उत्क्रो॑दं कु॒र्व॒त॒ ए॒वमे॒व तद्-य॑ज॒मा॒ना दे॒वब॒न्धा॒न्-मु॒मु॒चा॒ना उत्क्रो॑दं
 कु॒र्व॒त॒ इ॒षमूर्ज॑मा॒त्म॒न् द॒धा॒ना वा॒णः श॒त॒त॒न्तु॒र्भव॑ति श॒ता॒युः पु॒रु॒षः
 श॒तेन्द्रि॑य॒ आयु॑ष्ये॒वेन्द्रि॑ये॒ प्रति॑ तिष्ठ॒न्त्याजिं॑ धा॒व॒न्त्य॒नभि॑जित॒स्या-
 भि॑जित्यै दु॒न्दु॒भी॒न्थ् स॒मा॒घ्न॑न्ति॒ पर॒मा वा ए॒षा वा॒ग्या दु॒न्दु॒भौ
 पर॒मा॒मे॒व - [] 29

7.5.9.3

वा॒च॒म॒व रु॒न्ध॒ते भू॒मि॒दु॒न्दु॒भि॒मा घ्न॑न्ति॒ यैवे॑मां वाक् प्र॒वि॒ष्टा ता॒मे॒वा॒व
 रु॒न्ध॒ते ऽथो॑ इ॒मा॒मे॒व ज॑यन्ति॒ सर्वा॑ वा॒चो॑ व॒द॒न्ति॒ सर्वा॑सां
 वा॒चा॒म॒व॒रु॒द्ध्या आ॒र्द्रं च॒र्म॒न् व्या॑यच्छे॒ते इन्द्रि॑य॒स्या व॒रु॒द्ध्या आ॒न्यः

क्रो॑शति॒ प्रान्यः॑ श॒ऽसति॑ य आक्रो॑शति पु॒नात्ये॒वैनान्थ्स॑ यः
प्रश॒ऽसति॑ पू॒तेष्वे॒वान्नाद्यं॑ दधा॒त्यृषि॑कृतं च - [] 30

7.5.9.4

वा ए॒ते दे॒वकृ॑तं च पू॒र्वेर्मा॒सैरव॑ रुन्धते॒ यद्-भू॑तेच्छदा॒ऽसामा॑नि
भव॑न्त्यु॒भयस्या॑वरुद्ध्यै॒ यन्ति॑ वा ए॒ते मि॒थुना॑द्ये सँव॒त्सर-
मु॒पय॑न्त्यन्तर्वे॒दि मि॒थुनौ॑ सं भव॑तस्तेनै॒व मि॒थुना॑न्न यन्ति । 31

(व्य॒द्धम॑क्षो॒धुका॒स्ताऽ॒ समा॑ ॥ प्र॒जाः - पर॑मा॒मेव॑ - च॒ -

त्रि॒ऽश॒च्च) (A9)

7.5.10.1

चर्मा॑व भिन्दन्ति पा॒प्मान॑मे॒वैषाम॑व भिन्दन्ति मा॒ऽप रा॒थसी॑र्मा॒ऽति
व्या॒थसी॑रित्याह संप्र॒त्ये॒वैषां॑ पा॒प्मान॑मव भिन्दन्त्युदकुम्भान॒धिनि॑धाय
दा॒स्यो मा॒र्जाली॑यं परि नृत्यन्ति पदो॑ निघ्न॒तीरि॑दंमधुं गाय॑न्त्यो
मधु॑ वै दे॒वानां॑ पर॒म-म॒न्नाद्यं॑ पर॒ममे॒वा-न्ना॑द्यमव रुन्धते
पदो॑ नि घ्नन्ति मही॒यामे॒वैषु॑ दधति । 32

(च॒र्मे - का॒न्न प॒ञ्चा॒शत्) (A10)

7.5.11.1

पृ॒थि॒व्यै॒ स्वा॒हा॒ ऽन्त॑रि॒क्षाय॑ स्वा॒हा॒ दि॒वे॒ स्वा॒हा॒ सं॒प्लो॒ष्यते॑ स्वा॒हा॒
 सं॒प्लव॑मा॒नाय॑ स्वा॒हा॒ सं॒प्लु॒ताय॑ स्वा॒हा॒ मे॒घायि॑ष्यते स्वा॒हा॒ मे॒घाय॑ते
 स्वा॒हा॒ मे॒घि॒ताय॑ स्वा॒हा॒ मे॒घाय॑ स्वा॒हा॒ नी॒हा॒राय॑ स्वा॒हा॒ नि॒हा॒कायै॑
 स्वा॒हा॒ प्रा॒स॒चाय॑ स्वा॒हा॒ प्र॒च॒ला॒कायै॑ स्वा॒हा॒ वि॒द्यो॒ति॒ष्यते॑ स्वा॒हा॒
 वि॒द्यो॒त॒मा॒नाय॑ स्वा॒हा॒ सँ॒वि॒द्यो॒त॒मा॒नाय॑ स्वा॒हा॒ स्त॒नयि॑ष्यते स्वा॒हा॒
 स्त॒नय॑ते स्वा॒हो॒ -ग्र॒॑ स्त॒नय॑ते स्वा॒हा॒ वर्॒षि॑ष्यते स्वा॒हा॒ वर्॒षते॑
 स्वा॒हा॒ ऽभि॒वर्॒षते॑ स्वा॒हा॒ परि॒वर्॒षते॑ स्वा॒हा॒ सँ॒वर्॒षते॑ - [] 33

7.5.11.2

स्वा॒हा॒ ऽनु॒वर्॒षते॑ स्वा॒हा॒ शी॒कायि॑ष्यते स्वा॒हा॒ शी॒काय॑ते स्वा॒हा॒
 शी॒कि॒ताय॑ स्वा॒हा॒ प्रो॒षि॑ष्यते स्वा॒हा॒ पु॒ष्ण॑ते स्वा॒हा॒ परि॒पु॒ष्ण॑ते स्वा॒हो॒-
 द्गृ॒ही॑ष्यते स्वा॒हो॒ द्गृ॒ह्ण॑ते स्वा॒हो॒-द्गृ॒ही॒ताय॑ स्वा॒हा॒ वि॒प्लो॒ष्यते॑
 स्वा॒हा॒ वि॒प्लव॑मा॒नाय॑ स्वा॒हा॒ वि॒प्लु॒ताय॑ स्वा॒हा॒ ऽत॑प॒स्य॑ते स्वा॒हा॒
 ऽत॑प॒ते स्वा॒हो॒-ग्र॑मा॒त॑प॒ते स्वा॒ह॒ -ग्भ्यः॑ स्वा॒हा॒ य॒जु॒र्भ्यः॑ स्वा॒हा॒
 सा॒म॒भ्यः॑ स्वा॒ह॒ ऽङ्गि॑रो॒भ्यः॑ स्वा॒हा॒ वे॒दे॒भ्यः॑ स्वा॒हा॒ गा॒था॒भ्यः॑ स्वा॒हा॒

नारा॒श॒सी॒भ्यः॑ स्वाहा॑ रै॒भी॒भ्यः॑ स्वाहा॑ () सर्व॑स्मै स्वाहा॑ । 34

(स॒र्व॒ष॒ते - रै॒भी॒भ्यः॑ स्वाहा॑ - द्वे च॑) (A11)

7.5.12.1

द॒त्व॒ते स्वाहा॑ ऽद॒न्त॒काय॑ स्वाहा॑ प्रा॒णि॒ने स्वाहा॑ ऽप्रा॒णाय॑ स्वाहा॑
मु॒ख॒व॒ते स्वाहा॑ ऽमु॒खाय॑ स्वाहा॑ ना॒सि॒क॒व॒ते स्वाहा॑ ऽना॒सि॒काय॑
स्वाहा॑ ऽक्ष॒ण्व॒ते स्वाहा॑ ऽन॒क्षि॒काय॑ स्वाहा॑ क॒र्णि॒ने स्वाहा॑ ऽक॒र्ण॒काय॑
स्वाहा॑ शी॒र्ष॒ण्व॒ते स्वाहा॑ ऽशी॒र्ष॒काय॑ स्वाहा॑ प॒द्व॒ते स्वाहा॑
ऽपा॒द॒काय॑ स्वाहा॑ प्रा॒ण॒ते स्वाहा॑ ऽप्रा॒ण॒ते स्वाहा॑ व॒द॒ते स्वाहा॑ ऽव॒द॒ते
स्वाहा॑ प॒श्य॒ते स्वाहा॑ ऽप॒श्य॒ते स्वाहा॑ शृ॒ण्व॒ते स्वाहा॑ ऽशृ॒ण्व॒ते स्वाहा॑
मन॒स्वि॒ने स्वाहा॑ - [] 35

7.5.12.2

ऽमन॑से स्वाहा॑ रेत॒स्वि॒ने स्वाहा॑ रेत॒स्काय॑ स्वाहा॑ प्र॒जा॒भ्यः॑ स्वाहा॑
प्र॒ज॒न॒नाय॑ स्वाहा॑ लो॒म॒व॒ते स्वाहा॑ ऽलो॒म॒काय॑ स्वाहा॑ त्व॒चे स्वाहा॑
ऽत्व॒क्काय॑ स्वाहा॑ च॒र्म॒ण्व॒ते स्वाहा॑ ऽच॒र्म॒काय॑ स्वाहा॑ लो॒हि॒त॒व॒ते स्वाहा॑
ऽलो॒हि॒ताय॑ स्वाहा॑ मा॒स॒न्व॒ते स्वाहा॑ ऽमा॒स॒काय॑ स्वाहा॑ स्ना॒व॒भ्यः॑

स्वाहा ऽस्नावकाय स्वाहा स्थन्वते स्वाहा ऽनस्थिकाय स्वाहा
मज्जन्वते स्वाहा ऽमज्जकाय स्वाहा ऽङ्गिने स्वाहा ऽनङ्गाय स्वाहा
ऽऽत्मने स्वाहा ऽनात्मने स्वाहा () सर्वस्मै स्वाहा । 36

(मनस्विने स्वाहा – ऽनात्मने स्वाहा – द्वे च) (A12)

7.5.13.1

कस्त्वा युनक्ति स त्वा युनक्तु विष्णुस्त्वा युनक्त्वस्य यज्ञस्यर्द्ध्यै
मह्यं सन्नत्या अमुष्मै कामायाऽऽ*युषे त्वा प्राणाय त्वा ऽपानाय त्वा
व्यानाय त्वा व्युष्यै त्वा रय्यै त्वा राधसे त्वा घोषाय त्वा पोषाय त्वा
ऽऽराद्घोषाय त्वा प्रच्युत्यै त्वा । 37 (कस्त्वा – ऽष्टात्रिंशत्) (A13)

7.5.14.1

अग्नये गायत्राय त्रिवृते राथन्तराय वासन्ताया-ष्टकपाल
इन्द्राय त्रैष्टुभाय पञ्चदशाय बार्हताय ग्रैष्मायैकादशकपालो
विश्वेभ्यो देवेभ्यो जागतेभ्यः सप्तदशेभ्यो वैरूपेभ्यो वार्षिकेभ्यो
द्वादशकपालो मित्रावरुणाभ्या-मानुष्टुभाभ्या-मेकविंशाभ्यां
वैराजाभ्यां शारदाभ्यां पयस्या बृहस्पतये पाङ्गाय त्रिणवाय

शाक्वराय॑ हैम॑न्तिकाय॑ चरुः॑ सवि॑त्र आ॒ति॒च्छन्द॑साय॑ त्रयस्त्रि॑ञ्शाय॑
 रैव॑ताय॑ शै॒शिरा॑य॒ द्वाद॑शकपालो ऽदित्यै॑ विष्णु॑पत्न्यै चरु॑रग्नये॑
 वैश्वान॑राय॒ द्वाद॑शकपालो ऽनु॑मत्यै चरुः॑ काय॑ एक॑कपालः । 38

(अ॒ग्नये॑ऽदि॒त्या अनु॑मत्यै – स॒प्तच॑त्वारि॒ञ्शत्) (A14)

7.5.15.1

यो वा अ॒ग्नाव॑ग्निः प्र॒ह्रिय॑ते यश्च॑ सोमो॑ राजा॒ तयो॑रेष आ॒तिथ्यं॑
 यद॑ग्नी॒षोमी॑योऽथै॒ष रु॒द्रो यश्ची॑यते यथ् संचि॑तेऽग्नावे॒तानि॑
 हवी॑ञ्षि न निर्व॑पे॒देष॑ ए॒व रु॒द्रोऽशान्त॑ उपो॒त्थाय॑ प्र॒जां प॒शून्
 यज॑मानस्या॒भि म॑न्येत यथ् संचि॑तेऽग्नावे॒तानि॑ हवी॑ञ्षि निर्व॑पति
 भा॒गधे॑ये॒नैवै॑नञ् शम॑यति नास्य॑ रु॒द्रोऽशान्त॑ – [] 39

7.5.15.2

उपो॒त्थाय॑ प्र॒जां प॒शून्भि॑ म॑न्यते दश॑ हवी॑ञ्षि भव॑न्ति न॒व वै पु॒रुषे॑
 प्रा॒णा ना॒भिर्द॑शमी प्रा॒णाने॑व यज॑माने दधा॒त्यथो॑ दशा॒क्षरा॑ वि॒राडन्नं॑
 वि॒राड् वि॒राज्ये॑वान्नाद्ये॒ प्रति॑ तिष्ठ॒त्यृतु॑भिर्वा ए॒ष छन्दो॑भि स्तो॒मैः

पृ॒ष्ठैश्चै॑तव्य॑ इत्या॑हु॒र्यदे॑तानि॑ ह॒वी॒ष्णि॑ निर्व॑पत्य॒तुभि॑रेवैनं
छन्दो॑भि॒ स्तोमैः॑ पृ॒ष्ठैश्चि॑नुते दि॒शः॑ सुषु॒वाणे॑ना - [] 40

7.5.15.3

-भिजित्या॑ इत्या॑हु॒र्यदे॑तानि॑ ह॒वी॒ष्णि॑ निर्व॑पति दि॒शाम॑भिजित्या॑ ए॒तया॑
वा इन्द्रं॑ दे॒वा अ॑याजयन् तस्मादिन्द्र॑सव ए॒तया॑ मनुं॑ मनु॒ष्यास्तस्मान्-
मनु॑सवो यथेन्द्रो॑ दे॒वानां॑ यथा॑ मनु॒र्मनु॒ष्याणामे॒वं भव॑ति य ए॒वं
वि॒द्वाने॒तये॑ष्या॒ यज॑ते दि॒ग्वतीः॑ पु॒रोऽनु॑वाक्या भवन्ति॒ सर्वा॑सां
दि॒शाम॑भिजित्यै॑ । 41

(अ॒शान्तः॑ - सुषु॒वाणे॑नै - क॑चत्वारि॒ंशच्च॑) (A15)

7.5.16.1

यः प्रा॒णतो॑ निमि॒षतो॑ महि॒त्वैक॑ इ॒द्राजा॑ जग॒तो ब॑भूव ।
य ई॒शो अ॒स्य द्वि॒पदश्च॑तु॒ष्पदः॑ कस्मै॑ दे॒वाय॑ ह॒विषा॑ वि॒धेम॑ ।
उप॒याम॑गृहीतोऽसि॒ प्रजा॑पतये त्वा जु॒ष्टं गृ॑ह्णामि तस्य॑ ते द्यौर्म॑हिमा
नक्ष॑त्राणि रू॒पमा॑दित्यस्ते तेज॑स्तस्मै॒ त्वा महि॑म्ने प्रजा॑पतये स्वाहा॑ । 42

(यः प्रा॒णतो॑ द्यौ॒रादि॒त्यो - ऽष्टा॒त्रिं॑शत्) (A16)

7.5.17.1

य॒ आ॒त्म॒दा॒ ब॒ल॒दा॒ यस्य॑ वि॒श्व॑ उ॒पा॒स॒ते प्र॒शि॒षं॑ य॒स्य॑ दे॒वाः ।
यस्य॑ छा॒याऽमृतं॑ य॒स्य॑ मृ॒त्युः क॒स्मै दे॒वाय॑ ह॒विषा॑ वि॒धेम॑ ।
उ॒प॒या॒म॒गृ॒ही॒तोऽसि॑ प्र॒जा॒प॒तये॑ त्वा जु॒ष्टं गृ॒ह्णामि॑ तस्य॑ ते पृ॒थि॒वी
म॒हि॒मौष॑धयो वनस्प॒तयो॑ रू॒प॒म॒ग्नि॒स्ते तेज॑स्तस्मै॒ त्वा म॒हि॒म्ने
प्र॒जा॒प॒तये॑ स्वाहा ॥ 43

(य आ॒त्म॒दाः पृ॒थि॒व्य॒ग्नि - रे॒कान्न॑ च॒त्वारि॒ंशत्) (A17)

7.5.18.1

आ ब्र॒ह्मन् ब्रा॒ह्म॒णो ब्र॒ह्म॒वर्च॑सी जा॒य॒ता॒मा ऽस्मिन्॑ रा॒ष्ट्रे रा॒ज॒न्य
इ॒ष॒व्यः शू॒रो म॒हा॒रथो॑ जा॒य॒तां दो॒ग्ध्री धे॒नु॒र्वो॒ढा ऽन॒ड्वा॒नाशुः
स॒प्तिः पु॒र॒न्धि॒र्योषा॑ जि॒ष्णू रथे॑ष्ठाः स॒भेयो॑ यु॒वा ऽस्य॑ यज॒मान॑स्य
वी॒रो जा॒य॒तां नि॒का॒मे॒नि॒का॒मे नः॑ प॒र्ज॒न्यो व॒र्ष॒तु फ॒लि॒न्यो न
ओष॑धयः पच्यन्तां यो॒गक्षे॑मो नः कल्प॒तां । 44

(आ ब्र॒ह्म - त्रे॒कच॒त्वारि॒ंशत्) (A18)

7.5.19.1

आऽक्रान् वाजी पृथिवीमग्निं युजमकृत वाज्यर्वा ऽऽक्रान् वाज्यन्तरिक्षं
 वायुं युजमकृत वाज्यर्वा द्यां वाज्याऽक्र॒स्त सूर्यं युजमकृत
 वाज्यर्वा ऽग्निस्ते वाजिन् युङ्ङनु त्वा ऽऽ रभे स्वस्ति मा सं पारय
 वायुस्ते वाजिन् युङ्ङनु त्वा ऽऽ रभे स्वस्ति मा सं - [] 45

7.5.19.2

पारया ऽऽदित्यस्ते वाजिन् युङ्ङनु त्वा ऽऽ रभे स्वस्ति मा सं पारय
 प्राणधृगसि प्राणं मे दृ॒ह व्यानधृगसि व्यानं मे दृ॒ह
 ऽपानधृगस्यपानं मे दृ॒ह चक्षुरसि चक्षुर्मयि धेहि श्रोत्रमसि श्रोत्रं
 मयि धे॒ह्यायुरस्यायुर्मयि धेहि । 46 (वायुस्ते वाजिन् युङ्ङनु त्वा ऽऽ
 रभे स्वस्ति मा सं - त्रिचत्वारि॒ंशच्च) (A19)

7.5.20.1

जज्ञि बीजं वर्॒ष्टा पर्जन्यः पक्ता सस्य॑ सुपिप्पला ओषधयः
 स्वधिचरणेय॑ सू॒पसदनो॑ऽग्निः स्व॒ध्यक्षमन्तरिक्ष॑ सुपावः पवमानः
 सू॒पस्थाना॑ द्यौः शिव॒मसौ तपन् यथापूर्वमहो॒रात्रे

पञ्चद॒शि॒नो॑ ऽर्ध॒मा॒सा-स्त्रि॒ं॒शि॒नो॑ मा॒साः॑ क्लृ॒प्ता ऋ॒तवः॑ शान्तः
सँव॒त्स॒रः । 47 (ज॒ज्ञि बी॒ज - मे॒क॒त्रिं॒शत्) (A20)

7.5.21.1

आ॒ग्ने॒योऽष्टा॑क॒पालः॑ सौ॒म्यश्च॑रुः सा॒वि॒त्रोऽष्टा॑क॒पालः॑ पौ॒ष्णश्च॑रुः
रौ॒द्रश्च॑रु॒रग्नये॑ वै॒श्वान॑राय द्वा॒द॒श॒क॒पा॒लो मृ॒गा॒ख॒रे यदि॑
नाऽऽ*ग॒च्छे-द॒ग्नये॑-ऽहो॒मु॒चे-ऽष्टा॑क॒पालः॑ सौ॒र्यं प॒यो वा॒यव्य॑
आ॒ज्य॒भा॒गः । 48 (आ॒ग्ने॒य - श्व॒तुर्विं॒शतिः॑) (A21)

7.5.22.1

अ॒ग्नये॑-ऽहो॒मु॒चे-ऽष्टा॑क॒पाल इन्द्रा॑याऽहो॒मु॒च ए॒का॒द॒श॒क॒पा॒लो
मि॒त्राव॑रु॒णाभ्या॑-मा॒गोमु॒ग्भ्यां॑ प॒यस्या॑ वा॒योसा॑वि॒त्र आ॒गोमु॒ग्भ्यां॑
च॒रु॒रश्चि॑भ्या॒-मा॒गोमु॒ग्भ्यां॑ धा॒ना म॑रु॒द्भ्य ए॒नोमु॒ग्भ्यः॑ स॒प्त॒क॒पा॒लो
वि॒श्वेभ्यो॑ दे॒वेभ्य॑ ए॒नोमु॒ग्भ्यो द्वा॒द॒श॒क॒पा॒लो ऽनु॑म॒त्यै च॒रु॒रग्नये॑
वै॒श्वान॑राय द्वा॒द॒श॒क॒पा॒लो द्या॒वापृ॑थि॒वीभ्या॑-म॒होमु॒ग्भ्यां॑
द्वि॒क॒पा॒लः । 49 (अ॒ग्नये॑ऽहो॒मु॒चे - त्रिं॒शत्) (A22)

7.5.23.1

अ॒ग्नये॑ स॒मन॑मत् पृ॒थिव्यै॑ स॒मन॑मद्यथाऽग्निः पृ॒थिव्या॑ स॒मन॑मदे॒वं
म॒ह्यं भ॒द्राः सं॑नतयः सं नमन्तु वा॒यवे॑ स॒मन॑मदन्तरिक्षाय स॒मन॑मद्यथा
वा॒युरन्त॑रिक्षेण सू॒र्याय॑ स॒मन॑मद्विवे स॒मन॑मद्यथा सू॒र्यो दि॒वा च॒न्द्रम॑से
स॒मन॑मन्नक्षत्रेभ्यः स॒मन॑मद्यथा च॒न्द्रमा॑ नक्षत्रैर्वरुणाय
स॒मन॑मदद्भ्यः स॒मन॑मद्यथा – [] 50

7.5.23.2

वरु॒णोऽद्भिः॑ सा॒मने॑ स॒मन॑मदृ॒चे स॒मन॑मद्यथा सा॒मर्चा ब्र॒ह्मणे॑
स॒मन॑मत् क्ष॒त्राय॑ स॒मन॑मद्यथा ब्र॒ह्म क्ष॒त्रेण॑ रा॒ज्ञे स॒मन॑मद्-वि॒शे
स॒मन॑मद्यथा रा॒जा वि॒शा र॒थायः॑ स॒मन॑मदश्चै॒भ्यः स॒मन॑मद्यथा
रथो॑ऽश्चैः प्र॒जाप॑तये स॒मन॑मद्-भू॒तेभ्यः॑ स॒मन॑मद्यथा प्र॒जाप॑तिर्भू॒तैः
स॒मन॑मदे॒वं म॒ह्यं () भ॒द्राः सं॑नतयः सं नमन्तु । 51

(अ॒द्भ्यः स॒मन॑मद्यथा – म॒ह्यं – च॒त्वारि॑ च) (A23)

7.5.24.1

ये ते प॒न्थानः॑ स॒वितः॑ पू॒र्व्यासो॑ऽरेणवो वि॒तता॑ अन्त॒रिक्षे॑ ।
तेभि॑र्नो अ॒द्य प॒थिभिः॑ सु॒गेभी॑ रक्षा च नो अ॒धि च॑ दे॒व ब्रू॑हि ।

नमो॑ऽग्नये॑ पृ॒थिवि॑क्षिते॑ लो॒कस्पृ॑ते लो॒कम॒स्मै यज॑मानाय दे॒हि
 नमो॑ वा॒यवे॑ऽन्तरि॑क्षक्षिते॑ लो॒कस्पृ॑ते लो॒कम॒स्मै यज॑मानाय दे॒हि
 नमः॑ सू॒र्याय॑ दि॒विक्षिते॑ लो॒कस्पृ॑ते लो॒कम॒स्मै यज॑मानाय दे॒हि । 52

(ये ते - चतुश्चत्वारिंशत्) (A24)

7.5.25.1

यो वा अ॒श्वस्य॑ मे॒ध्यस्य॑ शि॒रो वेद॑ शी॒र्षण्वान् मे॒ध्यो भव॑त्यु॒षा वा
 अ॒श्वस्य॑ मे॒ध्यस्य॑ शि॒रः सू॒र्यश्चक्षु॑र्वातः प्रा॒णश्चन्द्र॑माः श्रो॒त्रं
 दि॒शः पा॒दा अ॒वान्तर॑दि॒शाः पर्श॑वोऽहो॒रात्रे नि॒मेषो॑ऽर्ध॒मासाः
 पर्वा॑णि मा॒साः संधा॑नान्यृतवोऽङ्गानि सँव॑त्सर आ॒त्मा
 रश्म॑यः केषा नक्ष॑त्राणि रू॒पं ता॒रका॑ अ॒स्थानि॑ नभो॑ मा॒सान्योष॑धयो
 लो॒मानि॑ वनस्प॑तयो॒ वाला॑ अ॒ग्निर्मुखं॑ वै॒श्वानरो॑ व्या॒त्तः - [] 53

7.5.25.2

समु॒द्र उ॒दर॑मन्तरि॑क्षं पा॒यु-र्धा॒वापृ॑थिवी आण्डौ॑ ग्रा॒वा शो॒पः
 सोमो॑ रे॒तो यज्ज॑ज्जभ्यते तद्वि द्यो॑तते यद्वि॒धूनु॑ते तथ् स्तन॑यति
 यन्मे॑हति॒ तद्वर्ष॑ति वा॒गेवा॒स्य वा॒गह॑र्वा अ॒श्वस्य॑ जा॒यमा॑नस्य म॒हिमा॑

पुरस्ता॑ज्जायते॑ रात्रिरे॑नं॑ महि॑मा पश्चा॑दनु॑ जायत॑ एतौ॑ वै
महि॑मानाव॑श्चम॑भितः॑ सं ब॑भूवतु॑र्हयो॑ दे॒वान॑वह॑ () द॒र्वाऽसु॑रान्
वा॒जी ग॑न्ध॒र्वान॑श्चो॑ मनु॒ष्यान्थ्॑ समु॒द्रो वा अ॑श्चस्य॒ योनिः॑ समु॒द्रो
बन्धुः॑ । 54 (व्या॑त्त - म॒वह॑द् - द्वा॒दश॑ च) (A25)

Prasna Korvai with starting Padams of 1 to 25 Anuvaakams :-

(गा॒वो - गा॒वः सि॒षास॑न्तीः - प्र॒थमे॑ मा॒सि - स॒मान्यो॑ - यदि
सो॒मौ - ष॒डहै॑ - रु॒थ् सृ॑ज्या(3)न् - दे॒वाना॑ - म॒र्क्येण॑ -
च॒र्माऽव॑ - पृ॒थिव्यै॑ - द॒त्वते॑ - क॒स्त्वा - ऽग्नये॑ - यो॒ वै - यः
प्रा॒णतो॑ - य आ॒त्मदा॑ - आ ब्र॒ह्म - त्राऽक्रा॑न् - ज॒ज्ञि बी॒ज -
मा॒ग्नेयो॑ऽष्टा॒कपालो॑ - ऽग्नये॑ऽहो॒मुचे॑ऽष्टा॒कपालो॑ - ऽग्नये॑
स॒मन॑मद् - ये ते प॒न्थानो॑ - यो वा अ॑श्चस्य॒ मे॒ध्यस्य॑ शि॒रः -
पञ्च॑विंशतिः)

Korvai with starting Padams of 1, 11, 21 Series of Panchaatis :-

(गावः - समान्यः - सवनमष्टाभि - वा एते देवकृतञ्चा -
ऽभिजित्या इत्याहु - वरुणोऽद्भिः साम्ने - चतुष् पञ्चासत्)

First and Last Padam of fifth Prasnam of 7th Kandam :-

(गावः - समुद्रो बन्धुः)

Kaanda Korvai with starting Padams of all 5 Prasnam of Kandam 7

प्रजनन् - साद्याः - प्रजवं - बृहस्पति - गावः - पञ्च

Samhita Korvai with starting Padams of all Seven Kandams

इषे - वायव्यं - प्रजापति - युञ्जानाः - सावित्राणि -
प्राचीनवञ्शो - प्रजनन् - सप्त

॥ हरिः ओं ॥

॥ कृष्ण यजुर्वेदीय तैत्तिरीय संहितायां सप्तमकाण्डे पञ्चमः प्रश्नः समाप्तः ॥

॥ इति सप्तमं काण्डं ॥

॥ इति तैत्तिरीयसंहिता समाप्ता ॥

Details of Anuvakam, Panchati and Padam for Kandam 7

	Anuvakam	Panchati	Padams
Prasna 1	20	52	2635
Prasna 2	20	50	2330
Prasna 3	20	42	2123
Prasna 4	22	53	2621
Prasna 5	25	54	2631
Total	107	251	12340